

علل اخلاقیه

مقدمه. — تاریخچه و اخلاق. — نقصان محبت. —
طائله حیاتیک فقدانی. — قادیان و اخلاق معاشرت. —
ترك اخلاق ملیه سی. — شیعه بدینی. — اوافق تفك
اخلاقسزلقلمس. — وظائف مدنیه و اخلاقیه. —
درد و دورا. — خاتمه و قاطبه. — علاوات.

استانبول

یکی عثمانی مطبعه و کتبخانه سی

۱۳۳۲

جلال نوری

اعمال اخلاقیه من

مقدمه. — تاریخ من و اخلاق من. — نقصان محبت. —
عائله حیات من و فقدان من. — قادیان و اخلاق معاشرت. —
ترك اخلاق ملیه من. — شیعه بدین من. — اوقات من
اخلاق من و اخلاق من. — وظائف مدنیه و اخلاقیه. —
درد و دوا. — خاتم و قاطعه. — علاوات.

استانبول

بای عثمانی مطبعه و کتبخانه من

۱۳۳۲

علل اخلاقیه من

مقدمه

— بی اخلاقی کونی ایچنده خصوصی اخلاقسز لغمز —

عرفقزك يتشديرديكي اك بيوك ظريف ونكته دان
انمودجي دكلسه، اك بيوكارندن برى اولان جناب « مقدرات
تاريخيه » مه لطفاً يازدينى او مخلص مقاله سنده : « اجزاي
فردىسى آره سنده جاذبه كافيه بولونميان بر جسم البته
طاغيلير ، باخصوص ذراتى دوچار فساد اولونجه .. اقوام
مترقبه ده هيچ كيمسه ديكرندن بر شيشي اومقمسزين بتون
افراد ملت بربري سور، بز بالعكس يكديكرمىزى سومه يز .
ديور . شو كوزل و آجى جمله هر كس كې بخي ده خيلى
دوشونديردى . بو دستور روحى اوزرينه بناي محاكات
ايتدم و « مقدرات تاريخيه » ده كي « ترديات اخلاقيه »
فصلنى — ديكر بعض فصللار كې — توسيع ايله اك مهم
مسئله من حقنده ميدانه بر كتاب كتيرمك ايسته دم .
ايسته « علل اخلاقيه من » ك غايه وسبب تدوينى بودر .

اوت ! سقوط ایدپورز. هوای نسیمینک ماوراسندن
 قویمش بر شهاب کی سقوط ایدپورز . هبوطمژک بر
 چوق اسبابی وار . او اسبابک دهلدنیاتی وار . فقط برده
 بتون بو سباب ولدنیاتی محیط اولان مسئله اخلاقیه
 موجودکه بونکله پک آز مشغول اولپورز . بو مسئلهک
 « فیزیولوژی » و « پسیقولوژی » سی ایله اوغراشامشز .
 بو علت اخلاقیهک اسباب مولده سی ندر ، فصل تشخیص
 ایدیله بیلیر ، سیری نه مرکزده در ، قابل تداویمیدر ،
 دکلیدر ، امکان شفا وارسه نه کی تداییره توسل ایدلمیدر ؟
 بونلر مسائلک مهملری اولدینی حالدهک اونوتیلانلریدر .
 ایشته ، بر چوق مسائلده اولدینی کی ، بزده بوراده
 بر چوق تجربه قلمیه یوروده جکیز . رساله مزده مندرج
 افکار بدینسانه بی تصحیحه ظفریاب اوله جق مؤاخذلرمز
 چیقارسه هرکسدن اول بزبومغلوبیتمز ایله افتخار ایدرز ،
 هرکسدن اول بز منقدمزی تبریک ایده جکیز . فقط هیئات !
 بزم کی بدبختلره بویله شانلی هزیمیلر نصیب اولورمی ؟

•••

علت اخلاقیه - شو عصرده - کونیدر ، خصوصی
 دکلدیر . جمعیتلرک تشکله ، بالآخره قیام وبقاسنه بادی
 اولان عناصر روحیه و اخلاقیه دن بر چوغی تردی

ایدیور و آنلرک مقامنه قائم اوله جق یکی عناصر هنوز
ظهور ایتمیور .

أوروبا آغیر بر بهران اخلاقی کچیر مکده در . لازم
اولان مزایا و فضائلک که وشه مسی عادتأ اور و پاشیرازه سنک
طاعلمسی دیمکدر . بو شیرازه مختل اولور اولماز کتاب
غریبک هر ورقی طبیعتیله دو کولور .

داخلی بر سرطان کبی اخلاقسزلق أوروپایی بیور .
بز غریبک های و هوسنه ، ظاهری پارلاقغنه ، شعله صوریه سنه ،
دبدبه سطحیه سنه ، طنطنه صناعیه سنه ، ثروت معدنیه سنه
پک قاپیلیورز . عجبا بو صرمه لی ستاره نک آرقه سنده
نهلر جریان ایدیور ؟ آره صره بر یانما حادثه سی . بر
دره یفوس مسئله سی ، بر قالمهت — مادام قایو — واقعیه سی
ایله بو پرده بر آزاچیلیور . او سایه ده بو یمان لوٹ آبادی
بر آن ایچون کوره بیلیورز .

بن شوسطرلری بازار ایکن قایو مسئله سی بتون جهانی
اشغال و اتماب ایدیور . بو شاه — اثر بی اخلاقی به دائر
فکر می ایکی سوزله سویلیهیم :

فرانسه ، آرتق ، عالم و مدنیت ایچون قباق طادی و بردی .
اوراده اخلاقسزلق اصل ، فضیلت عارض حاله کلدی .
بو ایشده غاستون قالمهت ده حقسنز ، قایوده حقسنز ،

زوجہ سی دہ حقہ منر ، جملہ سی حقہ منر در . شو قدر وارکہ
قلمت دہ ، قاپودہ ، رفیقہ سی دہ بر برینک علیہندہ ہر نہ
سویلشہلر ایسہ ہپی حقیدر .

محیط اجتماعی . نقد دنیلن شیٹی منحوسک قانون تصرفی ،
اوروپا طرز ادارہ سی ، دیپلوماسی ، حکومت صرافیہ ،
سیاست نسائیہ ، الحکم لمن غلب ، احتراصات متنوعہ ،
عدم مساوات ، غرب دنیلن وجودی یوریور ، اوزیور ،
اختیار لتیور .

ا کر فرانسدہ پارہ مسئلہ سی شکل حاضرندہ حل
اولونسمہ ایدی ، ا کر پارسدہ صنایدید جمہوریت صرافان
میانندن انتخاب اولونسمہ ، آنلردہ اہالی یی سابق زنجی اسرا
کی ادارہ ایتسمہ لردی بر موسیو ژوزف قاپو طوغامازہ ،
آکا مقابلہ ایدہ جک بر « فیغارو » غزنہ سی دہ قارہ
بولہ مازدی .

نتیجہ مقال : اوروپا قصر مدینتک کیرشلی شو
۱۹۱۴ سنہ سندہ ہر نرہدہ ایسہ مختل اولہ جق ، قوپہ جق
مرتبہدہ اسکیمشدر .

آنجق . ماضیدن انتقال ایدن بعض قوای اخلاقیہ ،
وطن ، ملت ، تجارت کی بعض مفہوملر ، حالا ، بو
بنای اجتماعی یی محافظہ ایدیور . بو اساساتک مختل اولدینی

برآمده استقبال تهدید کرده در. بالنسبه اولدینی مملکتلرده
ایسه بر آرز فضلہ زندہ لک مشاهددر .

اخلاق عقدیہ (قونوانسیونل) حاضرہ نک بز
تکرارده تحت نفوذندہ بولونیورز . اوروپا مملکتمزہ
یقیندر . پارہ اعتباریلہ اوروپانک تبعہ و خراجگذاری بز.
بونک ایچوندرکہ عین صرف اخلاقسنزلفی پارسده و غلطده
کورسیورز . طرز حکومتمز ، حق مشروطیتمزده اوروپا
اصول اداره سنک قبا طاسلاق بر نمونہ سیدر . بناء علیہ
اوروپانک علی العموم سیاسی اخلاقسنزلفیینه بزده ده مثال
بولہ بیلیرز . معاشرت خصوصندہ ده غرب مقلدی نامزدی بز.
بو اعتبار ایله ده تردیات اخلاقیہ افرنجیہ بزہ سرایت ایتمش
بولونیور .

بوکا مقابل اوروپانک فضائل حاضرہ سندن پک جو غنی
بنجسمه مشر . وطن ، دین ، ملت حساری - بعض قیود
تختندہ - اوروپادن آلینبیلیردی . اُسف اولتورکہ بونلری
استقراض ایتمکلکمز شویله طورسون ، تدقیق بیله ایتمه مشر .
قابلیت تنقید و محاکمه مزانکشاف ایتمه مشدر . اوروپا
مدینتک آلی (ته قنیق) و اخلاقی قسملرینی تفریق
ایده میورز . هرکسک رأیی مختلف و متخالف . غایه مزری
اونوتیورز و هیمز بر رأیت امل آلتندہ طویلانه میورز .

رجالزدن بر قاچنه تصادف ایتدم که بتون آداب معاشرتی،
بتون مواد حسبه و اخلاقیه سی ایله فرنک اولمقلغمزی
توصیه ایدبورلر. بر ملت دیبرک مدینت اخلاقیه سی حرفیاً
قبول ایتمکه مقتدر میدر؟ بو جهنک تدقیقنه بیله تنزل ایتمدن
اعاظممز « لیبراللق » کوستریورلر . بر عکس اوله رق
مک یوکسک طبقه ده ذواته تصادف ایتدم که « نه قینق »
اوروپا مدینتی بیله هدف استمزا ایدبورلر ...

بر قاج ملیون خلق ، عصر حاضرده ، مترقیانه
یاشایه بیلمک ایچون ملت طرزنده تنسیقاته مظهر اولمیلدرلر.
بر ملت ایسه هر شیدن اول بر غایه نك عموم افراد
طرفندن قبول ایدلمسی ایله تشکل ایدر . ایشه بزغایه لر مزی
اونوتیورز . بو اخلاقی و معنوی شیرازمک اونوتلمسی
ضمان اجتماعی اورتهدن قالدیریور . اجزایی بر برینه
ربط ایده جک رشته قویور . اورتهده یالکیزه بوغازلر ،
مسئله سی قالیور . بوده اولسه اضمحلال یوزده یوزدر .
یوک سائقلر یوق اولونجه آرتق بوغازلر مسئله سی ، بو
اضطراب و اضطراب هر شیئی اباحه ایدبور . نظر احتراضمز
دوستمزك آغزنده دکل ، حتی معده سنده کی ناباره به بیله
منعطف اولیور .

بو ضرورت ، اخلاق خصوصیه مزی ده بتون بتون

بوزمشد. معالی به يك اوقدر استناد ایتیمورز . دائرة
محرمتمزدهده بر غایه من قلمدی .

اگر بویله کیدرسهك دولتجه دكل، ملتجه محو اولورز .
اسلاو و جرمان عناصری ایچنده بوغولورز . اجانبك
نصیبی اولان ایالات سابقه مزده تركر عادتاً آمریقادگی
قرمزی دریلی هندلیلرك اوضرادقلى فلاكتلره كرفتار
اولورلر . محاربه دن اولكى یونانستان و صربستانده اهالی
اسلامیه توكنمشدی . حالبوكه مثلاً نیشده ، ایورانییهده ،
یكیشهرده ، اكریبوزده ، الی آخره مهم جهات اسلامیه
واردی . غایه عامه *Idéal public* نك اندراسی غایه
خصوصیه بی محو ایدیور . آكلاشیلان عام ایله خاص برلکده
کیتتمکده در . بوکا بناء دركه یكى بر الكا فتح ایدلدیكى
وقت غایه عامه حاصل اولیور و درحال قانملرك غایه
خصوصیه سی ده قرین حصول اولمقده کجیکمبور . مثلاً
انكلتزه هندستانه مستولی اولیور ، انكلیز تبعه سی درحال
تجارت و صنایعی بد انحصاره آلیور . بر عكس اوله رق
— سربستی* تجارت قاعده سنه رغماً — فرانسه هندی ،
قانا دانی ، فرانسه آطه سی ضایع ایدیور ، اوراده کی فرانسر
منافی پامال اولیور .

تأسف اولنوركه بو نقاطی اونوتیورز . اخلاقك

هیئت بشریه ده کی رولنی بیلمک، او کرمک ایسته میورز .
فرقلر و حکومت ده هنوز بو نقاط ایله دماغی یور میور .
هله ارباب قلممز عفو اولماز بر لاقیدی ایله جرم
متادیلرینه دوام ایدیورلر . بو های و هو ایچنده خیلی
کفر بازلق ایدیورز . هیچ بریمز دیکرینی سه و میور .
دیدى قودی، افترا ، بهتان ، قصقناجلق ، غیبت، تبصص
وقس علیه البواقی آرق اخلاق رساله لر مزده بیله مباح
حرکات عداینه کیره جک .

فی الواقع اخلاق بر امر عقدی و عندیدر . فقط
مختلف و متنوع اخلاقلرک فوقنده برده لایتغیر اخلاق
واردر . بو ، (حقوق موضوعیه نسبتله حقوق طبیعیه
کبی) زمان و مکان ایله دکشمز . بر درجهیه قدر منطقی
و ریاضیدر . ایسته بز بوکا بیله التفاتکار اولمیورز .

منافع ذاتیه مزى صیانت ایچون منافع عامه مزى
بالطه لیورز . منافع عامه نك ضمان و کفالتی منسلب اولونجه
افسوس که منافع ذاتیه مزده پریشان اولیور ! ایسته
مسئله لرك مبدأ و منتهاسی ... نصرالدین خواجه کبی
اوزرنده اوطوردیغمز دالی کسمکده یز .

بو سرطانی طور دیر مق ، بناء علیه سلطنت عثمانیه یی،
تمامیت ملیه مزى وقایه ایتمک ممکنیدر ؟ ایسته بتون بو

رساله من بو سؤاله بر جواب تشكیل ایتمك ایچون قلمه
آلمشدر .

بر کیجه اعظم رجالزدن بر ذات مفخمك دولتخانه سنده
ایدم . اوراده اتحاد و ترقی جمعیتك سر آمدان خطیاسندن
بر ذات بسیم بر آراق بسکا دیدی که :

— (تاریخ استقبال) كزك (مسائل سیاسیة) قسمی
او قودم . بزم فرقه من بر فرقه سیاسیة در . او حالدہ آنی
نیچون بك بلند بر موقعده كورمك ایستیورسكز ؟ فرق
سیاسیة او یله غایوی بر موقعده بولنه بیلیرمی ؟
حضرتہ جواب ویردم :

— زمینی، زمانی نظر دفته آله رق سزه سویلیه یم که
اتحاد و ترقی بی مثلاً بر فرانسر پارتیسنه بکزمه تمك طوغری
اوله ماز . جمعیت بك اساسلی بر مسئولیت تاریخیه بی دوش
حیثنه آلمشدر . بناء علیه بن ینه اصرار ایدرم . بوجعیتی
بك یوکسك بر موقعده كورمك ایستهرم .
بو سوزلری شوتشخیصنامهك کریزکا هنده ده سویلیکی
کندمه بر وظیفه عد ایدرم .

جلال نوری

تاریخچه و اخلاق

بر حادثه اجتماعی که سبب و مشأنی بولمق ایچون پک مختلف نقاطی نظر دفته آلمق اقتضا ایدر . مثلاً بر شیک سینی زمانده ، محیطده ، عرقده آرادیغمز حالده آنی بر حادثه سیاسیده بوله بیلیرز . بحری بر کویده طوغمش بر چوجفک ماده سنجاییه سنده کی متانت بلکه جریان تاریخی دکشدر . فقط هر حالده مسئله اخلاق موضوع بحث اولونجه بر آف ماضی بی قورجالا مقده قائده واردر .

ظن ایدر مکه شم دیکی سقوط اخلاقیمزک لدنیاسدن بریده اشکالات تاریخیه مزدر . دور استیلامزده جمعیت مزده پک بدیع شهامت اخلاقیه انموذجری واردی . حاکمک ، ضابطک . آمرک بزلی کوچکلکردن پک تنفیر ایدوردی . او خصائل مردانکی ابله بو کونکی اتریقه لر ، انحنالر ، تبصیرلر ائتلاف ایده مزدی . غایه بیوکدی و قولایقله آکا واصل اولنیوردی . بو قهرمانلق عصری قبانوب قضیه همیشه مبدانه چیقنجه ایشه او زمان اخلاق دکشدی . ترك اوغلی چالیشه میوردی . الله ایدیلن مالده

هرکس کافی کلپوردی. بو مالی حسنک ائندن ائلق ایچون حسین دیدی قودی به، افترایه، حبله به، انترقه به، زوربالغه (وقس علیه البواقی) وخصوصیه خفیه لکه باشلادی. معیشت طار و فرد چالشمغه آالشامش ... ایسته بو حقیقت بتون تاریخمزده کورینبور.

اگر یکچیری چالشمه سی بیلسه، چالشمغه تنزل ایته، دولت قوانین اقتصادیه سی نظر ابتصاره آلهرق تشکل ایته ییدی (زوربالق) دوری آچیلمازدی. كذلك علی العاده تشکلاته مظهر اولسه ایدک چالشمه به امکان بولور و چوق وقت اکمکزی نقدینه ناموسمزله ساتون آلامزدق. (سابقده حکومتن مقصد) رعایامک طولاندیرلمسی ایدی. بونک ایچون بر اولیغارشی اداره سی قورولمشدی. قضایای مثبت دندرکه بویه حکومتلر بهمه حال دوچار تزدی اولور. ماضی به ارجاع محاکمه ایدلم. تام یکچیری زوربالرینک اصنافه فرمان فرما اولوب باقالادینی قادینلری قزیل آطلرله آشیردقلری هنکامده علی العاده وزرایی اشغال ایدن فکر نه ایدی؟ پاره. بو ضرورت قارشیسنده خزینه رسماً قلزئلك ایتدی. کچینه بیلیمک اندیشه سی عسکری یورپوردی. گویا بو عسکر مدافعه مملکت ایچون دکل، یمک ایچمک ایچون یاشیوردی. او محیطدن چیقان اعظمده، سائر

مأمورین ده هب بونی دوشونبوروردی .

غایه عامه قالماش ، خص-وصی غایه - یعنی منفعت
ذاتیه - آنک یربته قائم اولمشدی . حریت مفقود ، منابع
ثروت فاکشاده ، آسایش موهوم ، عدالت معدوم
اولدینغدن باشامق ده طارالدی . استحصال ایدیلن برقاچ قیه غدایی
آله کچیرمک ایچون انواع اسلحه دنییه توسل اولندی .
پادشاه اعطا واحسانه مأمور عد ایدلدی . بالطبع
مملکت ده آنک مالکانه سی ایدی . سلطنتک اطرافنده عقل
وخیاله کلیمان دولابلر دوندی . وزیرلر آصیلدی . پادشاهلر
ئولدرلدی . اختلاللر ، یاره ، بوغاز قیاملری ، معده
(فساد) لری سرزده حدوث اولدی .

او زمانلرده بو حشرانی ایشه سوق ایتمک ، یواش
یواش سعی به آلدیرمق هیچ بر کیمسه نك عقلنه کلیوردی .
تاریخ عثمانینک بو خستهلق دوری جسم ملتی او قدر
یوردی ، اونده اوپله جدی رخنه لر آچمدی که آره دن
عصرلر کچدیکی حالده ینه ، حالا جدالاجدادمزدن انتقال
ایدن بو یاره نك آجیسنی چکیورز . یاره تشنج ایتدی ،
قاپانمدی . کوزمن هب خزینه ده ، خزینه ده غائله ده ،
استقراض قیدنده .

بودهاش سقوط اخلاقی به سبب اولان سقوط

اقتصادی بی دوشون یوق. بیلیموروز که دولت اخلاق سزلنک
 قربانی اولیور ، اخلاق ده یاره سزلنکدن تولد ایدیور ،
 یاره سزلنکده حکومتلر منک خط حرکتی هنوز چیزمه مسنده ،
 ملتی یئتدیر مک فکرینک هنوز آکلاشلما مسنده آرائلیدر .
 اسلافی براقلم . فقط سلیم ثالث عصرندن بری نه بر
 رشید پاشا ، نه عالی ، فؤاد ، مدحت پاشا ، نه عبدالعزیز
 رجالی ، نه ده اتحاد وترقی ارکانی ، هنوز مع التأسف بو
 دقیقه بی دوشونه مه ملردر . بز یوم جدید رزق جدید
 بولتیقه سنه تابغر .

کندمزی کوچک ، نالایق ، بوکون ویا یارین
 سوپوروله جک فضله مخلوقات تلقی اینمکه عنودز .

اخلاق عامه من بویه اولونجه اخلاق خصوصیه من
 فصل اولور ؟ آچلنک تضییق ایله ایدیلن سرقت کافه
 قوانینده معذوردر . بو درکده اینمش بر آدمده معذرت
 نه قدر بیوک اولورسه اولسون جیادت خلقیه قالمز .

کوی خلقی وعمله بر طرف . آندن بشقه سی هپ
 عمارت عمومیه دن نواله چین اولمق املنی بسلیمور . کان
 دولت خانداندن بر صاحب یسار و تبعه ده آنک کاسه لیسانی !
 برده بو اخلاقک سنه لردن ، حتی عصر لردن بری

جبلینمزہ کیرمنی دوشونکنز . ایسته او زمان حقیقت
بر آز توضیح ایدر .

ترکلر یالکنز قهرمان و جنکاور ، یالکنز حاکم و ضابط ،
یالکنز جهانگیر و امیر اولسه بدیلر البته بوکون موقعلرینی
محافظه ایدم بیلیردیلر .

جهانگیر لک بر (ساجیه مستقره) دکدر و اوله ماز .
تقویم اعصارده هیچ بر ملتہ تصادف ایدلمه مشدر که مہادیآ
جهانگیر اولسون . بو کچیچی بر دلیقانلیغک . ایام شبابک
غلیانی کی زائل اولور . منحصر آ جهانگیر لکه استناد
ممکن اولسه یدی ، بوکون روماً تبعہ سی اوله جقدق .

بز بو دقیقه ده سابق نشئه ظفر مزک خارینی طویورز .
فضله عیش و نوش ، زیاده جه ذوق طرب - فرانسرجه
کلم قرین عفو بیورلسون - انسانی مجلس قاپاندقدن صکره
« ده مورالیزه ، ایدر . بزردہ شو مشکل صفحه حیاتمزدہ
بویله بر « ده مورالیزاسیون ، ایچندہ بز .

بو مستیدن پک کچ او یانمشز . او یومیانلر ویا ایرکن
اویانانلر ضیافت اقتصادی ده بر لرمزی آلمشلر .

بر هزیمت اوزرینه دارودیارینی ترک ایدن مهاجرلر
التجا ایتدکلری یرلرده عادتاً بر برینک اوستقنه آتلمش
درجہ ده پک طار بر محیطده ، پک مقسی بر یرده یاشارلر .

بونلر ، سابقا ، نه قدر جيد اخلاقه مالك اولورلرسه
اولسونلر بو شرائط حياتيه داخلنده تبديل خلق ايدرلر .
بو ، آشاغی یوقاری استشنا کتورمنز بر قاعده الیمدر .
ایشته بزده بویله بر قافله هجرتزدکانه بکزیورز .

هر نه ذمیمتمز وارسه جمله سنك منشأ ومصدرینی
آرادیغمز وقت بو نقطه تاریخیجه چیقهبیلیرز .

فی الواقع تردیات اخلاقیه منك سبب یكانه سی بودکدر .
اوزرلرینه قوندیغمز عجم ، عرب ، بیزانس انقاضنك
ایچنده کی میاسمالرده شو حمای اخلاقیمنك اسباب
مولده سندنذر . كذلك آکلامه دن أوروپایه تقرب ده فرنك
خسته لغی تولید ایتشددر . بو اسباب دها يك چوقدر .
فقط ، رأیجه اك اساسیلرندن بری ، بلکه اهمی تشکلات
غیر طبیعی تاریخیجه منذر .

ملتلر بعضاً تاریخیلرینی اونوتماقله تعالی ایدرلر . بعضاده
بو تاریخنك اونوتلمسی لازمدر . دها شمولی بر دستور
ایله شونی افاده ایده لم که تاریخنك بر قسمی اونوتلق ،
دیگر قسمی خاطر دن چیقارلماق ایله ترقی حاصل اولور .
مع الناسف بز تاریخنمك بیوک قسمی اونوتلق ، حتی
ممکنسه یاقق مجبوریتنده یز .

دولتک عمارت ماهیتینی قالدیرم . دولتده بر وصی

مقامنه قائم اوله رق بزی چالش دیرسون . ماضی ایله
 — بو نقطه نظر دن — علاقه مزی کسه لم . محیط مزدن کند مزی
 قوپاره لم . آچیق هوای ی لرده ، باب عالی لک ، سرای لک
 بولونم دینی مملکت لرمزه کیدوب اورالری قولونیزه ایدم لم .
 آنجق بو صورته یکی بر حیات باشلیه بیلیر . استانبولده
 — عینی ایله بومبایدکی قولرا کی — اخلاق مزلق Endémique
 بر حالده در . نه قدر چالیشسه ، نه یاپیلسه بو میقروب
 (فوایه) سی قالدیر یله ماز . بناء علیه جمعیت عثمانیه ایچنده
 یکی بر جمعیت تأسیس ایتلی یز . اکر بو جمعیت سی اساسی
 اوزرینه قورولورسه البته اوراده جیادت اخلاقیه بولنور .
 جمله تبدیل هوایه محتاجز .

یهودی سرآمدلری ملت لری نك بعض سجایای سخیفه لرینی
 ازاله ایچون آنلری زراعت ه سوق ایدیورلر . قوه یسیو نجبلیق
 ومیانه جیلک مفسد اخلاق ایمش . آما !

حالبوکه تبصیر وانحناء وزرینه مؤسس بر حال اجتماعی
 بتون بتون مصل اخلاقدر . آنک ایچون بزده بر آرز
 کاسه لیس دولت حیاتی بر اقلی یز .

بو دیدیکمز یکی جمعیت ده مع التأسف دولتک نفوذ
 واققدارندن بشقه بر شیه حصول بوله ماز . هم افراد مز
 تشبث شخصیدن محرومدر ، هم ده اصول اداره مز ،
 قوانینمز ، طرز حکومت مز — حال حاضر یله — بوانکشافاته

مساعد دکلدر .

بو کوچک وطار محیط ، بو خسته لقلی و مشنوم او
بزی اخلاقی بر فقرالدمه مبتلا ایتدی . او یقومز قاجیور ،
چالیشه میورز . مرض ، پاره سزلنی تولید ایدیور . پاره سزلق
بزه دست سؤالی آج دیریور ، یاخود زبان تزویر منه
کشایش ویریور .

بو حیات دوام ایده من . علتک سیراتی طور دیر مق
ایچون خسته به بوزولماش بر هوا تنفس ایتدیر ملی یز .
دنیا نك هر نرسنده و تاربخك هر هانکی دورنده بوکا
شیه بر جمعیت پیدا اولمش و خصوصیه او جمعیت بیوک بر
قصبه به صیغنمش ایسه عینی علامت علل ظهور ایتمشدر .
اخلاق پاره ایله دوزله یز . پاره ده بر داهییه اولونجه به
قار اخلاقی محافظه ایدر . پاره نك چوغی ده ، آزی ده
مضر در . اعتدالی ایسه بر ضروریة اجتماعیه در .
مع التأسف بز بو درجه اعتدالی بوله مدق .

موسیو کیزو ضرور امثال عدادینه کیرن بر کوزل
سوزك قائلیدر . بو فرانسه ز سیاسی و مؤرخ نامداری
فرانسه یی بلند بر موقعه کورمك ایچون اهل وطنه
Enrichissez-vous « زنکین اولیکز ! » نصیحتی
ویرمشدر . عینی سوزی ، بزم بتون مصائب نهایت
ویرمك ایچون ، ترکله خطاب ایده بیلیرز . ظن ایدرم که

مشروع و طبیعی بر صورتده (بورسده دکل) صیدنقوده
 حصر وقت ایدر ایسهك اخلاقسزلق ایتمه به وقت بوله میز .
 نتیجه کلام : تردیات اخلاقیه مزه بادی اولان تاریخی
 زور بالغمزی اونو عملی یز . عمارتخانه اولق اوزره دولتی
 سوپورملی یز . دولت بزم حریت سهیمزك نمکهبانی
 اولمیدر . مادام که اخلاقسز لغمزك سائق اساسیسی پاره سزلقدر .
 آنك ایچون پاره قزانلم .

اخلاق و عظ و نصیحتلر بوشدر . اخلاق رساله لری
 قدر اهمیتسز بر شیء تصور ایدم . اك اساسلی مجله اخلاقیه
 اقتصاد کتابلریدر .

اگر باب حکومت هر نوع دسائس نقدیه سه سد
 ایدیله جك ، مأمور قارییه ری کوچولتیله جك اولور سه
 بالطبع بشقه وسائط معیشت تدارك ایدیله جكدر . فقط
 نارشید اولدیغمزدن یزه بو یکی ساحه عملده رهبرلك
 ایدم جك ینه حكومتدر . حكومت كندی قپوسفی قاپاملی
 فقط دیگر قپولری آچلیدر . بزم تردیات اخلاقیه مز
 آنجق و آنجق انكشافات اقتصادیه مز ایله طور دیریلیر .
 بشقه چاره یوقدر . ضیا پاشا مرحومك مصراعفی نثراً
 تضمین ایدم :

اخلاق واعظلرینك افسانه لری هب هذیاندر !

نقصان محبت ، چکه مه منزك ، دیدی قودی ،
رقابت محدوده نتیجه سی فساد اخلاق

جمعیت مز ، دور است- قیلا منك سندن بری ، بك
طارال دیغندن ، یا خود ، تعبیر محبتی ایله افراد تزايد
ایدوب واردات علی حاله قالدیغندن اعضا شیمه محبتی
اونو تور کبی اولمشلردر. او موجود اولاندن بشقه واردات
بولونم دیغندن و یا استحصالی چاره سی ده اولم دیغندن بری
برمنك ائلدن اککمزی آلفه باقمشز .

هیچ بر تربیه رابطه سی ، هیچ بر غایه مشترکه بزی
بر برمنه باغلامیور .

حسیات دینی منك تزدیسنی ده بوراده اهم سوانقندن
عد ایده بیلیرز . جمعیت مز معنای غلیظی ایله تام بر مادبون
هیئتیدر. فردایی دوشونه جك حجیرات دماغیه مز چور و مشدر .
خود کاملق دیگر کاملغه بك غایه ایتمشدر . بو پولتیقه منك

اداره سی ایچوزده ذکامز کشایش بولمشد . بو ذکا بزہ
 خاصدر . مثلا اسقاندیناویالیلرده ذرہ سنہ تصادف
 اولونہ میہ جق اولان بو عقل غریب ایله بز، هله عبدالحمیدمانی
 دورندہ حقیقہ آنتریقہ شاه اثرلری میدانہ کتیردک .
 دور سابقده چویریلان بعض دولابلر واردرکه آنلرک
 مدورلری ذکارینی بشقہ خیرلی وناموسلی برایشده
 استعمال ایتسیدیلر عالمده نامرینی ابقا ایدرلردی . تأسف
 اولک-ورکه جورناللر نشر ایدلدی . بونلرک ایچنده اک
 بنام رومانجیلری اعجاب ایدمک خیال نمونہلری ، اک
 مامر روح شناسلری دوشوندوره چک پسیقولوزی تربیاتی
 اولسه کرکدر .

اخلاقسزلق بر صنعت نفیسه (۴) اولمشد .
 اخلاقسزلق دنیلن نسندہ ایچملش ، تورپولمش بر شکل
 بدیی آلمشد .

اخلاقسزلغکده بر تربیہ سی واردر . ذاتاً تربیہده
 فرط انحنافضیلدن زیادہ ذمیمت معترضه سنہ داخل اولور .
 نہ ایدی او اسکی زمان ؟ فضائی برآز ترسینه چویرمک
 مجبوریتندہ بز . مثلاً علی العاده مرآتیک او زمان برخصلت
 مرغوبہ ایدی . بوکا مرآتیک دیملر ایدی ، فقط فرق
 ییلاق یانی کانی اوله میہ جنی کی اسمنک تبدیلی ایله بزم

بيك سنه لك ايكي بوزايلكمز هر حالده بر فضيلت دكلدره .
كالم خلوص بال ايله جورنال و برنلر ، خدمت مقصديه
افترا ايدنلر ، ودها بو كييلر بك چوقدى . وهنوز
موجود درلر .

حكمدار بتون ثروت و ساماني بذل احساننده
طونديغندن بتون انخزالرك ، تبصبلرك ، أنتريقه لرك ،
الى آخره ، هب مقام سلطنت جوارنده اجرا ايدلمى
طبيى ايدى .

بو اخلاقى (ستانو - قو) نك تقرر ايتمى بر كره
دوشونكز . تصور ايديكز كه اخلاق مزلق تبديل نام
وعنوان ايدرك فضيلت اولسون و آره دن بر ، ايكي بطن
كچرك بونلر جبليتمزه كيرسون !

ايسته بو نقصان محبت ، بو فقدان اعتماد كيزلى بر
صيمه كى بزي ، شمدى پریشان ايدور . هر كيم بر آز
ذكاويا اقتدار ابراز ايدرسه برونى قيرالميدر . هر كيم بر
كوزل شي ياپارسه خطا ايتميدر . ياپدينى ساخنه در .
كنديسى سارقدر . آنك هيچ بر قدر واهميتى بوقدر .
هر ملت منور افرادى ايله افتخار ايدر . حتى
آنلرك مزاياسنى بر آزده مبالغه ايدم بيلير . بو، بنجه مشر و عدد .
بزده ايسه برعكسدر . اكرم بلك بر هيچ ، حامد بلك

بر هرزه کو (الی آخره) اولدقلرینی بو ذوات ایله مناسبتلری
اولانلردن چوق طویدم . کندیلرینه حرمت طبیعیم
اولدقلرینی بیلدکاری حالده بو هجا و گروهی بو یایوه لری
بکا بیله سویلدیلر .

أوروپا لیلره قارشی دولتمزی جورنال ایدن افاحم
رجالده پک چوق تصادف ایتدم . اوتده بریده جریان
ایدن دیدی قودیلرک قید و تثبیت ایدلسنی پک آرزو ایدرم .
بونلر بر کون پس یقولوژی قواعد و قوانینی ایله تحلیل
ایدیله جک اولورسه عصر مزده جمعیتمزک کوزل بر
فطوغرافیس یاییلمش اولور .

الاسکی زمانلردن بری بزده دیدی قودی خصوصنده
حریت تامه واردی .

هیچ بر ایش ایله مکلف اولمیان قادین جمعیتی دیدی
قودی بی تکامل ایتدیردی . او محیطدن چیقان چوجوقلرده
بلکه بیلمیه رک دیدی قودیچی اولدیلر . باب حکومتمده
دیدی قودی ، فصالاق ، هجا لاق ، غمازلق اصلدر .

بو اخلافسزلق او یله کوزل ، جاذبه لی ، لطفکار
بر قادین هیئتته تمثیل ایدیورکه بونی سابقده نه عبدالعزیز ،
نه عبدالحمید زمانلرینک رجالی ، نه ده شمعی اتحاد و ترقی
ارکانی قوغه میورلر . اخلاقسزلق ، خفیه لک زمامدارانه

آنی فوائد تأمین ایدبور . فقط ایسته او قدر . آذن
سکره سی مع التأسف دوشونه میورز .

بیوکاردن ، کوچکاردن هیچ کیمسه بی کورمدم که
علیه داری ، خلا فکیری بولونمسون . هله بر آز اورتیه
آتیلان اولورسه او هر درلو شتمیانه هدفدر . بر کون ،
غزنه یه ، بر قادی ن نام مستعاری ایله بر سلسله مقالات
یازمش ایدم . سلسله نظر دقتی جلبدن خالی قلمدی .
نه دیرسکزه سکره دن دیدی قودی آژانسی بزه بیلدیردی که
بو قادی ن پک ناموسسز بر شی ایتمش ، قوجه سنک
خانه سندن بر فرنک ایله قاجش ، الی آخره .

احوال عامه و خصوصیه لرینی غایت یقیندن بیلدیکم
بر قاج ذاته ایدیلان اسنادلری بر مسئله اتخاذ ایله عربض
و عمیق تدقیق ایتدم . یاری یولده ، محاکم دکل ، خیالم
بیله طور دنی . یالان ، تام معناسیله دروغ اک ایکنج
شکلیله بر درونی صولوجان کی بزی ایچدن ایچه بیور .
یالانده مملکت مزده حریت کامله یه مظهردر .

هوائی یالان بر طرف ، فقط اونه کنی بریکفی
یووارلامقده ، آزمکده ، کوزدن دوشورمکده قوللانیلان
انواع مختلفه کذب بزده خیلی ایخه لمش ، ترقی ایتشدرد .
اسوچلیلر کی فضیلت خلقیه لری ایله مشهور کیمسه لر

اره مزده ياشاسلر مبهوت اولورلر . بز بلاختيار دروغ
پرداز اوليورز .

طوغري بي اولديني كي سويلسهك كيمسه اينانجه جق .
آني بهمه حال بر آز رنك كذب، ايله تلوين ايتملي يز . ذاتاً
مقصد مز فاسد . آنك ايچون مبالغه الزمدر . اكر بر
شيئي لزومي قدر بيولتمز ولدي الايجاب كوچولتمزده حال
طبيعيسيله عرض ايدر ايسهك ايشيمز اولماز . چونكه
مخاطبمز (بلكه غير مدرك اوله رق) حال طبيعيسنده
افاده ايتمك ايسد يكمز شيك بر آز مبالغه ايدلمش اولديغه
ذاتاً ازلدن قانعدر . آنك ايچون تصوير مزدن بر آز
اسقونطو ياپار . پك بيوك ديملي يز كه بيوكي ، عقل بشرك
يتيشه ميه جكي بر درجده وسعتلي ديملي يز كه پك بيوكي
افاده ايدلم .

خاقان سابق عبدالحميد خان هيج بر فرد آدمينك
اوزرنده اوطوره ميه جني بر سريري تدقيق وتفحصده
بولونمق مظهر يتيله بكام اولمشدي . بو سلطان ناكام بتون
اخلاق سز لقلر كاريزينك كويا منصبنده ايدى . بشقه لر ينك
كورده ميه جكي قناللردن كلن چركاب رذائل ، قاذورات
ذماثم هپ آنك پدشكاه تبعندن كچردى .
بو درياي لوثياتك تموجاني دنياده بلكه آندن بشقه

کیمسه کوره مه مشدی .

یازیق که سلطان احمر خاطراتی یازمدی . یاخود
یازمش ایسه بز کورمدک .

جمیتمز داخلنده کیزلی بر محاربه جریان ایدیور .
سلاحلرمز جورنال ، مفهوم قدیم وجدیدی ایله جورنال ،
افترا ، بهتان ، اسناد ، وکذبدر . محاربه خفیدر چونکه
علنی مجادله ایدم جک قدر کندنده جلادت یوقدر . آنک
ایچوندرکه یوکسک (؟) طبقه مزده جنایت چیقمیور
و دوثللو عاداتمه کیرمدی .

بر طرفدن بر ذاتک یاری اولیورز ، دیگر طرفدن
آنی قدح ایدیورز ، منکر و نکیر حضرتینی فونوغراف
وسینه ماطوغراف آلتربی قوللانه بیلسلر ایدی نه حقیقه
موجب عبرت پلاقلره وشریدلره نائل اوله جق ایدک .

بو حال جلادتی ، خواحشی ، آرزوی معالینی
سوندیریور ، تولدیریور . چوجقاغنده نجیب وعلوی
املار بسلیان بر ذات حیات فعالانه کیرر کیرمز انکسار
خیاله دوچار اولیور . هر یول مسدود ، هر غایه محکوم .
بالکیز قراکلق ، اعوجاجلی ، اوزون ، پیس ، مردار ،
تهلکه لی بر کیزلی یول وار : آنتریکه . ایشته بر درجه یه
قدر آنک مغرجی کور یلیور . اوست طرفی همان چیقماز سواققلر .

بر آفتورک اویونک تنوعنه کوره گاه مضحکه ،
 گاه فاجعه اوینامسی ، بعضاً رذیل بعضاً فاضل بر آدمک
 رولنه تمثیل ایتمسی کبی بزده بکرمی درت ساعتده بر
 — بلکه دهها زیاده — تبدیل جامه ایدیورز . افکارمزده
 اطراد یوق . سجه ناموجود . فکرده ثبات و متانت پک
 آز کوریلان بر شیدر .

کریک اسکیدن ، کریک یکی زمانده هیچ بر فکر
 ذاتیسی اولیبوب هر فکر ایله متفکر اولان نه قدر وزرا
 وعظما کوردک؟ هله طوغریدن طوغری به خدمت ابتدکی
 دولتی سهو میان اعظمک سوزلرینی پک چوق ایشتدک .
 یوکسک دیه بیله جکمز او آلقاق طبقه من دولتک
 آتیده انحطاطزده اوله جفی فکرینی کندیسنه او قدر
 مال ایدنمش درکه بوکا منسوب اولانلرک جمله سی ، خرمن
 صوکی درویشلرکدر ضربنی ایجه از برلشیر وهرکار
 وزارده آنجق و آنجق منفعت سیله ذاتیه لرینه باقشلردر .
 آه ادبامن ، ارباب قلممز ! زرده سکر ؟ هذیان
 مرتعش شاعرلرینک آبه نت قوقان صونه لرینی ، ده قادان
 ادبانک حقائق مالونه لرینی بجره مه مک شرطیله قوپیه
 ایده جککزه هم تاریخه خدمت ، همده صلاحزده مدار
 اولوق اوزره لوشیتمزی تصویر ایتسه کز نه اولور ؟

چکه مه مزك نقصان، محبت، رقابت محدود و نتیجه‌ی حاصل اولان فساد اخلاق بزده اویله معضل مسائل حیاتیه در که بونلر ایله ادبیات و رومان اوزون اوزادییه اوغراشمدقجه فن روح شناسی حکمی ویره من .

جمعیتمز - کرار آ سویلدك - غایت قاپالیدر . ایچنده اولان بیتنی پك بیله میورز ، کوره میورز . عائله ایشلری عا که دوشمیور . طلاقلر بلا حکم وقوع بولیور . غوغا من ساکتانه در . آنك ایچون آنجق رومان ، آنجق قصه و حکایه ، خلوص نیتله یازلمش مصاللر بزی - اوده بر درجه به قدر - بو جهان مخفیدن خبر ایده بیلیر .

کوچك اخلاقسز لقلر اقزده ماکی جلد جمعیتی آره صره تخریش ایدیور . زمان زمان قاشینیورز ، اویوز اولمش کی طرفاقلر مزك وساطت عاطفته کارانه سینه محتاج اولیورز .

بزده بو علت اخلاقیه بی تدایوی ایده جك مکتبلرده تربیه اخلاقیه ویرلیور . هر شیدن اول دماغك حافظه دنیان قابلیتی - بالآخره اونیده ثولدیرمك اوزره - انکشاف ایتدیرمك ایچون مکتب آچمشز . تربیه حسن ، تربیه خلق ، تربیه بدن - که هر حالده تربیه حافظه دن دها آرمهم دکلدیر - پروغرا مزه دکل ، خیال مزه بیله

کیرمه مشدر . دها دردی تشخیص ایتمه مشز که دواسنی
ترتیب ایده لم . مکاتبز اون او کونمه مک شرطیله دون
دکرمنه بکزر . معارف عمومیه من افراد مزه یکنه سق
بر غایه ویرمبور که بو غایه ده بره اخلاق ، تولید ایده یلسون .
بلا مقصد چالیشیورز .

شو تجربه نی یاییکز : غایه نه در سؤالی آلمانیه
یوکسک و آشاغی طبقه لره منسوب کیمسه لره ، چو جو قله ره ،
قادینلره ، حتی مختلف مذاهب اربانه سوریکز ، سوچیل
ده موقرات ویدکه آکا شیه افکاره سالک اولاندن
ماعداسی ، عالمی ، جاهلی ، عاقلی ، ابلهی ، کباری ،
صفاری آشاغی یوقاری عینی کله لره سزه بر جواب
ویره جکدر . برده عینی سؤالی بز مکیلره سوریکز .
تقریباً یکرمی ملیون مختلف جواب آله جفسکز .
بوجواب خصوصنده کی زنیکنلک ایو کزو کورتلکدر .

غير منتظم وغير مطرد حيات

عائله حياتنك فقدانى

تركلر ايستر اك يوكسك اطباق مليه يي اشغال اينسونلر .
ايستر اك اشاغى سويدهده بولونسونلر ، جمعيت كرىزدرلر .
طويلانه مازلر . تجمعدن خوشلانمازلر .

خصوصات دينيهده ، عائلهلر آره سنده وعائلهلر ايجنده ،
حيات دوستانهده هپ بو ذميمت جبليله كوريلور .

بعض معارضلر من اسكى زمان جمعيتلرينى ، حلوا
محببتلرينى ، نو شهرلى ابراهيم پاشا ، نديم ولاله دورينى ،
محاضراتى ايلرى يه سوردهرك بزمده بر جمعيتمز اولديغى
سويليه جكلردر . بونلرك حقى يوق دكلدر . فقط بر بلبل
ايله بهار گلجه چكى كې بر دورده بر آزه سوسيهته ،
عالمى باشلامقده وبو عالم بك چابوق منطقى اولماقده بزم خصات
جمعيت كرىزيمزه خلل كلز . انسانچلر والسلام !

مردم کريزلك شيعه خصوصتي توليد ايدر . انسان
طانيديغنىك دشمنى اولمسه بيله هر حالده دوستى اولمماز .
بوکا سائر سوانق تدنيات و تردياتى علاوه ايدىكيز ، حقيقت
بر آز توضح ايدر .

دين ، تركيده تردى يه باشلا دىغى كوندن برى « جمعيت دينيه »
سومش ، توكنمندر . مسجدهر شيدن اول اخوت
اسلاميه يي نمادى ايتديره جك بر جامعدر . كيت كيده
اعلى جامعه كيتمه كنزلكار اولدير . جمعيت دينيه مختل
اولدى . بو دقيقده جامعلرى طولديران عوامدر .

حالبوكه بزم شرائط اجتماعيه مز داخلنده باشايان
اقوامى طولايه جق ، افرادى بررينه طانديره جق
وبناء عليه كوزل بر اخلاق افاضه ايدى جك اهم واسطه
« جمعيت دينيه » در . بونك وعدلرى ، وعيدلرى خلقى
تحت انضباطده بولوندورر . رؤساي دينيه نك حيثيتى
آزالدى . بونلره حرمت و رعايت منسلب اولوركى اولدى .
حالبوكه سائر اقوامك تشكيلى ايتدكلىرى دينى جمعيتلرده
هر كس بو كى رؤسادن هم قورقار ، هم آنلرى سهور .
آنلر على وضعى حكم موقعنده درلر . بو كى سر آمدانك
حضورلرنده ، دائرة اطلاعارنده تربيه سزلك ، ادب سزلك اولماز .

ممالك عثمانیه روم وارمنی جماعتلرنده ، حالا رهایین ،
 ايسقيوسلر ، خصوصيله بطريقلر بيوك بر نفوذ اخلاقی
 صاحبیدرلر . بر چوق عائله اویغ-وونسلرلری ، طلاق
 تصورلری بونلرک وساطت نیم رسمیهی ایله حل ایدیلاور .
 بر چوق سفها پایاسدن قورقه رقی حیات مسرفانه لرینه نهایت
 ویریرلر . حالبوکه بزم بر طاقم محله اماملرمزك اك بيوك
 اختصاصی دسیسه شرعیه سنی بولوب ویا ساخته کارلق
 ایدوب اولیه جق نکاهلری قیقم ، طلاقله شهادت ایتمکدر .
 امام افندیك محله داخلنده تأثیر و نفوذی بیوك
 دکدر . بو ، عادیا بر شخصدر . ظن ایدرم که ألبی اوین
 آرتق قالمامشدر .

یوکسکجه طبقه مزجوامع شریفه ده کندیلرینه موافق
 بر جمعیت بوله می-ورلر . امامك ، مؤذنك ، خطیبك
 اطرافنده بر محبت و محبت جمعیتی قورولمیور . جامع
 مستخدملری و منسوبلری علی الاکثر — معنای لغویسیله —
 علمادن دکدرلر . حالبوکه تانارستانده مع الشکر بونك
 عکسفی کوردیم . جامع انوار لامعك اطرافنده کی اوطنه
 ویا اوطنه لرده پك کوزل مباحث جریان ایدیور ، خوش
 بر جمعیت قوریلیور ، بتون ملت ریئسی دینك مراقبه
 ضمنیه اخلاقیه سی آلتنده بولونیور .

حیات دینیہ نك سو نمئی . زده اخلاقی قونترولسز
براقشدر . اك دینسز ، — غلیظ معناسیله — اك ایمانمز
مملکتلردن بری ده بزمکیدر . ملنك یوزده بلدك طقسان
بشی ، شو بولند بیغمز دور تاریخنك ، جامع قلوبندن
بشقسه اعضا یازیلماز .

اورادن بشقه بر یرده جائه اخلاقی کیمز . یا ا کر
او جامع خراب آباد ایسه ؟

جوامعمرنك حال حاضری ایله عوامه ایتدکلی
خدمت اخلاقیه ناکافیدر . وعظا هر هیچ بر تفتیشه تابع
دکدر . ظن اتمک تصادف طریقيله اولسون جماعته ،
یو کونلرده . بر فائده عملیه سی اوله جق برو عظویرلسون !
دین ، فنون جدیدیه توفیق ایدیلرک بر شکل مستحسنده
ارائه ایدیلر حکمنه علائیه در ، لیهودن ، قرجه علی بدن
کلمش بر طقم قابا حریفلر اساطیرک اوی دورلدینی دورلرده کی
انسانلری بیلر حیرنده براقه جق غوج بن عنوق مصالری
ایله جماعی اضلال ایدیلرلر .

حالبوکه امت محمدک تصفیة اخلاقی ، تهذیب مزایاسی ،
« تنجیب » خصائلی ایچون جامع نه یوک بر جامعده در :
مدرسه حیانتدن بحث ایتیمه لم ، قلیج زاده نك حق
درسنه تجاوز ایتمش اولورز . ایشتمه حیات دینیه بویله .

کلام حیات عائلهویه :

اوده اویله در . « قادیئلر من ، عنوانلی کتایمده عمیق
وعریض شرح ایتمش ایدم .

أوروپانك بادی قوتی اولان (وحیف که اوده بو
کونلرده تردی زده بولونان) عائله بزده تشکل ایده میور
ویا کوچلکله تشکل ایتمکده در . جمعیت مزده بلا سبب
طلاق جاریدر . تعدد زوجات عائله اساسنی — بو عصرده —
زیروز بر ایدیور . استفر اش کچن دورده روح عائله یی سوند-
ورمشدی . اوز مانلرده تولمکدن مقصد یگانه عائله تشکیلی دکل
أکلمک ایدی . شمعی ده بر سپه کولاسیوندر . نکاح و دفع
زوجہ خصوصنده کی قوانین غیر مکتوبه منک ماهیتی اخلاق
عائلهویه یی بر باد ایدیور .

بونک ایچوندر که علی العاده حیات ده بک غیر مطر در .
عائله مسئولیتی بر آدمک اخلاقی دوزلتیر . اسکیدن بعض
مرتبه مساویسی اولان بر کیمسه بعدالازدواج تصفیة
اخلاق ایدر . بو حال چالشمغه برساقدر . سر سربلک ،
بویله جه ، بر نهایته ایریشیر . حالبو که ازدواج هوائی اولورسه ،
بونک بر ماهیت دائمیسی بولونمازسه ، بالعکس ، اخلاق سزلق
اولانجه قوتی ایله تخریباتی اجرا ایدر . بیک کره سویلدم ،
ینه تکرار ایده یم : حال حاضرده ملنلر عائله لرک محصله

اجتماعیه-سیدر ، عائله‌لرده کوزل بر طرز ازدواج ایله
تشکل ایدر . اگر بزده اولدینی کبی عائله‌لر فنا بر ازدواج
اصولنه استناد ایدر سه ملتده نه صلاحیت قالیر ؟ عائله
رئیساری کندیلرنده بر مجبوریّت و مسئولیت کوردکجه ،
عائله‌لرینی ، بناء علیه ، سه‌ودکجه حسن اخلاق احمابندن
بولونمق مجبوریتنده درلر . بوندن ملت مستفید اولور .
حالبوکه بزده اولدینی کبی مهر و نفقه‌ینی و یرمک ، چوجقلری
اونوتیو یرمک ایله بر آدم مسئولیتدن قورتیلورسه ، او ،
نه سائق ایله چالشسون ، نیچون حسن خلق اربابندن
اولسون ، نه دن مسرفلک ایتسون ، نه سییه‌مینی اقتصادکار
اولسون ؟ عائله و حیات عائله‌نک قایالی بولونمسی یکنسق
بر اخلاق عائلویه‌نک حدوپنه مانعدر .

عائله و همیشه و حیات خصوصنده ، ملل متمم‌ده
ایچنده . بزدن آنارشستی یوقدر . ین بوسه‌پییه مبنیدر که
ترکیه‌ده - یهود و نصارا مستثنا - بر تجارتخانه‌نک اوچ
بطن دوام ایتدیکی کورولمه‌مشد . بابا اوغلنه ، اوغل بابایه ،
زوج زوجیه ، زوج زوج ، قرداشلر بر برینه باغلی
دکلدر .

اک صمیمی دقیقه‌لرنده زوج بر یکی حیات تص-ور
ایدر . زوج قوجه‌نک تصورات خفیه‌سیله مدهوشدر .

چو جققلرك رأس مقدراتنك اوسـتـنده بر مرغ مصیب
بال كشارد . قومشو اكثر يا خصومت جواریه صتمهـسنك
نوبتلى ایچنده بولنور . اوده کی جاریه خانم افندیـنك
بر آیاغنی قایدیرسم اندیشهـسی ایچنده در . بونلرك جملهـسی ،
حیات معتاده لرنده ، فلانی فصل دوشورسهـك ؟ دردیله
یانارلر . محله امامی وتبهـسی طلاقلر زیاده لشسهـده افندیـلر ،
خاعلر تکرار نکاح ایدلسهـلر بزده چوپلنسهـك تمیسهـندن
زیاده دها مشوم انتظارلرده بولنورلر .

عائله حیاتی اولمینجه قومشولق حیاتی ده ، طبیعتیله ،
استثنائی بر حال اولور .

مشروطیتدن صکره بیکلرجه قلوب ، جمعیت ، محفل
وسائرہ تشکل ابتدی . بونلر دیکیش طوندبره بیلیدی ؟
اساسلی بر جمعیت قوروله بیلیدی ؟ اتحادوترقی قلوبلرنده
بیله بر کرامت متصورایکن آنلرده ده اجتماع اوله میورمش .
بر بیوک مکتب مآذونیفی بر قلوب آچشلر . ایلک
هیجان ایله مأموریت بخش بر ایکی ذات عالی ده مکتب
خاطراتنه رعایه آورایه آره صره کیدوب آهریتیف ، لرنی
ایچبورلرمش . بونك اوزرینه بو قلوب فوق العاده بر اثر
زندکی کوسترمش . قید استعدعالری چوغالمش ، پاره
زیاده لشمش ، بر مجموعه احداث ایدلمش ، الی آخره .

وقتاً که مأموریت بخشان حضراتی قلوبه مداوم اولماز
اولمشر بتون اعضاده . یواش یواش ، عنفوان شبانی
خاطرلن، او پر امید ، پر شطارت جمعیتی اونوتیورمشر...
بو کی جمعیتلر یالکیز اعضاسنه افاضه محبت ایتک ،
بر چوق ایشاری قولایلشدر مق شویله طورسون بر
طاقم خصوصتاریده ازاله ایدر ، طارغینلقلره محل ویرمز،
اینجه لکی، تربی بی مساعی مشترکینی استلزام ایدر. آمریقاد
قلوب و جمعیت اساسی اوزرینه مبتنی بر یکی اخلاق معاشرت
حقیقمشدر .

بز ایسه بر بر مزی طایمبورز . محبت تعارفه، مستنددر .
تربیه، اخلاق دنیان شیرلر ایسه آنجق حیات جمعیت ایچنده
کشایش بولور .

بو دورک دواسی عائله اساسنی ترصیندر . بوده باشند
آشاغی قوانینی اصلاح ایله اولور . « قادینلر مرن » ده
نکاحده ، طلاقده شرع احمدینک آمر تعدیلات اولدیغنی
ادلله دینییه ایله اثبات ایتمشدم . اکر عائله لرمز تحت
انضباطه کیررسه بالطبع آنارشیستلک استلزام ایتدیکی
بی اخلاقی ده زوال بولور .

عائله لر تعمیر ایدیلنجه ملتک ده ، کندیلکمدن، ترمیم
ایدیله جکی شبهه سزدر .

اخلاق دینییه نك اصطفا سی ایسه دها قولایدیر .

جیات سالفه دینییه رجوع ایتلی یز . دیانت اسلامیه نك
فرامین اخلاقیه سی حرفیاً و سریعاً اجرا ایتدیرمك ظن
اولوندیغندن بك قولایدر . فقط نخبه املی اسقاط جیلک
اولان غسالان حذله سی ایله بو انقلابی یاپما یز .

واقعا سو بایه حکم آغیردر اما ، نه چاره ؟ مجبوراً
سویلبورم . بر درجه یه قدر لوتریان واعظارینك خط
حرکت و طرز تعلیمارینی اقتباس ایتلی یز . آنلر پر ترهات
اناجیل مخرفه ایله بیسوک شیرل یاپدقلری حالده یز محض
حقیقت اولان قران و احادیث نبویه ایله نه یاپه مایز ؟ بر کره
دوشونه لم : اسقاندیناویا ملت لری کی صفوت خلق و جیات
سجیه ایله مشهور اولانلر بیله جمعیت دینییه اوزرینه بنای
مساعی ایدرسه یز بطریق الاولی قوه دینییه دن استفاده
ایتلی دکلکی یز ؟ فینلانندیایی بو طریق فضیله س سوق ایدن
و آنی غبطه بخش اقوام بر ملت ناجیه حالته قویان (جمعیت
دینییه) ایدیلن اهتمام و آنك احکامات و ترضیاتی در . بزده
ایسه شو عصرده حاصل اولان لاقیدیدن قطع نظرینه دین قوتی
نسبه آك آزردی ایدن قوتدر . طوفان غرق ایچنده ألمزده قالان
تخمه بارچه سی آنجق بودر . بو بزی ساحل سلامتیه ایصال ایده بیلیر .
زیده مقال : قوانینی تبدیل ایله عائله اساسی ، عائله
ایله ملت تشکیلاتی یاپمکی یز . و بو بایی انشاده لازم کان مالزمه
مکه مکرمه و مدینه منوره دن جلب ایتلی یز .

قادين و اخلاق معاشرت

بتون مدت عمر كزده طوزسز ييك ييمكه، آغز كزه
بر ذره ملح قوي مامغه راضى مى سـكـنـز ؟ يا خود ، مثلاً ،
متمادياً بر أليكنز ، بر آياغـكـنـز ويا بر كوزيكـنـز باغلى
اوله رق امرار حياته نه دبرسكنز ؟

ايسته ترك جمعيتى ده ، بويله ، بيوك بر نقصانى احتوا
ايدر. جمعيتك ياربسى محجور در. «سوسيه ته» مز يارم در. واقعا
قادينسز بر هيئت اجته'عنهك، يعنى قادينلرى اعمال اولنان بر
ملتك كره ارضه وتاريخده امشالى يوق دكل. فقط بو جمعيتلر
ديكرلرى ايله روزمره مناسبانده بولونميا نلر در. بناء عليه آنلر بر
بشقه اسلوب حيات اتخـاذنـده سر آزاد درلر . هر
ايسته دكلرينى يابابيلرلر . فقط بز اويله بر وضعيتده مى بز ؟
ظن ايتمم . هر نقطه نظر دن اوروپايه مربوطز . بايعمز ،
مشتريمز ، رقيبمز اودر . بناء عليه مجادله معيشتده آندن

دها فنا اصولار من اولورسه اضمحلالمز مقرر در .

اگر کره قری (قولونیزه) استعمار ایتسهك، اوراده
هر ایستدیکمز اجتماعی پلانی تطبیق ایدیه بیلیرز. افلاطونك
« جمهوریت » نده ، فه نلونك « آسپه رید » لر دیارنده ،
« اوطوپي » طرزنده ، « فالانسته ر » عالمنده یا شاهیه بیلیرز.
فقط، حیات ، حقیقت، اضطرار بو لطیفه لره نامساعد در .
و قتمزی هواثیات اجتماعیه ابله کچیره مه یز .

تربیه نك الك اساسلی عاملی والده در . قادینلرك ،
ایچنده کومولدکری اجتماعی باط اقلق ایسه والده یقشدر لمسنه
غیر موافق بر محیطدر . اگر قادینلر آرککلردن آیری ،
چوق آیری بر سویه ده بولنورلرسه بالطبع چوجقلرده
آغوش مادرانه دن چیقار چیقمازك چوق یول بورومك
مجبور یئنده بولنه جقلردر . چوجق مکتبه باشلادینی وقت
ایلك حوله معلومات و تربیه ابله مجهز بولونمایددر . شونی
مصرأ ادعا ایدرزك : تربیه مادرانه آنحق عائله ایچنده
ویریه بیلیر .

بزده عجبا والده لك صنعتی اجرا ایدیه بیلورمی ؟
قیزلر نه فکر ابله بیوتیلیور ؟ بعض مملکتلرده
اقتصاد داری (نه قونومی ده مهستیق) مکتببارده اوکر دیلیر .
آمریقانك هر یرنده و خصوصیه بوستننده بوکی مؤسسات

پك چوقدر . دیگر مملکتلرده ایسه اقتصاد داری بر
عنه در . اوده اوکرتیلور . ویاخود قیز بونی کسندیلکندن ،
محیطنك ایچنده اوکره نور .

قیز بر والده و او صاحبی نامزدی اوله رق بیور .
آنك بر غایه اخلاقیسی وارد در . استثنالر بر طرف .
فقط علی العاده بورژوا صنفنده بو امل موجوددر . تأهل
ایدنجه یه قدر تجربه کورور . حیاتی ، فی الواقع ، تفصیلاتی
ایله بیلمز . شوقدر وارکه آنك بتون بتون اجنبیسی
دکدر . قیزی سربست بر افسدلر یا داوولجی یه وارر ، یا
ظور ناجی یه ضرب مثلی پك آنلر ایچون وارد اوله ماز .
یا بزده ؟ بزده مع التأسف طبقه علیامزك بنیاتی
اولنك ایچون یاشیورلر . اکلنمك و اکلندیرمك مقصدیله
برور شیب اولیورلر . اقتصاد دارینك اسمنی طویانلر
قاج رأسدر ؟ برده مستعجلاً اولنك ، برخیاررؤیت حقندن
بیله استفاده اتمهك شرطیله تأهل ایتك زواللی قیزلرمزی
دها کاملاً آچیلهمدن صولدیریور ، بوروشدیریور .

بو سوزلری هپ بر قید احترازی ایله سویلیورز :
هر قیز ، هر خانم ، هر والده ، تصویر ایتدیگمز کی
دکدر . مدار افتخارمن او قادینلری وارد در .
فقط تصویری تجربه سنده بولوندیغمز (خاتون کشی)

محروسة قسطنطنیة ده مع التأسف بر انموذجدر (نیب).
 صورارم : طبقه متوسطه قادینلر مزده بر غایه وبونك
 استلزام ابتدیی اخلاق اجتماعیه وارمیدر ، مومی البهار
 وطن ، ملت ، انتظام ملی ، غایه امل نه اولدیغنی - ولو
 بك ابتدائی بر صورتده اولسون - بیلورلرمی ؟ بن-لا!
 جوانی ویرمكه تردد ایتم . شو قدر واركه بو ذهابده
 تكذیب ایدلمكلكمی بكده آرزو ایدرم .

نكاحده كفو شرطدر . فقط بو كلمه بی علمامز اك
 مادی معناسیله شرح ایدیورلر . عقده ، مزاجده ، سچییه ده ،
 س-وییه ده ، اخلاقده كفو آرامق لازم كلدیكفی
 دوشونمورلر . زوج ایله زوجیه آره سنده طاعلر واردر .
 زوجیه سنك دوستی اولان زوج . مملكت مزده چوق تصادف
 ابتدیكزمی ؟ ظن ایتمم . بو نقصان محبت ، مبطل
 اخلاقدر . بونك اوزرینه بر بنای اخلاقی قورمق مستحیلدر .
 بو كیدیش ایله عائله بر اخلاق یواسی ، فضائل اوجاغی
 اوله ماز .

علی الانفراد عائله لر حسن صورته تشكیل ایتمزسه
 مختلف عائله لك تركبندن حاصل اوله جق جمعیتده بالطبع
 تركب ایده مز .

بویله بر آنا رشیق اساس ایله یاعجب قادینلر نه حاله كلیر ؟

قوام دماغیلری نظر دفته آلتیجه زواللی نسانک بویه
بر کشمکش ایله پک چاراشیق یوللره سلوک ایده جملری
طبیعیدر .

شو سطرلری یازدیغ دقیقهده جمعیت نسانیه مزپک بی
معنا بر بحران کچیریور . قادینلر یاپه جقلرینی بیلمیورلر .
چونکه بز آنلره غایه ، تربیه ، معلومات کی شیلردن
بحث ایتمه مننر . حیاتلرینی تنظیم ایتمه مننر . بیچاره لره مکتب
آچامشز . بو همشیره لرمزه رهبرلک ایتمک عقلمزه کلمه مش .
بونلرک اختلالی قارشیسنده یالکیز پولیسلک ایدیورز . بو
قابا بر وظیفه در و بزه یاقشماز .

قادینلر صفوت جبلیه لری ایله هر سوزه ، هر فکره ،
هر نمونه یه قایل یورلر . بونلرک دماغلرنده کی منطق زنبکی
قوپوب ، ای بی فسادن ، لازمی زائددن ، طوغری بی
ا کریدن تمیز ایتمه جک قدر شاشالایانلرده واردر . کیمی
فضله او قویور ، او قودیفنی هضم ایده میور ، بین فسادینه
اوغری یور . کیمی هیچ بر شی بیلمیور ، معلوماتی
استحقار ایدیور ، بتون مدنیق ، معالی بی ، وقس علیه البواقی
تواله اینجه لکلرنده آریور . آغزینی آچسه هر سوزنده
بر پوط قیراجق . بونک ضرری یوق . نک بونمارشه نک
رانده وو کوشه سندن آلینان یار فوملر ایله تعطرایتسون ،

بك اوغلى جاده سنده تدارك ايتديكى قاريقاتور اسقار پينلرى،
چورابلىر تشرير ايده جك ، ينه او جاده ده بر قويتو ،
بر بولسون و او جوارده بر شكرجى دكاننده (شوقولا)
شرب ايدر كن يار و اغياره كورونه بيلسون! دوشونكزا
انسـانلرك دوشوك چوجقلى اولدينى كى جمعيتلرك ده
دوشوك قادينلرى وار . بويله بر قادينك ميدانه كتيرديكى
اولاد عجبا - اكر جبلى و بئقه بر طرفدن بر مزىتى، بر
قابليتى حائز دكاسه - نه اعجوبه اولور ؟ بو قادين او
چوجنى فصل بيوتور ، آكا نه تربيه ، نه اخلاق و برر ؟
كنديسـنده بر ذرة اخلاق يوق كه آنى محصول حياتنه
افاضه ايده بيلسون... يا سجيـه؟ صابون كوپوگنه بـكـزه ين
بو قورده لالرده و آنلرك مـظـروفـنده نه متانت آراسـكـز ؟
سـزه بويله بر انموذجك غايه سنى شرح ايده يم : (غونه مك
سنى ١٢٠ در .) كورولتيلى ، باطيرديلى بر دوكون .
بر قاچ قيه پارموفه رى . بر ايكي مجوهر . يالانجى ده اولسه
ضررى يوق . كوكنى اوله جق بك افندى ايله بر معاشقه
نتيجه سى معارفه . پوست رسته تانت واسـطـه سـيله (آه او
كوزى چيـقه سى پوست رسته تانت موجدى !) بر مدت
مخـابـرة سودا كارانه . صـكـره كوروجيلرك تشرىفى . بازارلق
بك سريع اولملى . هـديـه لر و اور باطلاسون چال

اويناسون . كوچك خانم كيچيده بوني دوشونور ،
 رۇباسندهده بونكله مشغولدر . كوندوزده بو خيالات
 ذهنده تكرر ايدر ، بولغار استانبوله كيرسه ، آياصوفيه كليسايه
 تحويل ايدلسه بو فكر ثابت مومى البهائىك ذهنندن چيقيماز .
 قوجه هر كيم اولورسه اولسون . بونك اهميتى يوقدر .
 بر شرط آرانير ؟ آنى ده انكليزجه افاده ايدلم :

Good Cooking اولمق !

بو كولنج شيلر پك كريبه انكليزدر . فى الواقع اوروپاده
 ترديات وار . اوراده بزدن پك زياده بى ناموس موجود بولنه بيلير .
 شو قدر وار كه اوروپاده بو بى اخلاقى ايله متوازيأ عالمه
 اصولنى ده كوره بيليرز .

بزم عالمه لرمن آلافرانغه لشمه مدي ، آلا تورقه لقرينى
 محافظه ايدمه مدي ، يكي بر اصولده بوله مدي . عدم
 استقرارك نتيجه سى تفسخدر . اكر عالمه اقنومى بزده
 منفسخ اولورسه ملت و بناء عليه دولت و حكومت نهيه
 استناد ايدمه بيلير ؟

عالمه اصولنك مخاذيرى يوق دكلدر . فقط ، خصوصيله
 شو عصر اجتماعيده فوائدى ده پك چوقدر . بزده ايسه
 مخاذيرى غايه ايتمشدر ، فوائد پك آز قالمشدر . آنك
 استلزام ايتديكى اخلاقده طبيعتيله يوقدر .

آداب معاشرت - ايسته بو سائق ايله - مملکت مزده
 پک چورو کدر . خشونت طبعمز درجه نهائيه ددر .
 معامله مزده درشتز . هيچ بر نوع محبت بيلمورز .
 سهومي سهومي . اينجه لسه جک چاره مز يوقدر .
 آنارشيستز و آنارشى دده غايه بولونه ماز .

قادينک احتجاج غير مشروعى آنک بو دور
 سرآزاده کيده حضوري سلب ايدبور . عالم حریتی
 بيوک بر شيء تصورله آنجق آنده بر غايه بولبور . همده
 حریتی نصل آکلبور بيلير ميسکيز؟ حریت اولانجه معانيسى
 ايله چپ للاق ديمکدر . بز والده لرمزه ، زوجه لرمزه ،
 کریم لرمزه سوء قصد ايدبورز . مادی قتل ، اجتماعى قتلدن
 هر حالده اهنيدر . شو قوجه جمعیت عثمانیه ايچنده بر
 صاحب عزم چيقوبده هنوز قادينلر مزلک قانون اساسيسى
 يازمدى . بز نارشيدلری اطلاق ايدبورز . صکرده بتون
 کنهائى نسوانه عطف ايله آنلری کلپچک بدست رذالت تجزئه
 ايتمک زبونکشاکدر .

تداوى ، فلسفه طبده ، پک او قدر حائز اعتبار دکلدز ،
 خسته لقلری تداوى ايتمدن ايسه آنلرک ظهورينه ميدان
 ويرمه مک ، حفظ الصيحه مک تدابير مانعسى ايله بشري
 عللدن سالم برابق دهامهمدر . بز ايسه شو علت

اجتماعیه به نه علاج ایدیورز . نه ده ها بشقه فلاکتله
گرفتار اولماق ایچون حفظ الصحه اجتماعیه تدابیرنده
بولونیورز . نتیجه مقال ایچدن چورو یورز ، توکنیورز ،
قورو یورز . بونک ایچوندرکه دشمنه قارشى بی مجالز .
اعدازی بالکیز طوپلری ، تفنگکاری ، سفینلری ایله
دکل ، هیئت اجتماعیه لرینک ده ها صاغلان اساسلار اوزرینه
ایتناسی ، ده اجدی غایه لری ایله مغلوب ایدیور .

اگر بو آنارشیستلکده عناد و ثبات ایدرسه ک
دشمنلر من پک او قدر تلاش اتمه سونلر . بلکه داخلنده
اختلال Endémique بر حالد بولن ان بو قلمه یی
بلاجموم فتح ایدرلر . و بلکه - معاذ الله - ایچری به
دخول لرند ه یچ بر شی بولمازلر . پروانه لک بر جلادت
ابله هانه ایله ضیایه ، بناء علیه آتسه صالیر ملری کبی بزده شو
اختلال پرستلکمز ایله ، شوسودای کشمکشمز ، شو عشق نفسخمز
ایله هر کون ، هر دقیقه آتش انعدام وانحطاطه صالیر یورز . تردی
خصوصنده کوستردیکمز بو خواهشی ، بو ثباتی ، بودوامی ،
بوشیمه تعقیبی ترقیاتده ابراز ایتسه یدک رومالیردن جهانگیر ،
انکلیزلردن مستولی ، آلمانلردن صناعتکار ، فرانسلردن
بدیعه پرست اولوردق . هیات ! صاغه کیده جکمز صوله
صائمشر و حالا هانکی یوله بولند یغمزی آکلامیور و بیلندن
ده صور میورز .

وطنمز و ملتمز آز سه ویلیور

اگر محبت و وطنیه و ملیه بی تقویم ایده جک « ته رمومترو »
کبی بر آلت اولسهیدی بونک تحت الصفر درجه سنی تعیین
ایچون استانبولده تجارب یایمق اقتضا ایده جکدی .
اخلاق عامه من قوتلی اولدیغندن درکه اخلاق
خصوصیه من بر اساس قویمه استناد ایده میور و بناء علیه
بر آنارشی منظره سی ارائه ایدیورز .
اوت ا وطن بزده درجه لایقه ده سه ویلیور .
نفس مزه قارشی لاقید اولدیغمز کبی آندن ده ها عزیز
اولان وطنه قارشی ده بیوک بر لاقیدی ایله معامله ایدیورز .
وطنی سه و مه دن اول بیلملی یز . بو خصوصه کی جهالتمزده
پک ایلریده در . وطن و ملت فکری چو جو قلع دن بری
ذهنلره برلشمیور . بو کبی افکار و حسیات دماغمزده بر
شکل هیولانیده در .

وطنه قارشى عدم محبت ده اوله بيلير مش ظن ايدوروز.
اك غير فلسفى ، اك نامعقول بر قوز موپوليتيزم بزده
اجراى تخريبات ايدور . آنك ايچوندر كه حياتده غايه
قالميور . معالينك يرينه بر بهر ميت كچيور .

خاطره بلندي تجيل ايله اسمنى ذكر ايدلم ، نامق
كمال مرحوم . تركار آراسنده ايلك دفعه بو درد روحيني
تشخيص ايتمشدر . وطن مدلول مشاراليك او درجهده
روح وحدانه استيلا ايتمشدى كه مانوسده عادتآلام
واوجاع بدنيه يي حس ايتمه جك درجهده پرستيدۀ قلبنك
مست و مسحورى اولمشدى .

كالدن اول وطن فكري وحتى كلمه سى ادبياتمзде
بك او قدر كورولمز . ترك وطنپرورلكنك حواري
اولى (جلال الدين خوارزمشاه) مصنف ذى كالميدر .

كمال بك بالكنز نظريه جيلك ايله اضاعه وقت ايتمه مش
بروطن مارتين لو طرى كى بو او غورده نجاهدهده ولومش ،
حبس ايدلمش ، نفى ايدلمش ، كونا كونا عقوباته كرفتار
اولمشدر .

تأسف اولنور كه كالك بيوك بر معقبى آنك نقصان
بر اقدىنى يري هنوز طولدير مامشدر . بولنديغمز مملكتده
وعصرده وطندهده ، كالهده مبرم احتياج واردر . بو خصوصده

افراطی ده آز کورورم . پارس سواقاقلرنده عسکری
مفرزه لری طور دیران و آنارمه هایدی آلمانیا به قومانداسی
ویره جک درجه ده غلیان کوسترن پول ده روله د مرحوم
کبی بر ایکی کورولنیچی وطن پرسته پک محتاجز .
لاقید قالمه دن ایسه هیجانلی اولق خیرلیدر .

اوت ا وطن سه ویلیور و بزده بو عدم محبتمزک
جزاسنی چکیورز ؛ مضمحل اولیورز . طوغدیغمز ،
بیودیکمز طور اقلره قارش ییوک بر شیمه ناسکوری
ایله متحلیز . بتون قوتمزله ، اولانجه محبتمزله شو دیاره
ربط امل ، بند غایه ایتمه مشنز . فکرلرمن — ا کروارسه —
چابوق دونیور . ایکی سوز ایله تبدیل سجیه ایدیورز .
مجبوراً یازدییم شو فقره دلخراشه عطف اهمیت
ایتمه کزی رجا ایدرم .

بوندن بر قاچ سمنه اول اک بارد مملکتلردن برنده
پادشاهمزک وکیل مرخصی ایله نصف الیلی پک کچمک
شرطیله کوروشیوردق بالطبع آلام سیاسیه من ، اوجاع
اجتماعیه من موضوع مقال اولیوردی . وزیر مخطیم — که
تپه سندن طرناغنه قدر دولتمزک ا که کندن مصنوعدر —
اوله بر لسان قوللانیوردی که حالندن ، اوضاعندن ،
کنزلیه مدیکی حسساتندن دیپلوماسی بی نزدنده بولندی

دولته قارشی دکل ، من غیر استمهال تمثل ایتدیردیکی دولته
قارشی ایفا ایتدیکی آکلاشیلپوردی .

ولی نعمت بزم پادشاهمز دکل ، بر بشقه سی ایدی .
ایندی اوزاتمیهلم . بو دستور مکرم بر قاچ سینه صکره
— محضا کنیدیسی مأموریتنده ایفا ایچون بر دولت اجنیه
حکمدارینک دولت متبوعه سی نزدنده اصرارده بولونم سینه
میدان ویر مامک بقصد خیر خواهانه بیله — استعفا سی ویریر
وبك اوغلنده برین الملل اوتله قونار . بالطبع لیال منجمده نك
خاطره سی احیا ایچون عودتنده بنی نزدینه دعوت ایدر ،
وتبرئه نفس ایچون شویله جه ناطقه پرداز اولغه باشلار :
— اوغلم ! بن بك صادقم . بو یاشمه قدر هر نه

کوردم ایسه دولتمدن ، ملتمدن کوردم . کیم
نه دیرسه دیسون بن شوقدر سینه صداقتله ایفای وظیفه
سفارت ایتدم . بوکون جل جلاله ، جناب حق بکا
سن ای ... صادق دکلسک ! دیسه — حاشا ! سن الله
حقیقی دکلسک ، چونکه او یله اولسه یدک بنم صداقتمی
بیله جکدک . دیرم . یولی و بوندن بلکه ده غریب شو
قدر وارکه املایه کلز سوزلر ایله بنی خبلی مشغول
ایتدی . وحقنده شفاعتمده بولونمقاغ ایچون بریره کیتمه می
وجهل دن اول ینه کنیدیسیله کوروشمه می رجا ایتدی .

جمعه دن اول — بالطبع جنحه شفاعتی ارتکاب ایتمه دن —
 اوتله کیتدم. مکرسه آندن اول وزیر آصف تدبیر آدیئو!
 دیمه دن و تداوی یی به — انه ایدرک بر دولت (طبیعیه) نک
 وزارت کبراسنه نقل خیمه سیاست ایدیورمش!

یتمش ییلاق وزرامزک ایچنده ماضی یی پامال دنائت،
 حقوق ملی یی، خاطره وطنی تاراج اهانت ایده جک
 درجه ده وطن — لاقیدی کوسترنلر اولورسه بوملکیتک
 بزدن استکراه ایتمیه حق و صلاحیتی یوقی؟

بزم شیمه — خصومت، شیمه محبت مناقشه سی ده
 وطن کریزلکمزه بر شاهد عادلر. دنیانک هانکی بر
 وطننده بر محاربه فجیعنه نک فردای ختامنده اعدایه قارشی
 محبت بسلنمی توصیه اولنور، وهانکی مملکتنده بایمان
 وطن آلقشالنور؟ بیزارنس غرابتکاهندن بشقه نجم ارضک
 هیچ بر گوشه سنده دنائت بو قدر اینمه مشدر. وطن
 خصوصنده بازارلق اولماز. مرشی عفو ایدیایر
 اما وطنه قارشی ایدیایر کنه اهاک چاره عفوی یوقدر.
 اکر مملکتتمزده محبت وطنیه درجه کافیه ده اولسه یدی
 — سنی سهوم! دیه آکا قارشی باغیرانلر چیقمازدی.

شیمه محبت غوغاسندن پک ممنون اولدم. چونکه
 آکلادم که بر چوقلرینک هیجانلی هیجانلی مواعظی هب

قوری کورولتی . بو مجادله قلمیه بنم ایچون عادتاً بر
محک مقامنه قائم اولدی . آکلایه جغمی آکلادم و آغلادم .
بو قدر آز محبتله وطن یاشاماز . بز بر بر مزله غوغا
ایدیورز ، خیزمزی وطندن آلیورز . بری اتحاد و ترقی
جمعیتنه طاریلیور ، وطنه هجوم ایدیور . فرقه مخالفی ،
وطن خصومتی اولیور . فکر وطن هنوز جمله بی بر برینه
باغلیه جق درجه ده پیدای رصانت ایده مه مشدر .
اتحاد و ترقینک بر مؤسس ناصادقنک روسیه چارینه
ویونان حکومتنه مراجعتلرینی اونو تمق بنم ایچون قابل
اوله میور .

عبدالحمید ثانی نیک اوان جالوسنده (حیت) مفهومی
بر درجه یه قدر (وطن پرورلک) مدلولنه قائم ایدی .
وبلدکه بو برنجی فضیلت ایکنجی خصصاتی احتوا ایدردی .
ظن ایدرم که او زمانلر ، مثلاً علناً وطن کشک ایدیله مزدی .
دوشنیورم : شیعه محبت فیکرینک ترویجی آرزو اولندی
شو هنکامه بی اخلاقیده نامق کمال مرحوم بر حیات
اولسه یدی عجبا نه بیوک درد ، نه بیوک الم طویه جقدی ؟
امینم که شو مجادله روح کالی ، سلیمان پاشانک حریم
وطن آفریننده کریان ایتمشدر . بو قدر تردیاتی حوصله
استیعاب ایده میور . اوت ! ادراک دنائت بو وجدانلره

کر کمز ، چونکه بو ترازو او قدر ثقلتی چکمز .
 خیالاً بر سیاحت اجرا ایدیورم : اوروپاده بزم قدر
 وطنرینه لایقید بر ملت یوقدر . آسیادهده یوقدر .
 ابرانی قرداشلر من صولک درجهده وطنرینه پرستشکاردرلر .
 هنددهده - اهالینک سویه پستندن صرفنظر - غلیانی ،
 هیجانلی بر وطن پرورلک اویاندی . چینک ژاپونیسانک
 وطن پرورلکی ایسه هر درلو نیجلانک فوقندهده . آفریقاده
 بیله محمد بن احمد المهدی ، شیخ سنوسی ، نجاشی مهنه لیک ،
 طرابلس وفاس مجاهدینی ، رانسوالیلر و اورانژ لیلر شو
 صولک سنه لرده اک بدیع مآثر وطن پروری ایله تاریخده
 نام بر اقدیلر . آمریکا ، وطن پرورلکی مونرو Monroe
 قاعده سی شکلنه قویه رق صاحبقرانانه مدافعه ایدیور .
 اوسترالیا ویکی زه لاند مختار حکومتلرنده ایسه وطن
 پرستی عادتا بر تیریاکیلک اولمش . آلمان سوسیالیستلرینه
 وارنجیه قدر قبزیلار بیله - آه وطن ! دیورلر .
 یالکمز بزم بعض طبقاتمز بالفعل وطن ناپرورد . یقین
 زمانه قدر قلمله وطن کشلک ایدن یوقدی . آخر زمانده
 بونی ده کوردک .

اگر هریر وطن ایسه ، بر یازی یازانمزک ادعای
 ابلهانه سنجه حر و مرفه یاشانیلان هر ناحیه زمین وطن

ایسه قوری کورلتی به حاجت نه؟ بازی بو قیود و شروطن صیر یله لم کلسون اجانب مملکتتمزی تسلیم ایتسون .
 بعضیلری بو مسروداتمی بر آز آغیر و حتی فضله بوله جققلر . فقط بن بونک عکسینی ادعا ایدرم . نه دیورز؟
 نقصان محبتدن ، فرط لاقیدیدن وطن تولیور ، مات توکشیور ، طویدن مسلمانلر ، ترکار ، عربلر کس-یلوب بچیلیورده بز صوصه لم می ؟ وطن مقاسمه اولنیورده بز بر صورت نظریه ده اولسون افکار و حسیات وطن ناپروانه نی تحلیل ایتیه لم می ؟ وطنی تولدیر مک مباح اولسون ده ، بوندن بحث ایتک حرام تلقی ایدلسون ! بو کورلمش شیمیدر ؟

دها ایلریسنه کیده لم : وطن علیه نه اجاله قلم جائز اولسون ده لهنه نه دن یازی یازلسون !
 ایشته بتون قانمزه سرایت ایتمش و بعضاً اعضای خارجییه مزده بلیرمش بر فرنگی خسته لنی - که وطن ناپرویدر - وطنی بیور . علمامز جریانی نظر مطالعه یه آلامشالر . منقولات ایله زیاده جه اوغراشوب بزدنه وطن و ملت فکرینی تمثیل ایتدیرن حسیات دینی نه ک شکل و صورت تردیسی آراشدیر مامشالر . زماننده تداوی و معالجه یه باقلامشالر . قوه دینی نه ک که وشه می ایله ضمان

اجتماعی زائل اولمش . آنلر ، حالا ، او طوزلی مجلدانك
آلتنده عجبا فلان بونك ایچون نه دیمش ؟ اندیشه سنده
بولونیورلر . وطن ، علمادن پك شاکیدر . علما ، هر
مملکتده قوای عمومیه مایه و روحیه نك نظامی موقعنده
بولندقلری ، ملت یئتشدیردکاری ، تفسیحات اخلاقیه
قارشى کلدکاری حالده ، بزمنکیلر حالى کاملاً و کلیاً اونوتمشلر
ماضیه رجوع ایتمشلر ، فقط هیهات که اوراده بيله ثبات
ایده مه مشلردر .

بزده قوای عمومیه نك که وشه مسفی آکلامق ایچون
اول باول تاریخده رشته دیننك چوزولمسفی تعقیب ایتك
لازمدر . دین قوتنك بوزولمسيله و آنکله متوازیاً وطن ،
ملت ، حمیت فکرلری ده سونمشدر .

دین — آنار مختلفه مده تفصیل ایتدم — بزده
وجدانیاتله برابر دنیویاتی ده احتو ایتدیکنندن او غایه نك
زوالی سیاسیات واجتماعیاتمیزی ده رخنه دار ایتمشدر .
بناء علیه اخلاق سیاسیه و اخلاق اجتماعیه — که بتون فضائل
عامه بونلردن تشعب ایدر — طبیعتيله تقرر ایده مه مش .
و شو کشمکش دوری آچیلمشدر .

بالقان دولترلینه ، بیوک کوچك سائر اعدایه قارشى
کله جك قهرمانلر نه قدر محتاج ایسه ك عمومی و خصوصى

اخلاق منزله لرمزه ، وطن پارور لکمزه قارشى کله جک
قهرمانلرده ، او قدر بلکه دهها زیاده مفتقرز . اخلاقاً
محتاج تداوی یز . بر اوزون مدت مملکتتمیزی خسته خانه یه
قلب ایتملی یز .

رومالیلر « قاوه آنت قونسولس ! » ندالری ایله
اولوالابصاری ایقاظ ایدرلر مش . بزده ظن ایدر مکه
ایقاظ ایله یله جک کیمسه اولدیغندن بو ضرب مثـلک
مقابلی یوق .

ترك اخلاق مليه سی

ملتارك اوان استیلا و زند کیسندہ اخلاقری جید ،
سجیه لری متین اولور . اخلاق سزلق بیلہ او کی مللدہ
بر کسوة فضیلتہ بور و نور . مثلاً قیز قاجیر مق ، نوما
پومپلائوس زمانندہ ، رومادہ قضیلت ایدی . بونک کی
لیقور غوس اسپارطہ سندہ ماهرانہ بر سرقت علائم جلا دندن
صایلیدی .

اقوامک کنجلا کنندہ بر درجہ قدر قابا دای اخلاقی
کوریلور . بو دور قایاندندن صکرہ ، علی الاکثر فاهیت
باشلار . خزینہ لر طولار . بر عیش و نوش ادبیاتی
بلیر . بو کی زمانلرده صنعت مطبوعات ده شاه اثرلر
میدانہ کتیر . بدیعیات اک مکمل نمونہ لرینی کوستر .
فقط بونک فرداسی رخاوت باشلار . سجیه که و شہر ،
نهایت توکنیر . واقعا بو قاعدہ مطلق دکلدر ، هر مات

بو دائرة مقدرات ایچنده یوارلانه ماز . شو قدر وارکه
اکثریت ملک تاریخ طوالعنده بو انحنایی (قوربور)
کور یورز .

هر صاحب قلمک بر اسلوبی اولدینی کبی علی الانفراد
هر کسک بر اسلوب حیاتی ، بر اسلوب اخلاقی واردر .
ملتلرکده اخلاق متوسطه لری تدقیق ایدیلنجه ، بعض خطوط
عمومیه ، بعض عادات مشترکه ، بعض مخصوصات اجتماعیه
کور یلورکه بو بر اسلوب اخلاقیدر . هیئت اجتماعیه بو
اسلوب اخلاقی بی محافظه ایتدکجه ، دها طوغریسی بونی
مظهر اصطفای ایتدیردکجه تعالی ایدر . بو رنک اخلاقینک ،
بو مجموع عاداتک صولسی ، بوزولسی ، طبیعتیه آنک
منسوب الیهی اولان ملتکده زوال قرین اولدیغنه بدلیلدر .
بو اسلوب اخلاقی بی بزم عثمانلی ترکارنده آرایه لم .

هنکام استیلاده او قدر مردومتین خصائل مزواردی که
او زمانک عادات واحوالنده تردی به دلالت ایدر برشی
آرامق زانددر . بتون عادات و اخلاق جنک اوزرینه
مستنددی . جنک اورالکک اقتضا ایتدیردیکی بالمله سبایا
موجوددی . اینجه لک پک او قدر آرانمازدی . قهرمان
فضائلک اکتسابی جلادنده تحیز ، بدنا تفوق ، بیزانتینیزمدن
استکراه ، حتی آنسکله استهزا ایلک جمعیت عثمانیه نک

علامت فارقه‌سندندر .

مع التأسف بو دور قهرمانی چابوق قاپاندی . شو قدر وارکه ایلک جنکاورلرک خاطرۀ مبعجله‌سی بر عنعنۀ اوله‌رق اخلاق ملیه‌نک اساسنی تشکیل ایتمشدی . رفاهیت و بر درجه‌یه قدر مبذولیت ترک عائله‌سنک تمللریخی قوردی . علما میدانۀ کلدی . اساسات اسلامیه اسکیسندن ده‌ایزاده نظر دفته آلدی .

شو جهت اونو تلسون که تورانده، او خالی اندر خالی سته‌پلرده طولاشان ترکار فی الواقع دیندار ایدیلر . فقط ترکارک اصل دیندارلنی عثمانلیق ایلۀ باشلار .

ایشته عنعنات اسلامیه و خصائل جنکاورانه اوزرینه مستند بر ترک اخلاق ملیه‌سی چیقدی . شو قدر وارکه سیمی اوزرینه استناد ایدۀ بیله‌جک بر اخلاق ظهور ایدۀ مدی . لذت عمل بیانه‌مدی . آنغلو - صاقسونلرکی صرف مزیت فردیه ایلۀ مبتنی بر اخلاق ایدینه‌مدک . هپ جمعیتۀ ، دولته استناد ایتدک .

بونکله برابر، ایلک زمانلرده و کی اخلاق و عاداتک ده ای جهتاری ، فنا جهتلرندن زیاده ایدی . استحقار موت ، دین و ملت او غورنده فدا کارلق اسکیدن پک صبیق کوریلور حالاندی . تاریخ عثمانیه‌کی فقره‌لر بو نقطه

نظردن تحلیل ایدله جك اولورسه مذکور اخلاقك
خطوط عمومیه سی قولایقله چیزله بیلیر .

فقط صکره دولته بر شاشقینلق عارض اولدی ،
بتون دنیا دولته استناد ایدیور، دولت ده بیوک بر کشمکش
ایچنده بولونیوردی . او اوافاجق نانیاره بی ائده ایتک
ایچون باب عالینک ، سرایک اطرافنده نه ائتریقهلر
دونیور، نه رذائلر قوپیور ، نه دولابلر چوریلیوردی .
ایشته بو های وهو ائناسنده شیرازه قوپدی . مجلد
اخلاقزك اوراقی بر بر طاغدی . هر لون اسلوب اخلاقز
بر آز دها بوزولیور ، بر آز دها کوتولشیوردی . اسکی
اخلاق ایله اسکی عنعنات ، عرف ، عادات ، خصوصیات ،
حتی طرز تحریر ، یمک پیدشورمک اصولری ، اداره
بیته بیله کوتولندی . حیات عمومیه مزك بتون تجلیاتنده
بو تردی اسلوبی آرایه بیلیرز .

طرز تلبسی آله آله لم . قدیمده ، ای ، فنا ، بدیی ،
غیر بدیی بر مودامن واردی . بونلرک منشائی بوراده
تحریری ایدله جك دکاز . یالکز شونی بیللم که کندی
مانز بر اسلوب تلبس موجوددی . محائف ماضی بی
احیا ایدن بو خلعتلرک ، قاؤقلرک ، قلاویلرک ، پاپوشلرک ،
شالدرک ، سلاخلرک رسملرینی ، نمونه لرینی ویا انقاضنی

تماشا ایتدی کمز وقت حقیقه محسوس و متأثر اولیورز .
فقط بالکمز محسوس اولمقله قالمیورز : ذهنمزدده پرده لر
آچیلیور ، صفحات آفله بی کوریورز .

البته اجداد منک کندیلرینه خاص قیافتلری ، خصائل
مردانکی بی تمثیل ایتدیره جنک لباسلری اولدینی کی اور یثرینال =
ابداعی اخلاق و سجایای ده واردی . کیت کیده بوقیافت ترک
ایدلدی . ظرف ایله مظر و فک ده دکشمسی لازم کلیر .
سلیم ثالثدن صکره فرنک مقلدی اولدق . مکرسه مهارت
تقلیدده بیوک بر اقتدار من یوقمش . هر شیئی پک بر عجبیجه
قویا ایتدک .

سجایامزده بر تشوش حاصل ولدی . حصائل عتیقه بی
صرف و استعمال ایده جنک بازار جنک وجدال قالمدی .
اقتصادیاتک ده اجهلی ایدک . جنکاور اخلاقی غائب ایتدک ،
تجار اخلاقی ده اکتساب ایدمه مدک .

بالطبع بو استحاله دن بتور عاداتمز ده متأثر اولدی .
اسکیدن قطعاً ایرلمق قابل اوله مدی . یکی بی ده کاملاً
آله مدق . قادینلر من اوروپالی مودالری آلدیلر ، حتی
سوسیته به چیمه مدقلری حالد ده قولتاژده یاپدیله . شو قدر
وارکه چارشاقلر ، فراجلر ، جارلر ، پچه لر ینه قالدی .
ارککلر اوروپا فاصونلرینی قبولده مسارعت کو ستردیله .

لكن فس قالدی ، آلا توره ستره قالدی . بونك كی مر
خصوصمزمده بر غرابت کوریورز .

پلاسترون قراوات ایله فسی ، آن بروص صاج ایله
تاکیه بی ، قورسه ایله اوچقور باغی ، بیفتك ایله طاتلی
یحیی اخلاقزده ده آرایه بیلیرز .

اصول غریبه سنده چالشمه بی عدم قبولز دیدی قودی به
بیوك بر کرهی ویرمشر . واقعا فصالاق ، دیدی قودی
هر یرده واردر . فقط ملل عامله ده تخصیص اولونان یر
بك آزدر ، بزده ایسه دیدی قودی تکامل ایتمشر .
بتون مباحثات وحتى مذاکرات جدیده درمه چاتم ،
بی سروبن دیدی قودی به منجر اولور . بلاانقطاع
اختراعانده بولونیورز . هیچ کیمسه نك حیثیتی ، ناموسی ،
عفتی ، مروتی قالمیور . ینه بو تنبللکدرکه اسکی ترك
مردلکفی تولدیرمشر .

واقعا اجدادیمز تجارتیه بك راغب دکلدیلر شو قدر
وارکه تنبل اولمقدن ده اوزاقدیلر . کمال بسکک دور استیلاده
تصویر ایتدیکی رجال بلکه نیورق طرفلرنن دهامشغول
ایدیلر . بو فعالیت تردیاته امکان بر اقاماز . سعی بر امر
مقدسدر ، انسانی نجیب واصل ایدر . ظن ایتم که چالیشان ،
وجه مشروعی اوزره وقتنی کسبه حصر ایدن بر آدم

ایدن بر آدم ارتکاب دناشته تنزلکار اولسون .
 بزده چالیشه جق ساحه قالمدی . اکر حکومت طبقه
 علیا دیدیکمز صنف خلق بسلامک مجبوریتنی حس ایتسه
 مأمورینمزك عددینی ثلثه ، هر حالده نصفه ایندیرمک
 و بونلردن شمیدیکندن پک چوق فضله ایش بکلمک
 ممکن اولوردی .

اعلان مشروطیتدن بر سنه اول لمصلحه اوقاف
 نظارتنده بر قلمه داخل اولمشدم . قلم او طه سی اطلاق
 اولنان بر هانغاردده ماصه لی ، ماصه سبز ، صاریقلی ، صاریقسز ،
 آلاتورقه ، آلافرانغه ، کنج ، اختیار ، بیاض ، زنجی ،
 اسکمله ده اوطورمش و یا یره دیزچوکمش یتمش قدر مخلوقات
 کوردیم . کیشه کی تخته پرده ایله آیرلمش بر حجره ده
 قلمک آمری بولونیوردی .

مشروطیتدن صکره عاصم پاشا قوناغنه نقل اولنان
 عینی نظارتنده عینی قلمی آرام . مکرسه آنی کلیاً الفا
 ایتشلر . دیمک که بتون او غلبه لق زائد ایمش .

کذلک اسکی زمانده خارجیه نظارتنده بر قلممز
 واردی . بهر اسکمله یه ۱۷ خلفا اصابت ایدیوردی .
 و بویله اولدینی حالده مذکور اسکمله لرینه یوشدی
 بو قلمده الان ملغادر .

بو ایشمزلک و ایش کورمه مک شرطیله ده کچینه بیلمک

امكان واحتمالی انسانی مرتد ایدر . قابلیتلی سوندورر .
وبالطبع اخلاقسزلق باشلار . بزده ، بو دورده ، ملی
اخلاق یرینه (ملی اخلاقسزلق) وادر . جیادت خلقیه
سابقه غیر موجوددر . تعیشی دائماً بر آنتریکده آریورز .
مأموریت چالشق ایچون بر وسیله دکل ، آمرلرک کوکلنی
یایوب آیلق آلق و ممکنسه ترفیع اتمک ایچون بر چاره در .
بناء علیه آمره قارشى دائماً تبصصکارز . اگر او آمرک
علیمنده بولونمق شرطیله بر دولاب چویرمک ممکن ایسه
بونده تردد اتمه یز .

بک اسکیدن طبیعی خفیه لک ذمائمندی . محضا بر
دیگری ده ویرمک ایچون بر قلم افندیسنک پادشاهه کیزلی
یوصله ویرمسی ینیر یو طولور شیلردن دکلدی . وقتا که
خاقان سابق بونک بر ذمیمت اولیوب بر وظیفه ضمنیه
اولدیغنی اعلان ایتدی ، ایشته او دقیقه ده ماضیدن تلقی
ایتدی کمز بالجه فضائلک اوزرینه قصاب سونکری چکیلدی .
بوکون دین علیمنده کفر بازلق مظهر مسامحه اولسه قطعاً
وقاطبه امینم که خلقمز مسارعة بو صنعته سلوک ایدم جکدر .
یوکسک طبقات اخلاق ردیه بی مسامحه ایتسه لر بونک
لهنده ، مملکت مزده سکسان بیک نظریه ، فلسفه چیقہ جق .
اساساتمزی اونو تدیغمزدن اخلاقز بر نقطه استناد
بوله میور . بو ملوث محیطده هر نه بی ایسترایسه که مودایه

ادخال ایدہ بیلیرز. مشروطیت ده، مطلقیت ده، حریت ده، اسارت ده. بو اخلاقی که وشکل کمزک سایه سنده بزده تقرر ایدہ بیلیر.

ملل واقوامک اکثریتندہ اخلاقک بعض لایتغیر اقسامی واردر. بزده مع التأسف بو اقسام بیلہ تعرضدن مصون اوله میور. اخلاق ملیتی غائب ایتدی. بالکمز عوام دکل، خواص بیلہ بو خصوصده پوصله بی شاشیر مشدر. رأیلر تشنته اوغرا دی.

مشروطیتک دقیقه اعلانه قدر اسکی تربیه مراعات اولنوردی. خلقمز پاشالری قارغه طولبه ایدر ایتمز تربیه بوزولدی. حتی بر استحاله دوره سی کچیر مه دن بوزولدی. دیمک اولبور که اسکی تربیه ده قوی اساسر اوزرینه قورولماش ایمش. بوکا قیاساً ادعا ایدہ بیلیرز که کلمات تشریفاتیہ یرینه الفاظ تحقیریه استعمالی چاره لری بولونسه بوندن ده یک آلدیران اولیه جق. شتمیات اهمیتلری غائب ایدہ جک ناموسسز، ادبسنز، رذیل، وقس علیه البواقی کی کلملر کفته خور، سنی کیدی! کی غلیظ سوزلرک درجه سنه تنزل ایدہ جک.

اخلاقز، تربیه من، حتی عادتمز غیر مستقردر، بو قلموندر. بر نقطه استناد، بر تمیل، دمیر آتہ جق بریر آرایه لم، چونکه آقنتی به قابیلورز.

شیمه بدبینی

فیلسوف نه نیکیبندر ، نه بد بیندر . چونکه
نفس الامرده ، عالم وقوعاتده ، مقدارآنده نیكده واردر ،
بدده واردر .

فقط هر كسك فیلسوف اولسی لازم کلیرسه عالم مختل
اولور . خاکی بر مقصد و غایه به طوعری سوق ایچون
بر آز شطارت (آنتوزیازم) بر مقدار عزم و ارادت
مقتضیدر . مقصدینك همه حال حاصل اوله جفنی بیلن
فضله بر خواهشله چالیشیر . بر اردو تصور ایدیكزكه
فرط بد بینی خسته لغنه طوتولسون ، مطلقا مغلوب
اوله جفنی بیلسونده اوله جه جنكه طوتوشسون ! بو
عسکره قبل الوقوع خبر هزیمتی ویریه بیلیر .

كذلك عوامك اخلاقی موضوع بحث اولدینی وقت
نيك بینلك توصیه ایدلملیدر . معادلات حکمیه ، اراده

جزئیہ ، حقائق اشیا ، لغز نہائی ، دہ تہر مینیزم مسائلی
اہلہ ذہنی پک او قدر یور میان ، عاقبتک جہت ریاضیہ سنی
دوشونمہینا کثرتلر ایچون نیک بینک اخلاقک اولدینی
کبی سعی وعملک دہ اطرافندہ دوندیکی محوردر .

ذاتاً اپی دوشونیلہ جک اولور سہ توضح ایدرکہ بو
کرامت نیک بینی اولمینجہ بشری اداره دہ مشکلدرد .
بو خصلت کہ وشہد کجہ سعی دہ طبیعتیلہ ، آزالیر ،
وبونک فقدانی اخلاقی افساد ایدر . بزده عیاناً کوریورز کہ
بدبینک عادتاً بر خستہلق کبی بتون عروق واعصابمزی
صارمشدر . بر چوقلرمز عاقبتک بزم ایچون پک وخیم
اولہ جنی فکرنده درلر . اندیشہ استقبال اکثریتک اخلاقی
پریشان ایتمشدر . جمعیتمز آراسندہ حرمن صوکنہ انتظار
ایدنلرک عددی احصایہ کلز .

بعضیلر بجه آتی بی اپی کورمک ، استقبالدن نومید
اولماق غباوتہ دال عد ایدیلیور . ایشته بو (مانی دولاپہر سہ
کوسہ یون) اخلاق عامہ بی اخلال و افساد ایتمشدر .
بونک نتیجہ ضروریہ سی اولق اوزر دہ اخلاق
خصوصیہ مزده پریشان اولمشدر .

بر کمی غرق اولمہیہ باشلاینجہ بر ہنگامہ (پانیق)
حاصل اولور . ہرکس کندی باشنک دردینہ دوشہر .

بر شيء قورتارمق ممکنسه قورتارر . بر طاقلری ده دها
زوربا اولور و چاپوچلیغه باشلار. صنداللری تحت اداره سنه
آلیر . قورشون ایله ، صوپا ایله ، ایچری به کیرنلری
ئولديرر ، طرد ايدر . اويله بر دقیقه نشسته نه خاطر
قالیر ، نه اخلاق . شیمه بدینی اولانجه فضائی ، خصائل
مردانکی بی اریتر .

(بین المعترضین بوکابر مستثنا اولمق و آنغلو صاقسون
عرفنك متانت سجایا سینه بر مثال تشکیل ایتک اوزره
[یتانیق] حادثه سنك تذکاری او نوتمیم . او هول انکیز
ماورای اطلسی (ترانس اطلانتیق مقابلیدر) واپوری
آیس بهرغه چارپوب یواش یواش تر سینه ، قعر دریاه
اولان سیاحتنه باشلادینی وقت ایچنده کی آنغلو صاقسونلر
بلکه امثالی نامسبوق حرکات دیگر کامانه ده بولونمشلردر .
اول باول چوجوقلر ، حمایه سز قادینلر صنداللره برلشدرلمش ؛
عادتا بر واغون داخلنده آرککلرک آیاغه قاقوب نسوانه
یرلرینی ویرملری کی او متین - سجایا رجال ، حیاطده کی
موقعلرینی قادینلره ترک ایتمشلر و کندیلری اعماق اوقیانوسده
نابود اولمشلردر . شوقدر وارکه او قادینلرک چشمان دریا
فامنده او علوی خصلت آرککلرک شکل و خاطره سی
ابد زنده در .

صده دونه لم : بز کندمزی آشاغی یوقاری بویله
دردست غرق بر صندال ایچنده ظن ایدیورز . قبود
اخلاقیه بزى فضائله بند ایده میور . استقبال بر قطب ذی
مقناطیس کبی ملتزمی چکه میور . حیاتمز یمک و ایچمکه
و بونک ایچون لازم کلن سى ابتدائی به منحصر قالیور .
بلا سى حیاتک قزانلسی ممکن ایسه بونی ده یاییورز .

بو حالت بزم روحزی بی حس ایتمشدر . شیمه
نیک بینی ایله ممزوج بر غایه مستقبله من اولسیدی ، هر
حاله ، درت طرفدن بزم صولت ایدن تردیات اخلاقیه بی
دفع ایتمش اولوردق ...

اعتساف زده اولوب ده فرط نیکبینی ایله متحلی اولان
ملتدره ، سابقا بولغارلرده ، روملرده ، الحاله هده
روسیه و آوستریانک تابعیتی آلتنده بولونان یرلرا هالیسنده .
ایرلاندالیلرده ، الی آخره ، مضمرب بر فضیلت واردر .
او فضیلت حیاتده اک بیوک سائقدر . پک بسیط بر فکر
شکلنه افراغ اولونان بو فضیلت نیک بینی حتی چوجوقلر
وقادینلرک حیاتنده ده بر سائق وظیفه سف ایفا ایدر . استقبال
بهمه حال امیندر . فقط بونی آلد ایده بیلیمک ، آنی اغتنام
ایتمک ایچون مکمل اسلحه اخلاقیه ایله تجهیز ایتمک لازمدر .
ایشته بو نقطه حرکتدن کیدیلیرسه بتون فضائلی اکتساب

ممکندر . استقبالی امین کورمک ، نیک بینک خصلتی
روملری تجارتی سوق ایتشدی . بونلر کورمشلر ، بیلمشلر ،
آکلامشلر که غایه ملیه وصول ایچون پاره قزانق لازمدر .
ایشته بو کبی روحی تازیانهلر یونانیلری چار اقطار عالمه
کوندرمش ، چالشمغه آلدیرمشدر . نتیجه یونان
استقلالی ، تسالیانک الحاقی ، زواللی ما کدونیا و کریدک
آتنه قرالنک تحت تابعیتیه دخولی .

ارمنیلرده پک نیکیبن اوله رقی چالیشیورلر . بوشیمه
ایله ارمنی اهل وطن کوزینی آچیمور ، معرکه اقتصادیانده
اخذ موقع ایدیور ، سلاح چانیور ، اوروپاده ، آفریقاده
ابتدائییلک پوستکیسنی صیرتندن آتیور .

مقدرات ملله مهم رأس تاریخنر تشکیل ایدن بعض
فداکارلقلر ، استحقاق حیاتلر هپ بو سائق جلیلک اثریدر .
هیچ بر بورسسه سپه کولانوری بویله جید سجهیلی اوله ماز .
هیچ بر اویونجی حیاتله بویله اویسیایه ماز . حالبوکه ملتک
حیاتی تأمین ایدن آنجق بو شیم نیک بیفی در .

بز ایسه ملتجه داء الغموم (مه لائقولی) خسته لغنه
اوغرامشز . همان بعضاً دوشونجهلی ، باشی قالدیرماز ،
یوزی کولماز ، تلاش و اندیشه دن قلبی غیر مطرد اورور ،
رنکی صولمش انسانلر اولور . ایشته بزم ملت مزده بوانسانک

ضعیت مرضیه سنده بولونیور .

بر طاقم کیمسه لر وارد رک نه دینسه ، هر هانکی
ولای ایش کندیلرینه عرض ایدلسه اولماز ! جوابیه
قابله ایدر لر . بونلر ایچون (محال) ، (ممکن) ک فوقنده در .
وۀ تشبیه لرینه فلج عارض اولمشد . چوق دوشونور لر .
هپ ایشک فنا جهتلرینی ، خطرلی نقطه لرینی درپیش
ادتلریدر . هر ایشده محافظه کاردر لر . بر خطوه آتمدن
یک دوشونور لر . ینه تکرار ایدلم : ملتزم بر شخص
عنوی اولمق حیثیتیه ، بو اولماز ، اقدم ! ک حالت
ریندینسده در .

منقذین عظام بزه دیه جک کرکه :

« بو سویلد کمارک سوزدر ، نظریاتدر ویا کندی
عبیرک ایله هوایات حکمیه (سپه کولاسیون فیلوزوفیق) دن
بارتدر . باشمزه کلن بونجه مصائب ، بونجه بلایا ،
داره مزک اختلالی ، حکومت مزک اغتشاشی ، پاره سزلغمز ،
خصوصیه شو پاره سزلغمز ، اوروپا دن تسأل ایتمدن
شایه بیلمک احتمالنک موجود اولماسی ، وقس علیه البواقی
کی بر طاقم اساسی عناصر بدینی وار ایکن بر انسان
صل دولت وملتک استقبالندن ، بقاسندن امیدوار اولور ؟
هر کون بر آزدها کوچولور ، توکنیورز . هر کون

آنمزدن بر پارچه سنی جوار مزده کی مفترسـلردن برینه
 دیشلری آره سنده کوریورز . اوروپانک بو حلول ونف
 صاحبپرو رانه سی بزه امکان حیات بر اقایمی ؟ عناصر مز
 حالی معلوم . جهالتمز درجه سز . بر بر مزی بو غیورز . نه
 اولورده اوروپانک آقیندن اول بز کندیمزی طوپلایو
 مسابقتگاه حیـاتده رقیبار مز ایله بویمزی اولچه بیلیرز
 ذاتاً هپ بو اسباب تدنی بی ، بو انحطاطی ، بو تردیه
 بالذات سن سویلمدکی ، یازمدکی ؟ بونلر سنک محرز
 سابقهک ایله بر تناقض تشکیل ایدر ...

اوت ! حیات عمومیه مزده ، فیلسوف کوزی ایله
 هر نه قدر علاثمبد بینی آرارایسهک بوله بیلیرز . فی الو
 ریاضی و منطقی بر صورتده دوشونن ایچون هیچ بر ذ
 نیکیینی بولونه ماز . فقط ایشته منطق ایله محاکات ریاضیه
 پک زیاده اهمیت و یروب سائر سوائق مقدراتی اونوتدیغمزد
 حسیاتی ، غایاتی ، ملتلی برادان ، یاشاتان ، تولدی
 اسباب باطنیه بی اهل ایتدی کمزدن درکه بو حالته کرف
 اولمشر .

ا کر اسکیدن بری مفالوج الاراده اوله جق مرتبه
 بد بین اولمه ایدک البته استقبالده اولان حقمرزی محاف
 وصیانت ایدردک .

بشقہ زمینلره ارجاع محاکمه ایدہلم : فلاح بولان بر
 طاقم اقوام وارددر که بونلرک اسکی حاللری بزم شمدیکی
 وضعیتمزدن بدتر ایدی . ظلمه نلک بویوندیریغی آلتندہ بر
 حیوان کبی چالیشان وحتی ذبح ایدیلن بو انسانلر واقعا
 بک آزشیئہ مالک ایدیلر فقط آنلرک نزع ایدلمز ،
 تولدیرلمز ، عذیم المصادره برملکلری واردی که آنک
 ایله بنای استقبالیلری قوردیلر . بو ، آنلرک شیمه
 نیکیینی لری و بناء علیہ اخلاق و فضیلتلری ، ایمانلری ایدی .
 طار آغاچنه چکلدکلری ، ساطیر ایله باشلری کسلدکلری ،
 قورشونه دیزلدکلری وقت بیله بونلرک نیکیینلکلربنه
 خلل کلپوردی . بالعکس کندیلریغی ملتاری اوغورنده
 شهید ویرمکله ظفره بر آندها یاقلاشدقاریغی کوریسورلردی .
 دوقتور لو بونک دیدیکی کبی بعضاً آسییلانلر جلادلرندن
 دها بختیاردر .

بزم اداره مزدن چیقانلر هپ بو خصائل نیکیینی ایله
 متحلی ایدیلر .

بونک اک درخشان نمونه لرندن بری ده روماده ،
 قاماقومبلرده ، اک کیزلی ، هجری ، قرانلق یرلرده طویلانان ،
 هر دقیقه حیوانات مفترسه یه ییدیریلان ایلك خرسقیانلر ،
 بطرس و پاولوسک توابع علویه سیدر . هیج بر ظلم ، هیج

بر اعتساف بونلرك استقبال حقنده كي ابي فكرلريني اخلاص
آنلرك او متين وجيد اخلاقلريني . بو اخلاق محضا
غايه نيكيينانه لرينك محصله سي ايدى . تبديل ايدمه مزدى .
ايشته منطق كوزيله كورلك لازم كلسه آنجق
« آرمه نلرده » آفريقادن جلب ايدلمش آرسلان، صيرتلان،
پارس وقبلانلرك دندان مقترسلرى آرمه سندن بشقه بربرده
استقباللرى مشهود اولميان نهرون عصرى خرسيتيانلرى
محضا غايه نيكيينانه لرينك علوتى و ، اونو تيميمه لم آنك
استلزام ايتديكي فضائل ايله ، روماني ييقديلر قيصر بيله
نصراني اولدى، و الآن اوروپا و آفريقا عالملى خرسيتياندر.
نيكيينانك اويله بيوك بر قوتدر ، اويله اريديجي بر
آتشدر كه ايني استعمال ايديله جك اولورسه هر اردويه ،
هر دونمايه غلبه ايدر . بالعكس آنك تحت شهامت
بد بيلنكك يد اغتنامنه كچرسه اخلاق چوزولور ، فلج
روحي حاصل اولور و بالطبع ملتده مرك آباد تاريخه
انتقال ايدر .

اردونك اداره سي كي، بزده ، قواي روحيه نك ده
اداره سي بر فريضه در . بلكه بو ايكنيجي ايش برنجيدن
دها پك مبرمدر . كويندن محمدجكي جلب ايله كنديسنه
عسكر البسه سنى كيدرديكمز ، آنى آياق تعليمه سوق

و بالاخره محمد اونیاشی ویا جاوشه بر چوق اصول
عسکریه تعلیم ابتدیکمزکی روحزی ده ایچنده چوپلندیکی
مزبله بد بینی دن چیقارمق، آکا بر اونیفورمه کیدرمک ،
کندیسنه لازم کلن تعلیملری اوکرتمک لازمدر .
بد بینی ملق ثولدیریور . پیلمش اولهلم که عقیده
اهل سفته یأس کفردر .

اوفق تفك اخلاقسز لقلرمز

بعضاً ، بدن انسانده غانغرمه اولمش (تشنج ایتمش)
بر عضو اولور . بو عضو تدای ایدلمزسه ، صولك دقیقه ده
جلب ایدیلن جراح بتون عضلاتی خسته بولور . هر
هانکی طرفه نیشترینی صاله جق اولورسه چوروك انساجه
تصادف ایدر . آرتق او آلی ویا او آیاغی بتون بتون
کسمك لازمدر که اعضای سائره قورنوله بیلسون .
بزم بعض آلات و اعضا مزده آره صره تشنج ایدبور .
وقایع تاریخیه خاطر کزده در . کوپرلی محمد پاشا جالس
صندلی وکالت اولدینی وقت لام جیم دیمه مش جراحاق
ایتمش . ظن ایدرم که بویله شدتلی تداییده بولونمسه ایدی ،
ارهاب (terreur مقابلی قوللانیورز) یامسه ایدی سلطنت
عثمانیه محمد خامس عصرینی کوچ بولوردی ... کوپرلی
قاتل دکل ، محی در .

تام او قرن فترنده اولدینی کبی بو تشنج اجتماعی و روحی عصر ندهده بر آز شدتلی تدبیرلره هیچ اولمازسه (مضاد تعفن) آتی سه پسی به احتیاج وارددر. نصل تعریف ایدیم ؟ اوفق تفك اخلاقسزلقلر من حد و حسابیه کلز . دکل بونلری تفصیل ، حتی بعض دستورلره صیقشدر مق بیلله اوزون تقیمات و تصنیفانه وابسته در .

فقط بر فکر عمومی اولمق اوزره شونی سوبیلیه بیلیرز که حیاتمزده ، معاشرتمزده کی عدم قطعیت ، عنعناتمزك منابع متضاده سی، حیاتمزك اطرادسزلفی ، تاریخی سجاایاه مالک اوله میدهشمز حسابسز اوفق اخلاقسزلقلره میدان ویرمشددر . بونلرک هر برینی ، آیریجه ، تدقیق کلفتمنده بونلور ایسه ک هپ حیاتمده کی آنارشیمزی کورورز .

شو صـوك ادوار تاریخیه مزده یکی سـجایا پیدا یتـمـکـلـکـمـز شویله طورسون ، اسکیلرینی بیلله که وشه تـدـکـ . خلاقمز - تعبیر جائز ایسه - طاغیلدی . اخلاقدن نه قدرینی غائب ایتدی ایسه ک ، مرائیلکدن ده او قدرینی نراندق . مرائیلک بزده بر خصلت ثانیه ، بر طبیعت بکتسبه اولدی . چوغمز غیر اختیاری مرائی یز. تربیه مز، دایمز ، تشریفاتمز مرائیلک اوزرینه مستنددر . اسلوبمز سرائیدر. القابمز سرائیدر. آلممز قوال اوستمز شیشخانه در.

بیوکلارک یاننده بیان فکر ایده مه یز . - اوت ا جوا بندر
 بشقه بر صورتله اکابره مقابله تربیه سز لکدر . اکابر
 واعالی ده حضور لرنده مناقشه به جواز ویز مزلر . بتور
 مزیت ، فضیلت ، تمیز کور طوبال اطاعتکار لقه در . حیثیت مز
 چوقدن اونو تمیز . وقتیه محارمی حکمدارانک حضور
 تذوقنه چیقار مق عیب دکلدی چونکه مرائی حکمتنج
 هر شی پادشاه لکدر . نته کیم اسکی اوروپا عالمده ، صنف
 نجبا : Le sang du Roi ne souille pas دیر لر دی
 طالع سز عبدالحمید ثانی نیک هیچ بر ایشی ، هیچ بر فکر
 بیلم که ندمای وزرایی آنی تصویب ایتمسونلر ، آند
 بر کرامت کور مسونلر .

مرائیک مادیلشمش یالانچیلقدرد . ایشته مؤسس ستمز
 طرز مطلقیت سز اقتضاسی اوله رق بزده فرمان فرما اول
 مرائیک یالانی ده ترقی ایتدیر مشدر . معنالی معناسز
 لزوملی لزوم سز یالان سویلرز . بر چوقلرمز یالا
 سویلمدن طور اماز .

بونک نتیجه ضروری سی اولق اوزره دیار مز
 اعتماد قالمه مشدر . امانت فضیلتی بزده یوق اولمشدر
 اسکیدن ، ماکیا وه لای زماننده ، ایتالیه امنیت سز لا
 او قدر ایاری کیتمش که بر آدم دیکرینک ضیا فتنه اجاب

ابتدیی وقت ایجه جکفی ده برابر کتور رمش. واقعا بزده
 بو فضیحه بو قدر تکامل اتمدی. فقط هر حالده هیچ
 بریمزك دیکرینه امنیت و اعتمادی یوقدر. شیمه اعتماد ایله
 یاییله بیله جک شیلردن، ایشته بونک ایچون، محرومن.
 غیبت ده بونک ضرور یاتسنددر. جان جکر احبامن
 مجلس مزدن آریلیر آریماز علیهلرنده فتح دهان شتوم
 ایتمک معتاد مزدر.

بالطبع دوستلق، فدا کارلق، علو جناب خصلتلی
 بو نوع امراض روحیه نك حکمفرما اولدینی یلرده بولونه ماز.
 بو کبی ذمائمزك بر نتیجه اجتماعیه سندن بحث ایده ییم:
 او قدر حسود، مرائی، یالان ایله آلوده بزکه بزده
 جدی بی غیر جدیدن فرق وتمیز ایده جک قابلیت دوچار
 بطلان اولمقددر. بر آدم آغزی ایله قوش طوتسه
 هیچدر، ینه هیچدر. علوم اولین و آخرین یونسه یالانچیدر.
 اکر بر بدیمه کار، بر شاعر، بر متبع بزم ملت مزدن ایسه،
 محضا بو منسوبیتندن طولایی بر هرزه کودر. آکا اعتماد
 ایدلر. ایشته او قدر کوزلرمن قاپانمشدر که آئی بی فنادن
 آیره میورز، تجربه شو توصیه ایده جکمی یاپیکز:
 آناتول فرانسه ویا کیلینک الک نفیس بر بارچه سنی
 اسلوب مزه موافق بر صورتده ترجمه ایله آلتنه بر ترک

اسمی قویکیز و آنی بر (انموذج) • او قویکیز •
آله جفکیز جواب شودر :

مفسطه !

برده بزم هذیان مرتعش شعر اسنک بر [آبه نیته] سفی
افرنج اسلوبنه مطابق اولمق اوزره بر یبانیجی لسانه نقل
بیوریکیز و آنی ینه او (انموذج) • قرائت ایدیکیز •
جواب مقدر بهمه حال آتیده کیدر :

شه دوور، مون شهر !

ترك ، مسلمان مدح ایدلر ، بونلر بر شیء یاپاماز !
ایشته آمریقایلرک زنجیلر حقنده فیکرلری نه ایسه ترکلرک ده
ترکار حقنده فیکری اودر .

مستعمرانده اهالیء محلیه فرانسزجه [نه نذرهن] ،
انکلیزجه [نه یتو] دیرلر . بونلر اوروپالیرله برلکده
بولنه مازلر . عینی محله لرده ، اوتلارده ، عینی واغون
قومپارتیماننده ویا تراموایده اوطوره مازلر . بعض لوحه لرده
(بورایه حیوانات ویرلیرک کیرمسی یساقدر) عباره سی
اوقونور . اوقسفورد دارالفنونی دوقورلرندن برهندوهر
حالده ، هندده ، پولیس قومیسرینک اوروپالی آشچی
یماغندن آشاغیدر . بونلر آیری آیری محاکمه تابعدر .

بزم ده دمائم عظیمه مزدن بری کند مزی اوروپالی
 مواجهه سنده پك سفلی بر مخلوق در كه سنده كور مكل كمزدر .
 آلمانیا ده نه له قتر یسته تحصیل اتمش و بر دارالصناعه ده
 مهندس معاونی اولمش بر تركه ، ملككننه عودتنده ۱۰۰۰
 غروش ، آنك معیتنده آلمانیا ده چالیشان وشهادتنامه
 صاحبی اولمیان بر آلمانه ینه بوراده ۴۰۰۰ غروش معاش
 تخصیص اتمش . بو مثال (انموزجی) یتبیق در .
 فی الواقع کند مزی بو قدر كوچولتور ایسهك بو
 عاقبتیه مستحقز .

ملل محكوم و اسیره بیله کندیلرینی بو قیوده مستحق
 كور مدكلی حالده بزم طوعاً در كه پستی بی بنه سه مه من
 غیر قابل تعریف بر مرض روحیدر .
 شورایه بر چوقی دیدی قودی نقل اتمك ایسته دم
 ناكه بو درد روحی بی اولانجه اهمیتیه توضیح ایده یم .
 اشخاصی زید و عمرو ایله ، اب ایله افاده عقلمه كلدی . فقط
 دوشوندیم كه بنده تشنیع ایتدیكم فضیحه بی ارتكاب
 ایده جكم ، آنك ایچون بوندن واز كچدم . وارسون
 مطالعاتم نا تمام قالسون . نه قدر عالی مكتملر آچار ایسهك
 آچالم ، نه قدر تدریس پروغراملر مزی اصلاح ایدرسهك
 ایده لم تربیه عمومیه مزی بر طریق صلاحه ارجاع اتمز

ایسهك حالمز یماندیر . بز جهالتدن دکل ، اخلاقسزلقدن
 ثولیوررز . بر ملت جهلندن دکل ، تردیاتندن ثولور .
 آشاغی یوقاری تحصیل کورمش ، حتی عالم اولمش اهل
 وطن وار . فقط بونلردن اصلا استفاده ایدیور . چونکه
 بونلرک موازنه اخلاقیه لری دها قام دکلدیر . برده اخلاقز
 یکنسق اوله میور . بریمز بر عقیده اخلاقیه به ، دیگرمنز
 بر بشقه سنه صاپالانیورز . عناصر عثمانیه ده ائتلاف اولمدینی
 کبی عناصر ترکیه نك مزاج و خلقلرنده ده اطراد یوقدر .
 اخلاق ملی دکلدیر . قدیم اخلاق ایله آلافرانغه اخلاق
 بك بارز و دلخراش بر صورتده مردم تصادم ایدیور .
 فرانسز انقلاب کبیرینك احیا ابتدییکی و بزم بالاخره
 قبول ابتدیکمز (اخوت) اس اسلامیسنك مملکت مزده
 معناسی یوقدر . نصل بر سائق تصلفیوری ایله اعلان
 مشروطیتده بو کلمه بی میدان چیقاردیغمزی حالا آکلایه میورم .
 بالعکس بو بوش سوزك برینه (خصومت) دیسه يدك احوال
 روحیه مزی دها اینی تصویر ایتمش اولوردق .

بز ، جمعیت مزدا خلفنده ساکتانه ، صراثیانه بر محاربه ده بز .
 محاربه ده - حقوق حرب حقننده علما نه قدر کاغد
 قارالرسه قارالاسونلر - حقوق و اخلاق یوقدر .
 ائتلاف نفس ، مصادره اموال ، احراق مبانی مباح و حتی

فرض در . بونك كې بزده مجادله مليه مزده بربريمزك
 دشمنی بز . بربرمزی تلفله ملتی ده تولدیرپورز و بناء علیه
 کند مزده انحرار ایدپورز . اخوانمزك موافقی ، شانی ،
 حیثیتی ألدہ ایتك ایچون آنلری اخلال ایتمکله مشغولز .
 آنك ایچون ده ضمان واعتماد عمومی بی سلب ایتمکده بز .
 اتحاد و ترقینك مشروطیتی استحصال ایله زمام حکومتی
 آله آلدینی وقت میدانه چیقان مخالفلر هب تفصیل ایتدیکمز
 بو شیمه عداوتله اورتهیه آتیلدیلر . فی الواقع بونلر ، بز
 مثلاً محافظه کاران فرقه سنك اجرا آتی مراقبه ایچون بر
 حربی پروان فرقه سنه احتیاج اولدینی کبی رأس کارده کی
 حزبی تقیش مقصدیله تنسیقات پاپورز دیدیلر . فقط
 روحیات و تاریخ اعتباریله بتون بو اجرا آتی تدقیق
 ایدیکمز هب عینی عمومی مرض اخلاقی بی، درد روحی بی
 کوره جك سکز . انکلتزده (طوری) فرقه سی (ویغ)
 فرقه سنك اهمیتنی تنزیل ایتمز . عوام قماره سنده رؤسا
 بربرینه قارشى غلیظ سوزلرده سویاسه لر بونلر غلبان
 حدت اثریدر . فقط هیچ بر وقت ، مثلاً ، لورد لانسداون
 سور نه دوته رد غره يك سیاست خارجیه سنده مخاصم ، واقعی
 آلمانز . بزده ایسه ، بر شریف پاشا بر عثمانلی استقراضندن
 استفاده ایله حکومت حاضره بو پاره ایله اتحاد اسلام

پروژه سنی موقع تطبیقه قویه جق دیه باریسی ولوله یه ویرر
و کویا بونکله اتحاد و ترقی به قارشی مخالفت ایتمش اولور .
بر صادق بك ایسه چار حضرت تالرینه ، سـلانیـکه صاحب
اولان یونان قرالی حضرت تالرینه حکومت عثمانیه علیهنده
لایحه ویرر . دها ایلری به کیده لم : بویه هنگامه لرده
بر مراد بك روس حمایه سندن بحث ایدر !... هر کس ده
فرنکلرک باننده تجدد ده فرط غیرت کوسـترمک ایچون
کندی علیهمزده ناطقه پرداز اولور .

آه بر اخلاق دیقتـاتوری ، بر منجی ملک و ملت
زده ده سک ؟ دها طوغـمدکی ؟ بنی اسرائیل عصر لردن
و حتی جناب عیسی بن مریمک میلادندن صکره بیله مسیح
موعودی بـکلبور . هندولر هر آن یأسـده ، هر دقیقه
فترنده معبوده ذی بکارت (ده وانا کوئی) دن (قریشتا) نک
شکل و هیئته خالق خیر (ویشنو) نک تولدینه انتظار
ایدیورلر . بن ده ، ای مهدی صلاح ، ای نظام فضائل ،
شو مزبله بی اخلاقی ایچنده سنک ظهور که ، سنک غلبه
ومظفریتکه مترقیم . هر نه شکله چیقارسهک چیق ،
ایسته ر انسان اوله رق ، ایسته ر بر فکر هیئتمنده منجلی
اول ویزی قورتار .

وظائف مدنيه و اخلاقيه

دوه قوشنه شو يوکي يوکلن ديمشله ، بن قوشم دوه
دکلم جواني ويرمش . اويله ايسه اوچ کوره لم ديمشله ، بن دوه يم
مقابله سنده بولونمش .

بزه بويله يز . وطندن ، ملتدن استفاده ممکن اولد قجه
ارباب حيتدنز . بزدن وطنپروري اولماز . فقط وطن
ايچون فدا کارلغه کلنجه ... يان چيزرز . وطن و دولت ،
زعيمزجه ، خادمزدر ، بز آنک افندي بي يز . وطن
ملکمزدر . بو چفتلک بزه ايراد ويردکجه وار اولسون ،
فقط لسبب من الاسباب - دها طوغري بي کندی صنعمز
ايله - بر سته واردات کتيرميه جک اولورسه در حال آنک
عليه دوز ، مساويسندن کمال حرارتله بحث ايدرز .
اسکيدن اسپانيولر ، شمدي ده انکيلزلر مستعمره لريني
نه کوز ايله کوريبورلرسه بزه اجزاي اصلية ممالکمزي

عینی چشم مادی ایله کوریورز . حالبوکه ترکله نظراً
 سلا نیكك وضعیتی اسپانیوللره نظراً قوبا آطه سنك وضعیتند
 دکلدی . نتیجه مدعا ، بز وطن وظائفند و آکا قیاساً
 عموم مکلفیتلر مزده ، تکالیف اخلاقیه مزده پک مبالا تسرز .
 وطن کبی ذی شمول بز غایه مز که وشه دجه ضمان اخلاقیه مزده
 کندیلکندن که وشه یور . اخلاقک بز نقطه استنادی ، بز
 مصدری ، بز منبع تشعی قالمیور .

خزینه بزم ایچوندر . خزینه بزم کیسه مزی طولیدیر ملی ،
 بز آنی املا محبوریتند دکلز . قدیم اسپارطهده اهل وطن
 چالشماز ایش . آنار ایچون اسرا ابدال مساعی ایله
 مکلف ایمشالر . بزدهده بو ذهنیت حکم فرمادر . نقد آ
 وبدناً ویرکو ویرمک بزه آغر کلیور . قرون قدیمه مزدن
 قالان بز اعتیادک جبلیتمزه دخولی نتیجه سی هپ ایستهرز ،
 هیچ ویرمه یز .

وظائف مدنیه مزی اصلاً بیلمیورز . بونلری عوام مزده
 بیلمیور ، رجال مزده . هیولای استقبال اولان اطفال مزی
 یتشدیره جک معلملر مزده بیلمیور ، حکومت مزده بیلمیور ،
 خصوصیه معارف عمومیه نظارتی دنیلن دائره هیچ
 بیلمیور ...

حکومت ، ترکجه تعبیری ایله ، بز ما کلدن بشقه

بر شیء دکلدر. ارباب صفوتدن بر قاچ کیشی به صوریکز،
 بونلردن « دولت » ک بر تعریفی ایسته ییکز. بلکه مختلف
 سوزلرله ، فقط عینی فکریت ایله بونلر سزه شو جوابی
 ویرمکده تردد ایتیمه جکلردر: « حکومت ، بندکاننه معاش
 ویرن ولی نعمتدر . » بو معاش ده عاطفه ، لطفاً ، صدقه
 اولمق اوزره ویریلیور . یوقسه فن اقتصاد سیاستده
 کورلدیکی اوزره عرض وطلب قاعده سنک نتیجه سی اولمق
 اوزره سعیک بر قیمتی ویا اجرتی دکلدر . کیمی بندکان
 سلطنتدن، کیمی باباسنک خاکی حرمتنه ، کیمی کثیر العائله
 اولدینی ایچون، کیمی پاشا افندمرک منسوبینندن بولندیغندن،
 الی آخره ، آیلق آلیور . ایش ایکنجی بر مسئله در .
 بز بر سوری مسئله یز والسلام . مملکتیمز سی ایچون
 تنسیق ایلمه مشدر .

بو سببه مبنیدرکه دائماً وظائف اخلاقیه دن قاجارز .
 کنجلمز هر درلو دسائی استعمال ایله عسکردن فرار
 ایدرلر . شباب ، عسکر قاچاغیدر . وطن فکر مقدسی
 ذهنلرمزی، قلیارمزی، روحلرمزی طولیدر مامشدر که بزده
 (فداکارلق) کبی نجیب حسلر او یانه بیلسون! اگر بویله حسیاتمز
 اولسه تعالی ایدرز، اوفق تفک ، خصوصی اخلاقسز لقلره
 تنزلکار اولمیز. بو کبی سواثک نقصانی بزم غایه لرمزی پک

شخصی، مادی، نقدی، حتی معدنی بر درک به ایندیریور.
آنک ایچ-وندر که چوغمز بیلیمیه رک [آپیکوریئن] در.
غلظت مادیه ، اک یقین استقبالمزی ده محو ایده جک
درجه ده ، « حال ، مزه حاکمدر .

اوت ! هر فرصتدن استفاده ایله عسکردن قاجارز .
بقال چراقاری مدرسه یه داخل اولوب عسکردن فرار
ایدرلر . حتی « راباتو ، یاقه لی و « ره تروسه ، پانطالونلی
شیق قلم افندیلری ده بیلیم که بو مقصدله جامع درسلیینه
مقید درلر . دارالفنون ودها سائر مکاتب عالیّه غیرطالیه من
عسکر قاجاقلرینه بر (مقرر) در .

عسکره عائد بوصله لر توار دایتد کجه بتون حسابات کنجک
قلبنده که وشهر . چوجق ، بلا اختیار و حتی بلا ادراک
أنته رناسیونالیست و قوزموپولیت اولور . دولت نه دیمک
ایمش ؟ وطن نه دیمک اولیور ؟

بک اوغلانی بر اقوبده شمدی اردویه ، بیلیم هانکی
دیارلره کیتیمک روای حقمی ؟ آه ! شو میلیتاریزم نه وقت
قالقه جق ؟ دها ایلری به کیده رک شو سوزلری ده بعض
خائن اهل وطنک اعماق قلبنده او قوبه لم :

... شو دولتی ده بر فسخ ایتیمورلر که ...

بوکا قیاساً مصالح عامه ده هپ خودکامن . قدیمده

اولدینی کبی بزده قاج یکی وقف یاپیلدی ؟ افراد قاج
 مؤسسه خیریه وجوده کتیردی ؟ اغنیامز قاج خسته خانه ،
 مکتب ، بیمارخانه وسائر تأسیس ابتدی ؟ باره مز یوق
 دیه جک سکیز ! اوت ! ... فقط اسکیدن سکسان جاریه
 قوتنده قوناقلر ویالیر اداره ایتک ایچون باره مز واردی .
 شمدی ده هر سنه « فولی بهر ژهر » ده « مولن روژ » ده
 یمک ایچون اوراق نقدیه مز وار . برده بونلر چوق باره
 ایله یاپیلماز . دائمی و متمادی بر صورتده یاردم ایله اولور .
 اجانب بر طرف . شهر مزده روملرک ده ، ارمنیلرک ده ،
 یهودیلرک ده . حتی بولغارلرک ده مؤسسات خیریه لری
 پک چوقدر . عجیبا بزم بونلره مقیس قاج مؤسسه
 خصوصیه مز وار ؟ هر سنه روم ایتامی ، ارمنی مکتبلری ،
 یهودی فقراسی ایچون بالور ویریلیور . بز بو ائشاده نه
 یاییورز ؟ روم قادینلرینی ، لوانتین کوزلرینی کورمک
 ایچون آنلرک بالورینه کیدوب اعانه ویریورز .

هر حال و کارده منافع خصوصیه مزى منافع عامیه
 ترجیح ایدیورز . بزم ایچون سلائییک سقوطندن دها
 مهم بر شی وارسه حزیان معاشیدر . حالبوکه عینی کونده ،
 عینی دقیقه ده بتون بلغارستان ، اوت بتون معناسیله بتون
 بلغارستان بوشانیور . هرکس اوینی ، عائله سی وحتی

معاشنی براقوب ادرنه پیشگاهنه کیدیور . بلغارلرک یوکسک
صنفی اولادلربی لوله بورغازده ، ادرنه ده ، قرق کلیساده ،
چتالجه ده شهید ویردیله . قومشولرمزك طبقه علیاسنه
منسوب بتون عائله لر بوکون مکتب کورمش ویا تحصیلده
ایکن وطن اوغورینه فدای جان ایتمش بر ویا زیاده
چو جقلربنك ماتم شان آوریخی طوتیورلر .

بز ایسه تام او دقیقه ده آنته رناسیونالیست اولدق .
عزیز حسن پاشایه اردویی، نورادونکیان افندی به باب عالی پی،
موسیو ژورده سه وجدانمزی، غلطه سیمسارلرینه خزینه پی
و روم ایلیمزی دشمنلره براقدق ...

آه شو محاربه بیتسه ده ینه راحت مزه باقسه ق ! ای
سرسری بی حس ! وطن کیتدکن صکره ، مناستر صربه ،
حانیه رومه ، دده آغاج بولغاره ، اییک قره طاغلی به ،
بنغازی ایتالیا نه کچدکن صکره هانکی حضور ایله سن
باشیورسک ؟

ایشته تام او آئاده هرکس ترک کیدن استعفا ایدیوردی .
چتالجه قربنده آتیلان طوپلر شیشلی ده ، پانفالیتیده طویولدقجه
کیمی والدنه سنه نسبتله کریمی اولیور ، کیمی سکز قوشاق اولکی
مخیل جدیدنه اضافه عربلغنی اظهار ایدیور ، کیمی ده
توقانلیانده « بورژه ویا ویه داموستی » غزته سنك حرب

مخبرينه شويله جه سويليوردی :

— آرتق تركلر برشي ياپه ميه جقلريني اثبات ايتديلر .
 يو ملت چورودی . بز هپمز باشمرك چاره سنه باقه لم .
 بز كردلر (ويا آرنأؤدلر ، چركسلر ، عربلر و چنكانه لر ،
 حتی قزیل باشلر) ايسته ترك ربقة تربيه مي آلتنده
 بولنديغمزدن تكامل ايده مدك ... الى آخره .

حالبوكه عيني انموذج بوندن بر قاچ سنه اول سر
 ابريقدار كامل آغا واسطه سيله عتبه فلكمرتبه عبدالحميد
 خان يه بر جورنال عيوديت مال تقديم ايدوب نه لر ،
 نه لر سويليوردی ؟ ...

روم ايلیدن آقین آقین كان سفیل و بیچاره ، پریشان
 حال و عطشان ، بوزاغیسی کودن مهاجرک منظره سی
 عطف و قتل و بک افندی بی اصلا متأثر ایتیموردی . کوپرینک
 اوستندن بر تولولر قافله سی کبی کچن معاوین و ضعفای
 عسکریه او قوزموپولیت روحه انعکاس ایده میوردی .
 بر انسان ، قضاء اوریلان بر یبانچی بی بیله کورسه بتون
 کون ضمنی بر ماتم طوتار . حالبوکه انموذجر او اقشام
 ینه مزخرفات اجنبیه ایله لقلقه بی اوزاندی ، ساعت سکزده
 قلوبده ییمک ییدی و صکره تیار و بده کیتدی .
 له الحمد بو حالت لاقیدی به قارش ی بر عکس العمل اولیور .

دو نما جمعیتی ماهیتی اعتباریله بر شاه دارودر . اغانه لر
 بر آرز وطفی ، مدافعه ملیه بی در خاطر ایتدیریور . بو ،
 لهمزده بر پرواغاندار . اشکال مختلفه سنده وطن ایچون
 بر آرز « ره قلام » یاییله حق اولورسه طبیعیدرکه خلقمیز
 حسیات آفله سنه ینه رجوع ایدر . اکر مملکتهمزده بر
 وطن جریانی تأسیس اولنورسه ، وطن پرورلیکی مودا
 حالنه قویه بیلیر ایسه ک جریان حیاتده ینه بر نقطه استناد
 بوله بیلیر . بوسایه ده بلکه کنجلمزک بو قدر اورکدکاری
 اردو آنلرک اسباب استراحتلرینی تأمین ایده جک درجه ده
 نقائصی ا کمال ایدر . چونکه ، بوکون ، اسقام اداره من
 نتیجه سی اولوق اوزره اردو من کنجلمزک کوستره -
 بیله جککاری حسیات فداکارانه یه مقابله ایده جک درجه ده ،
 آنلرک استراحتلرینی تأمین ایلیمه جک مرتبه ده دکلدی .
 اردو ، شانلی نسق سازلرک مساعی متادیه لری ایله بتون
 اهل وطنک کمال خواهشله ، فرط تهالکله ، حتی مکلف
 دکل کوکللو اوله رق کیره جککاری لطیف ، امل وامید
 بخش بر یر اولماید . اردو کنجلیکی کندیسندن
 اورکوتمه ملیدر . اوراده کچیریلان ایام غلبانک خاطره سی
 اصلا حافظه دن چیقمه ماید . بر حاله کملی که معلولیتندن
 ویا اسباب سائره دن طولانی عسکره آلمیان اولاد وطن

بوندن طولایي متأسف و متأذی اولمی ... اردو هر صنف
 اهل وطنی ، کافه ملتى توحید ایدہ جک ، آنلرک مختلف
 و متنوع شخصیتلرینی برلشدیروب یکوجود ، یکروح
 بر شخص معنوی یاپه بیلمک قابلیت تربیتسکاریسنی احراز
 ایتمیدر . اردونک موقعی ، فردک نظرندہ ، اصلا عائله سنک
 موقعندن آشاغی بولونمہ ملیدر . وطنی بیله رک ، سہوہ رک
 مدافعہ ایدہ جک اولورسہق اردولرمزدہ طبیبلرمز یانسان
 ادواتی آشیرماز ، ضابطانمز نام محاربہ اثناسندہ باشنک
 چارہ سنہ باقماز ، نفرانمز قاجماز ، متعهدلرمز وقت بووقتدر
 دیہ حیالہ یہ تنزل ایتمز ، باش قوماندان دہ (واغونلی)
 پنجرہ سندن بشقہ یرلردہ دہ کورینہ بیلیر ، ہالہ سالانیک کبی
 نیجہ بیک خاطرہ لراویاندیران بر کاظمہ دلنشین قابل مدافعہ
 و محافظہ ایکن دنیا نک ال بیوک آلچاقلرینی انکشت بردہان
 تعجب ایدہ جک برنامردلکله پرنس قسطنطینہ « کولہ کولہ ! »
 جملہ تبریکہ سیلہ تسلیم ایدماز .

درد و دوا

علل اخلاقيه من صد دنده نه ديسهك ينه سويلنمسي
 لازم كلن سوزلرك قسم اعظمي بر اقمش اوله جغز. چونكه
 بي اخلاقيمن عموميدر. بو، اشكال متنوعده بزه رونما
 اوليور. كذلك اسباب علل حقنده ده نه سويلرسهك
 ناتمام اوله جقدر. زيرا، بو اسبابي لايقيله آراشدير مق
 لازم كليرسه تاريخمزي يكي دن يازمق اقتضا ايدر. مع التأسف
 تاريخ عثمانی تدوين ايدنلر، شمدي به قدر، اولانجه
 قوتی قصيده جيله و ير مشلردر. آثار سلفا نه قدر
 قاريشدير يليرسه قاريشدير لسون نفيحات اخلاقيه مزك
 حقيق سبيلرينه دائر بيوك بر شيئه، حق بر سر رشتيه
 تصادف اولونه ماز.

دولت عمانيه بي بر صلابت اخلاقيه تأسيس ايدبور.
 بو صلابت درجه قصواي كمانه واريبور. دولت ده

کنکره شان و اجلانه چیقور . اخلاق بوزولور ،
دولت ده بوزولور . اخلاق چوریور ، قوقور ،
قوقور . آنکله متوازیاً دولت ده چوریور، قوقور،
قوقور . او حالده دولتی تعمیر لازم ایسه اول بارل اخلاقزی
ترمیم ایتمکله کمز مقتضیدر . اخلاق بر چانیدر ، بنای
دولت آنک اوزرینه قورولور . بو دستوری هر دولته
تاریخ مقدراتنده آرایه بیلیرز . هیچ بر دولت یوقدرکه
افرادنده تردیات اخلاقیه باشلاسون ده ، او دولت مرتبه
کمال شکوهنده بولونسون . کذلک هیچ بر حکومت
یوقدرکه افرادی بیوک بر ارادت اخلاقیه ، لایزال بر
عزم فاضلانیه مالک اولسون ده او حکومت بزم کبی بلنی
قالدیره مسون . بیوک دشمن فاتح لرینک ، جهانگیرلرینک
هجوملری بیه بوکیلرایچون موقت اولور، بالعکس ضربه لر
حس ملی بی تقویه ایدیور، شو سوزلری بر شکل حسابیده
عرض ایدم :

دولت = اخلاق . حق بقا = دولت .

دولت + اخلاق = بقا و ثروت

شو معادله مزده (اخلاق) رفقی (س) ایله افاده
ایتملی ایدک . چونکه او یوقدر . احوال و وضعیت بو
مرکزده ایکن فصل بر چاره حل بولملی ده شو (س) ی

کشف واستخراج ایتلی ؟ بقاده، ثروت و سامان ده آکا منوطدر .

اگر یاپیله حق تنظیمات ویاپیلان اصلاحات عمومی وکونی بر اخلاقی پلان اوزرینه استناد ایتمزسه بو تنظیمات واصلاحاتده بر وحدت ، بر یکمنسقلق اولماز . بناء علیه بونلردن بری دیگرینی طوتماز وبلکه ده یاپیلان شیلردن بری دیگرینه متناقض اولور . دوشونلرکز : معارف نظارتی اوروپادن تربیه متخصصلری کتیرتسون . (أتی سنک ، کیمکی بنم) شبایمزی آنلره تسلیم ایتسون . آنلرده موسیو دوروئی سلطانیدسنده اولدییی کبی بر لوانتین شهاب یتشدیرسونلر . دیگر طرفدن بر سرعسکرمنز ، تربیه دینییه و ملییه دقیقه سنی ایجه آکلایه رق بر دینی و ملی اردو یتشدیرسون . ایشته بونلرک ایکسی یمان بر تضاد حاصل ایدر و بالآخره وجدان دولتی بولاندیرر

مشروطیتک اوان اعلانندن بری سویلیورم ، ینده تکرارندن اوصاندم . عمومی پروغرائمزی ، خطحرکتیمزی ، قانون اساسی اداریمزی چیزملی یز . اجتهادات شخصیه اجتهاد ملی وعمومینک ایچنده بوغولمیدر . بوقسه امکمز برهوا اولور ، نته کیم اولیور

اخلاق ملییه ، اخلاق دینییه ، اخلاق سیاسییه ، اخلاق

اداریه، اخلاق اقتصادی ... بونلری هپ برلشدیرملی یز که
تخاددن بر نمره قوت چیقہ بیلسون . معارف عمومیہ
هر نه یاپارسه اردوده آنی یاعلیدر ، دونماده او سوداده
بولونعلیدر . بناء علیه مسئله یی بسیطلشدیره بیلیرز. غایه لک
توحیدی .

مکتب خواجه من بیلملی که بو دولت افرادینک
بی اخلاقیسیله توکنیور. اخلاقسزلق غایه لری سوندیریور.
اخلاقسزلق حس ملی بی پامال ایتشدیر . ملنک متانقنه
خلل کلدکجه دولت ده کسندیلکنندن مختل اولیور. اونک
ایچون اخلاقی دوزنلی که ملت دوزلسون ، متی تربیه
ایتملی که دولت حق بقاسفی استعمال ایده بیلسون. خواجه
هپ بو فکر ایله ، هپ بو امل مقدس ایله چوجقلرینی
زبیه ایتلیدر .

بناء علیه بتون اخلاق رساله لری یاقیله بیلیر و اخلاق
درس لری ایچون بودجه ده کی تخصیصات کسیده بیلیر. صرف
ونحو، حساب و هندسه ، تاریخ ، هله تاریخ و خصوصیه
جغرافیایا ، تمرینات بدنیه و اککنجه لر هپ برر درس
اخلاقدر. کعبه معظمه نک ایچنده قبله آرامق زائد اولدینی
کی مکتبلره اخلاق درسی ادخال ایتک ده زائد الزوائد در.
طابورده اونباشی ده ، بیکباشی ده هپ بو دستوره

افنفا ایتلیدر . عسکر نه ایچون بيله بيله تولومه طوغری
 کیدییور ؟ منحصر آ و قطعياً ترك و مسلمان غایه املنك
 خصولی ایچون کیتدیکنی سنغور لیدن کان حسن ایجه بيلمیلیدر
 بو امل آنك روح و وجدانی استیعاب ایتلی ، آنك شخصیت
 فردیه سی شخصیت ملیه نك ایچنه آلمیلیدر . بدر غنوده سندن
 بو غایه نك علویتی مجاهدینی او قدر مسحور ایتمشدی ک
 اعدانك ازیچی اکثریتنه رغماً لشکر اسلام اك قطعی
 ظفره موفق اولدی . حالبوکه احد غزوه منحوسه سندن
 بعض منافقارک تسویلاتیه غایه توضیح ایدمه مشدی آنك
 ایچون طالع حرب مشرکینه یاور اولدی .

روملر و بولغارلر عسکرلرینی فصل بیوتدیلر ؟ قشلا
 ایله مکتب آره سنده فصل بر اتحاد واردی ؟ اوزون سوزك
 قیصه سی : شمذیلک بز بونلری تقلید ایدسه ک کافیدر
 شیمه خصومت ایشته اکسیر موفقیت ، نوسر
 دارو ویا شاهدارو هپ بودر . فکر ثار ، امل انتقاء
 بزم اخلاقزی دوزملنه جکدر .

ادبیاتمزه ده بو جهته سوقي لازمدر . مع التأسف
 قافله ادبا فکر وطنی ، غایه معلاى ملیه یی اونوتیورلر .
 بونلرک آره سنده ، ألدنه (الحان وطن) ی ایله فائق
 عالی پک یتیم قالدی . ادبیاتمز بر جهته توجه ایتییور .

سلوب، ادبمزده بر اطراد یوق . شعر من ، نثر من شو
 ی مجال قالمش ، ناتوان خسته ملته کوزل سوزلر، قوتبخش
 نصهر ، امل و آرزو او یاندیره جق نشیده لاله وظیفه دوا
 سازیسنده قصور ایدیور . شعریت خارچنده کی ادبیات ده
 طوزسز اولدی . آلمانیا نك استخلاصنه بادی اولان
 جریان ادبی بزده او یانمادی . اطفالی ، عسکر نقراتی
 ربیه ایدم جك معلمار و ضابطلردر . بونلری ده تنویر
 ارشاد ایدم جك حقا که ادبیاتدر . ادبیاتک بر ماعت
 کوریه سی اولماید . صنعت ایچون صنعت یاییلمقله برابر
 آزده وطن ایچون ، دین و ملت ایچون ادبیات
 ایلماید .

ارباب قلمه حریت قطعیه ویرمک و صنعت ایچون
 صنعت اس بدیعینه خلل کلامک اوزره ادبیاتک ده
 نسبیقات و تشکیلاتنه مظهر اولسنی آرزو ایدرم .
 کالم بونلر قدر و بلکه دها قطعی بر دیگر چاره به :
 بییه دینیه .

ملتزمک اکثریت قطعیه سنی عوام و کویلدلر تشکیل
 ایدیور . واقعا بونلر مکلفیت عسکریه سایه سنده اردویه
 لهرق تربیه کوریورلر ایسه ده بو هیچ بر وقت کافی
 کلدرد . کویلی هر وقت امامک تبعه سندندر . دیمک اولیور که

امام اجتماعي ، ملي ، اخلاقي بيوك بر قوتدر . روملر
 هپ پاپاسلري واسطه سيله ، ديانت طولايي سيله مليت آتش
 مقدسني ادامه ايده بيلدiler . پاپاس ديوب كچميه لم . كلي ساده
 انجيل او قومق ، او قويوب او فليهرك اجنيليري قوغمق ،
 نكاح عقد ، جنازه دفن ايتك ، وافتيز ياقق پاپاسك غايه
 خياليه سنده اون سكزنجي مرتبه يي طوتار . پاپاس افندي
 مليت يونانيه نك بكچيسي ، يساقچيسي ، عسكري ضابطيدر .
 آنك ايچون اخلاقي بو هدفه اماله ايدر . مقصدي پك
 بيوكدر . ضمنى ، علنى مواعظي هپ بو نقطه يه معطوفدر .
 يونانليق نقطه نظرندن پك مبارك بر ذاتدر . محله پاپاسي
 پروقوپيوس افندي بلكه پك غبيدر . هر حالده جاهلدر .
 بش غروش ايچون هر دعا يي تلاوت ايدر . فقط ضرر
 يوق . پروقوپيوس افندي غايه مليه يه زياده سيله واقفدر .
 هيچ بر يد سحار ، هيچ بر قوت ، هيچ بر دسيسه
 آنى فكرندن دوندوره مز . آنك ايچون تبعه سنك اخلاق
 عامه سني هپ او يولده تنظيم ايدر . بلكه صورت خصوصيه ده
 كنديسي اخلاق سزدر . عوامي طولانديرر . حوزه
 كنيساسي داخلنده كي قادي نلره صارق يئيلق ايدر . فقط
 امين اوليكز كه اخلاق عامه ويونانليق اعتباريله مومى اليهك
 حقيقه آلى او بولور .

ایشته بزم محله امامی ، کوی خواجہ سی بو رولی
 اوینایه میور. چونکہ بونلرک بر مرجعی ، او مرجعک ده
 بر اخلاقی پروغرامی ، ملی خط حرکتی یوقدر . کوی
 و محله پاپاسی یتشدیرمک ظن اولونمسون که کوچ برشیدر.
 بونلرک آز زمانده یتشہ بیلیر . بوکا قیاساً کوی و محله
 ائمہ سی ده سربعاً یتشدیرمک و آنلره کوبیلیری و محله
 عوامنی مستعجلاً یتشدیرمک آز بر ہمنہ توقف ایدر .
 و بر ایکی سنہ ایچندہ تربیہ دینہ پک مکمل نتائج ملیہ
 ویرہ بیلیر . فینلانڈیادہ و علی العموم اسقاندیناویا قرالقلرندہ
 لوتہریان واعظلری ملتی احیا ایتمشلردر . پک محدود بر
 دائرہ داخلندہ بونلر روحانیہک ، معلمک ، طبیبک ،
 ناصحک ، زراعت مہندسلکی ایدیورلر . تنسیقاتلری شایان
 آفریندر . آشاغی طبقہلرک ممالک شہالیہدہ کوستردکلری
 علامتہ رفعت ہب بونلرک اثریدر . شوکا ہیچ تردد ایتہ کہ
 غایہ ملیہنک ائمہیہ ، صوفتہلرہ تطبیق و تشمیلی ایلہ ہیچ
 یوقدن بر ترک و مسلمان ملیتی برادہ بیلیرز . او زمان
 محمدجک طابورندن قاجاز ، کویہ عودتندہ مراجعہ جینک
 قید اسارتہ کرفتار اولماز . ویا عسکرہ کیتہمہ مک ایچون
 یارمقلرینی بالطہ ایلہ کسمز ، فرنکییہ آشیلانماز . روم ایلینک
 استردادی محاربہ لرندہ قورشوننی کور کورینہ دکل ، آز

بیادیکی فقط بك این حس ابتدیی مقصد مقدس او غورینه
آثار . یارالنیرسه بیوك بر حضور بان ایله تولور . كفر
ایده ایده تسلیم روح ایتمز .

بسیط ، فقط قطعی ، پروزسز ، فقط جاذبه دار بر
طاقم افكارك حس شككنده قلوب عوامه حك ایلمسی
سایه سنده ملئرا اکتساب یکنسقی ایدرلر . تکرار و تکریر ،
هر یرده عینی حسك ادامه سی ملتی قوتلندیرر . اخلاق
بونك بر نتیجه ضروریه سیدر . خودكاملق ایله دیگر
كاملق بر انسانده موازنه حالنده بولنورسه او انسانلر
بر هیئت اجتماعیه ترکیب ایده بیلیرلر . خودكاملق غلبه
ایدرسه قوه اجتماعیه مغلوب اولور . دیگر كاملك غلبه سی
قهرمان طوغورر . ایشته بو موازنه یی ادامه ائمه قرا
ومحلاتك وظیفه سیدر . بزم بو وظیفه ده کوستردیکمز
بجرکسنلك عوامزى صوك درجه ده مادیلشدیریور .
روح قالمیور . روح اولمینجه ذاتاً اخلاقدن بحث ایدیله مز .
عوامده بر آز جان قالمش ایسه اوده بو قدر تعرض ابتدیکمز
دین حسنك انقاضی اریدر .

دینی (شریعت غرای احمدیه نك ماهیت تكاملكارانه سنه
توفیقاً) اصلاح و آشاغی طبقه لری طریق هدایه دعوت
ایتملیدر .

اخلاق دينك لازمه ضروريه سيدر. دين، ملت، اخلاق،
دولت، حكومت اصلاحاتي، ملك عثمانيه ده عيني اصلاحات
تلقى اولونه رق بروحدت مطلقه دائره سنده بونلرك حصولنه
چالشمليدر .

خاتمه و قاطبه

سویلیورز، سویلیورز، کیرلی چاشیرلری یار و اغیاره
 تشریر مجبوریت الیمه سنده بولونیورز، عجبا استهلاکات
 قرطاسیه مزك بر فائده سی اولیورمی ؟ طوغریمی ،
 بلا انقطاع مساویمزدن بحث ایتک ، اخلاق سزلغمزی
 قارشیدیر مق ماهیت ونوعیتی اعتباریله آغیر بر شیدر .
 کندی آغز مدن چیقان سوزلری بر روسدن طویسه ایدم
 آکا شاهدلرمی کوندره جك قدر حد تلنیر ایدم . یاپدیغم
 بر قول ویا بجا کسمکه بکزه ر: بو، براسائت مقصدیله
 یاپیله جق اولورسه جنایت اولور . فقط بر جراح
 بو عملیه به توسل ایدرسه مثاب اولسی طبیعیدر . انما الاعمال
 بالنیات ، صدق رسول الله .

ایلك دفعه نشر ایتدیکم « تاریخ تدنیات عثمانیه » ده
 بالآخره آئی تعقیباً چیقاردیغم « مقدرات تاریخیه » مده

اسباب انحطاط مملکت حقیقه کی تجربه قلمیہ می ایلری بہ کتوردم .
 بو ایکی اثر قارئینجہ لازم کلن تأثیری — حد آ شکر —
 بلغا ما بلغ یادی .

فقط اجرا آتہ کلنجه بر آز بدین اولمفلغمز لازم
 کلیر . لسانمزدہ اولان قوت بر آزده ألمزده اولسہ ابدی ،
 حیات اجتماعیہ مزدہ بر موازنہ حاصل اولوردی . افکارده
 بر مقدمہ انقلاب وار ، فقط اجرا آتہ هنوز یوق ویا
 یوق کی .

عجبا کچیر دیکمز غوائل ، محاربات ، مضایقہ خزینہ
 خزینہ ، اختلالات ، فقر و ضرورتمز اجرا آتہ مانع
 اولیورمی ؟ فی الحقیقہ سرآمدلرمز دولتی دائرہ مدار
 صاران کورینور کورونمز اعدا و اشقیایله او قدر
 مشغول ده آنک ایچونمی مملکت مزدہ فیکری و اجتماعی ،
 اقتصادی و مادی بر انقلاب یا میورلر ؟ بوکا قانع اولہمام .
 اوت ! بعض مواقعمزی اشغال ایدن رجالمز واردر کہ
 بونلرک باشلرینی قاشیہ جق و قتلری یوقدر . فقط ارکان
 حکومت بونلردن عبارت میدر ؟ بو باشی قاشیمغه وقتی
 اولمیان فحام ارکان ده بیلملیدرلر کہ دولتی محافظہ و صیانت
 منحصر آ کوز اوکنده کی دشمنی دفع ایله اولہماز . ملتی
 نداوی لازمدر ، حالبوکہ پایلان بتون معناسیلہ بر اداره

مصلحتدن عبارتدر . نچون هنوز آرا و افکارده اتحاد
 یوق ؟ نه دن عینی ماصه اطرافنده توحید مساعی ایدن
 وکلادن بری « لیبه رال » ، دیکری « قونسه رواتور »
 اولیور ؟ نه دن اتحاد و ترقی جمعیتنده مفرط ملیتپرورلرک
 یاننده بونلره بتون بتون ضد فکر پرورده ایدن اعضا
 بولونیور ؟ نه دن فرقه ممتازه نك و آنک ممثلی اولان حکومت
 حاضره نك ماهیتی عمومی اوله مبور ده پك شخصی قالیور ؟
 واقعا مللکتمزده خائن ، وطن دشمن بر دکل ، حتی بیک
 دکل . شو قدر وار که آرتق دوره تجریه کچدی و یا
 کچملی ایدی . اشخاصک ایسی فناسی قالیورله آیرملی
 ایدی . آدم یوقسه بتشدیرملی ، برادملی ، فابریقه سنه سپارش
 ایدملی ایدی ... ملنک تربیه سی ، تصفیة اخلاقی نقطه
 نظرندن غایت قیمتدار آلتی سنه غائب استک . بو آلتی
 سنه لک سلطنت اداره مزده بر کور دوکوشیدر کیتدی .
 حالا صولر طور و لمدی . تأمین ایدرم که شو آلتی سنه
 ایچنده هیچ بر نظریه جیده طریق اجرا آتمزده بزه
 رهبر اوله مدی . اوزر مزده بر دکل بر قاچ نادانی پوستکیسی
 وار . بونلره او قدر آلمشمز که اوزر مزدن آته میورز .
 مطیة دولتی سوق ایچون معونه جیلقدن متقاعد
 اولانلردن بشقه درلو قبودانلره ، اردویی اداره ایچون

بر آز آلابلی اولمیان ضابطانه ، هله امور ملکیه و سیاسیه
ایچون ققفلرینک ایچنده بر مقدار دماغه مالک اولان
مأمورینه احتیاجز واردی . بونلری یتشدیرمدک .
تتسیقات عجمیالکری حیات عامه مزى مختل ایتدی .
اداره آلت اوست اولدی . حالا بر مأمورین قانونی
تنظیم ایده مبورز . عجبا رؤسای متفکره مز بویه بر قانون
ایله مقید اولمدن توجیهاتمی یایقی ایستورلر ؟ معارفده ،
صنایعده ، ادبیات و مطبوعاتده ، قوانینده پک قولای
اصلاحات یاپیله بیلیردی . بونلری ده یایمدق . شخص
و ذات سیاستمزه پک حاکم اولدی . بونک مضراتی
کوردرک . حالا اوصالنه مدق . بر طاقملر مزى بغیر حق
کوچندیردک . حالبوکه بشقه درلو معامله ممکنیدی . تعداده
کلز استعدادلر ، قابلیتلر سوندی . کندیلرینه بر فلج
سجیوی عارض اولدی . بونلر وطن ایچون ضایعاتدر .
بوکا مقابل چار اقطار جهاندن بورایه قوشمش سرسریان
وکاسه لیسانی - بلا لزوم ، بلا سبب - باشمزک اوستنه
چیقاردق . بو ، عیبدر . ادبیاتی ، فنیاتی ، بدیعیاتی
تشویق ایتدک . بالعکس مز خرافات قلمیه به بر سر آزادکی
تام تأمینى ایله افکار عمومیه پی شاشیرتدق ...
ملنک صاغننده دکل ، صولنده قید وقوعات ایدن

کراماً کاتبین دن ملک دیگر رفیقندن دها زیاده مشغولدر .
 هله بونک طوتدینی بر بورج دفتری واردر که بو آراتق
 طولدی ، طاشدی .

اجانبک بزه اولان معامله سی تحفیف ایتدی . حریت
 مالیه مزی ، سربستی ، اقتصادیمزی قسماً اولسون استرداد
 قابل اوله مدی . بونک سبی شودر : داخلی آنارشیمز .
 بو حالانک اسباب مولده سی نه در ؟ قباحث حکومتده می ،
 اتحاد و ترقی جمعیتنده می ؟ حاشا ! دیه بیلیرم که بو درجه
 صمیمیتده بر حکومت ، بو سویه وطن پرستیده بر فرقه
 سیاسیه بو کونه قدر ، تاریخ ملیمزده ، مقدراتمزه نکهبان
 اوله مامشدی . قاینه لک بوندن وطن پروری ، جمعیتلرک
 بوندن خلوص نیت صاحبی اوله ماز . او حالده ؟ بونلرک
 سببی حکومتده ، جمعیتده دکل ، ملتیزک انتظام کریزلکنده
 آراملی یز . طبیعیدر که هیئات سیاسیه مزده افراد ملتدن
 متشکلدر . کوریلیرور که ملت بر آز « باشی بوزوق » در .
 جرمان واری « دیسیپلین » انضباط نه افکار مزده وار ،
 نه ده اجرا آتمزده . بونک ایچون هر فکر هر نظریه
 مملکت مزده تلمق بالقبول اولنیور ویا بویله ظن ایتدیکمز
 حالده هیچ بر فکره التفات اولونمیور . اشخاص بعضاً
 اک بنام مواقعه ارتقا ایدیور . صکره بونلرک موداسی

کچپور ، اونوتیابورلر . دها بیوک بر درد روحیمز :
 بر فکرک درجه اهمیتنی رجالمز درک ایدم میورلر . وقتیلہ ،
 دور حمیدیدہ ، انجمن تفتیش ومعاینہ دہ عربچہ بر کتاب
 ظیلہ قرآنی سانسورہ ایتشلر . ینہ اسکی طاس ،
 اسکی حمام . فرانسنک اک مشهور بانکہ مدیرلرندن
 برینہ بر لایحہ مالیه یابدیریکز ، صکرہ عینی زمینی بر
 دارالفنون طلبہ سنہ آکلاتوب مطالعہ سی کاغد اوزرینہ
 تثبیت ایتدیریکز و هر ایکی وثیقہ یی قارش دیروب مالیه
 نظارتندہ ارکانہ تقدیم ایدیکز . بونلردن هانکیسنہ ملتفت
 اوله جقلر بیلیرمیسکز ؟ چوجفک یازدیغنه . چونکه بر
 مکتبایینک فکر بسیطی کندیلرینہ دها ملایم کلیر .
 آنی دها قولای آکلارلر . هیچ بر اختصاص وصلاحتی
 اولمیان وطنداشلرمن ، هرکون ، سوزہ وایشه قاریشور .
 بیوکلرمزده بویله . سزہ بر مثال عرض ایدیم :
 وقعہ دارالفنونمزه منسوب بر شعبہ عالیہ دہ جریان
 ایدبور .

شا کرد - معلم افندی حضرتلری ! اقتدار و مزیتکز
 خاص وعاجبه مسامدر . چارلس دروٹین نامندہ بری انسان
 مایموندن کلیر دیه بر ادعا درمیان ایتمش . بو بابده کی فکر
 سموحیکزی ایستبورز . لطف بیوریرمیسکز ؟

معلم - افندم ! سـویلیهیم . بو ایش پک
 بسیطدر . اوپله اوزون اوزادییه تدقیقاته ، تفحصاته
 محل یوقدر . فی الواقع ادعا اولوندیغنه نظراً اوروپاده بوکا
 دائر کتبخانه طولوسی یازیلر یازمشلر ایسده ماده بسیطدر .
 عقل وار یقین وار . دارون (هارون وزنده) مخطیدر .
 انسان مایموندن کله مز . چونکه شوقیاس منطقییه مغایردر :
 ولد انسان طوغار طوغماز کندینی اداره ایده مز . آیاق
 اوستی طوراماز . اوزون سنه لر ابوینک مظاهرتنه عرض
 افتقار ایدر . حالبوکه زاده نسناس عقیب تولنده آیاقده
 قائم اولور و حوائجینی استحصال ایدر . بناء علیه انسان
 مایموندن طوغماز و دارونک سـوزلری محض سفسطه ،
 افکاری ده بالطبع باطلدر . (انتهى)

شو ذهنیتی خطوط عمومیه سـیله ، هر یرده
 کوره بیلیرز . حکومتده ده ، شورای ملیده ده
 مکتبلر مزده ده ، محافل سیاسیه مزده ده بو قدر یاوان
 دوشونور ، بو درجه صفوتله ناطقه برداز اولورز . بزده
 بر آز ابتدائیک ، چوجقعلق وار . علمه ، وقوفه ملتفت
 دکلز . آرامزده تمیز ایدنلر عادتاً بر جنایت ارتکاب
 ایتشلردر . مشورتی قبول ایتدک . فقط اهل شـورایی
 ده تعیین ایده مدک . عبدالحمید ثانی زماننده اوقویوب

یازمه‌ی بیلیمیان مشیران عظام ، اوشاقلقدن یتشمش باش
 مایینجی، مکتب مداومی شورای دولت اعضاسی واردی.
 وبونلرک مواجه‌سنده ارباب فضل ولیاقت تسأل ایدردی.
 قالدیرمجی بوزونتیسی مشیر دولتلو شا کر پاشا حاضر تلیزک
 سایه لطفنده آچاقلقدن ثولیه‌جک درجه‌ده بر اوفق منصبه
 نائل اولان اعظام شعرا، طبله‌کار اسکیمی بر سر قرینک
 همتیله بر یره قبولندیرلمش بر صاحب لیاقت بولنه بیلیردی.
 شمدی ده اوپله در . یالکز اشکالده بر آز فرق وار .
 مملکتک پک بیوک ذکالری محصول استعدادلرینه خزیدار
 آرار ایکن دسیسه حزبیله ابله بعض پس‌پایکان نائل
 اعلی‌المراتب اولیورلر ...

ملکت روحی ، اخلاقی بویله دوزلمز . سه‌جیه‌سی
 بویله تقرر ایتمز . بوکون اتحادوترقی جمعیتی وحکومتی ،
 بتون مسئولیت تاریخیه‌سفی دوش حیمته آله‌رق، ملک و ملتی
 اداره ایدیور. جمعیتک سقوطی دوانک هبوطنه معادلدر.
 بناء علیه اتحادوترقی جمعیتی کوزینی درت آچلی، کندیسفی
 ازعاج ایدن سیوری سینککاری قطعیا قوغملی ، خط
 حرکتی جلی یازیلرله چیزملی ، مربی ملت مقامنه کچهرک
 بزی قورتارمیدر. ملته جمعیت خرسیتیان نکاحیله بر برینه
 باغلاندی ، یعنی طلاق احتمالی اورته‌دن قالدی . آنک

ایچون عموم ملت اتحاد و ترقینک استعلاسنه، اتحاد و ترقی ده
ملتهک استخلاسنه باقلیدر .

نتیجه النتائج :

قوای مختلفه نك تردی ایدوب آله قالان بر ایکی
قوتك اتحاد و ترقی جمعیتنده طوپلان دینی شو زمانده بو
فرقه سیاسیه نك کندی داخلنده مظهر تکامل اولسی
دولتهک ده تخلص ایتمی دیمکدر . بو کون ، اتحاد و ترقی
جمعیت و یا فرقه سی بو جلادتی کوسترمهک مقتدردر ،
فقط یارین شئونات سیاسیه بو امکانی سلب ایدمکدر .
العجلة من الرحمن والثانی من الشيطان .

ختم

علاوات

مسائل اخلاقيه به دائر اولجه نشر ايتديكم بعض
مقالاتي بو كئناجه ذيل ايدورم . وقتيله نشر ايتديكم
« تاريخ دنياي عثمانيه » و « مقدرات تاريخيه » ده مسائل
اخلاقيه قاريشيق بر صورتده انظار قارئنه عرض ايدلمشدر .
بو ايكي اثرده كي فقرات اخلاقيه نك مباحث سائره دن تفريقي
كوچ بر كيفيت ايدى . آنك ايجون اقتطافندن صرفنظر
اولندى . قارئلر بو « علل اخلاقيه » مز ايله مباحوث عنه
اولان ايكي جلدى مطالعه ايدرلرسه بو بابده كي بتون
مطالعاتمزه مطلع اولورلر .

ترديات اخلاقيه

انحطاطمذك الك بيوك سيبينه كليورز . أليم بر مسئله يي
موضوع بحث ايتديكمندن وخصوصيله ايلك دفعه اولمق
اوزره ميدان مناقشه يه قويد يغمندن طولايي بيوك بر عذاب حس
ايد ييورم . فقط بويله بر ماده معضله يي اورته يه قويما مقده
بر فائده وارمى ؟ بونك مذا كره ايدلمه مسندن ايسه
مذا كره سى دها زياده استفاده بخش دكليدر ؟ ايشته
بو ايكنجى شقه وجداناً ميل ايتديكمندن دركه جراً تمك
معفو طو تولى سنى قارئلر مدن رجا ايديه جكم .



ترديات اخلاقيه منرى ايكي به آيرملى يز : ۱ - ترديات
اخلاق عموميه ، ۲ ترديات اخلاق خصوصيه .

اخلاق عمومی‌دهه تریات سلطنت عثمانیه‌نک دوره
استیلاسی قاپاندقدن صکره باشلامشدر . بکیچریلک عالمی
بو نقطه نظر دن پک زیاده جالب اهمیتدر . بکیچری
هرکله لرینک عثمانلی عالمنه فرمان فرما اولدیغی سنه لرده
حکومتدن مقصد رعایانک طولاندرلمسندن عبارت ایدی .
دولت اولیغارشینک آلدن قالمشدی . اولیغارشینق بر
حکومت ، دولتی قورتارمق ایچون هیئت اجراییه موقته
شکلنده اولمدیجه ، هر زمان ، مقاصد عمومی‌دن زیاده
مقاصد خصوصیه‌نک واسطه اجراییه‌سیدر . ایشته رجال
بو درکبه اینرلر ایسه اخلاق عمومی‌ه بتون بتون فساد
اوغرار .

رجال سابقه‌ده پک او قدر افکار عالیه یوق ایدی .
دولتی ، ملتی ، اهالی بی یتشدیرمک ، مبارزه حیاته
مشروع بر موقع ایدنمک ظن ایدرم که آنلرک پک اوقدر
ذهنی اشغال ایتمامشدی . ملک هر زمان پادشاهک بر
مالکانه‌سی ، اهالی ده آنک بندکانی تلقی اولنوردی .
حاصلی حقوق عامه اعتباریه دولتمک موقعی کندیلرنجه
اصلا تقرر ایتمه‌مشدی . مطیه دولتی اداره ایتک ایچون
اقتضا ایدن اساسات اسکیدن بری مسکوت کچلمشدر .
واقعا رجال سالفه وخصوصیه علمای دین ، دین نقطه

نظرندن محافظه حکومت قضیه سنی بتون بتون ترك
ایتمامش ایدی ایسه ده ، بو « فکریت » ده یواش یواش
انخطاطه اوغرامشدر . دین اوزرینه بنای حکومت فکری
جمعیت قدیمه عثمانیه ده جمعیات قدیمه اسلامیه ده کی
اساسکیر اوله ماشدی .

زمان استیلامزده ارکانه ده ، مجاهدلره ده اوفوق العاده
غیرتی ویرن اک زیاده غنیمت فکریدر . بو زمان کچدکدن
صکره عثمانلی جمعیتنده بر یورغوناق ، او بوشقلق ، کرکینلک ،
اختیارلق علائمی کوریوروز . ارکان ، اقتصاد نقطه نظرندن
سعی نه در ؟ بوکا پک او قدر عقل ایردیره میورلر . مقصد
اصلی اغتنام اولدیغندن حکومت فکری پک او قدر رغبت
بوله میور . کرک ارکان ، کرک افراد کچینمک ایچون طبیعی
بر واسطه ، مشروع بر آلت بوله مدقلرندن تبعه نك اوستنه
یوکلنمک موداسی رواج بولیور . تحت سلطنت درلو
درلو انترقیقه لره بر مرکز اولیور . ایشته بو اخلاق
عمومیه نك فسادنددرکه وزیر اعظم لرك آره صره باشلری
کسادیکی کی حکومت ده Faction حزب مستبدلرك آلنده
قالیور ، پادشاهلر صیق صیق خلع و قتل اولونیور .

بو احوال قرناً بعد قرن انسال حاضره یه انتقال
ایتمشدر . فعالیت سیاسییه ، کرک بو « آناویزم » سائقه سیله ،

کړک اورو پانک طاقت فرسا رقابتی سبيله پک او قدر امکان
بولونه مديغندن هرکس باب حکومته مراجعت ايدييور .
أنتريقه لر، جاسوسلقلر ، غمازلقلر ، تزويرات، شخصيات،
بربريني چکه مامک هپ بوندن چيقييور . بو فنا اعتيادک،
بو شخصيات عادات سقيمه سنک اثريني، مشروطيتدن صکره
اک بيوک واک اسکی رجا لږک آرہ سندہ وخصوصيله ايکی
پير روشن ضميرک غوغا لږندہ کورمک مجبوريت کریمہ سندہ
بولوندوق .

اسکی عادت موجبہ ايکی وزير بربرينه صادق
اولہماز . بری موقع اقباله کلش اولق ايچون ديکرينک
حضیض ادبارہ اينمی ضروريدر . بو حالده بولنان بر
هيئت حکومت ايچندہ اخلاق اعتباريله تدقيقاتہ بولنق
عبدالر .

عبدالحميد ثانی دورندہ شدتہ رواج بولان جورنا حليق
هپ بو تردياتک اثری ، هپ اصول سابقہ نک بقیہ سيدر .
کمال جرأتله شونی ده ادعا ايده جکرک مشروطيتدن صکره
باشلايان شدتلی شخصيات غوغا لږيدہ عینی جورنا حليق
اصولنک مابعديدر . خسته لق هپ او خسته لقدر . بو ،
فرنکی يہ تشبيه اولونه بيلير . بوداء مهلك بر مدت کوزله
کورولمز ، فقط ايچدن ايچه عضويت انسانيه يي محو ايدر .

صکرمه جلد و بدن اوزرنده علامت ظاهر به سی کوریلیر. ایسته،
عبدالحمید دورنده بو مرض شخصیات و تزویرات کیزلی
فرنکی شکلنده ایدی . مشروطیتک اعلانی اوزرینه علی
فرنکی کی باطلاق وپردی .

اتحاد و ترقی ایله ائتلاف و حریت غوغالری ، امین
اولیکز، بیلدیز سراینده کی شخصی جریانلردن فرقسزدر .
بونده ده نقطه اختلاف اشخاص ایدی ، آرا دکل .
احوالک پک فنا کیمسی ، حکومتده کی تذبذب
بتون دنیایی پولتیقه جی ایتمشدر . پولتیقه ایله هرکس
اشتغال ایدرسه ایش فنا اولور . سیاست (حکومت اساسات
فنییه دکل ، « کندی نقطه نظرمدن حقوق دول » نام
کتابمزدده سویلیدی کمز اوزره ایجابات تاریخییه مستنداً
تشکل ایتدیکندن) وادیسنده خطوه انداز اولمق ایچون
بر درجهیه قدر اخلاقه مراعاتکار اولماق اقتضا ایدر .
پولتیقه یالانی ، أفتریقیه یی، تبصبعی ، ریایی، انحنایی، افکار
و آرادن فدا کارلنی، قوتلیلره صداقتی، اقلیتلره، دوشکونلره
خصومتی ، بر چوق کیزلی قاپاقلی شیرلی استلزام ایدر .
اگر بتون افراد ملت و یا ملتک الک یوکسک طبقه سی
پولتیقهیه حصر وقت ایدر لرسه او ملتده نه اخلاق ، نه
سجیه قالیر ؟

اخلاق عمومیه نك بوزوقلنی ، هیچ شبهه سز ،
 اخلاق خصوصیه ده تأثیر ایتشدرد . عمومی اخلاقی
 دوزگون اوله میانك خصوصی اخلاقی ده تمیز اوله ماز .
 اخلاق خصوصیه و عمومیه نك تردیسنه برده دولنك
 طرز تشكلی سبب اولمشدر . مونته سکیونك «روح القوانین» ده
 بك كوزل سويلدیكى كبی حكومات مستبدده اهالی بندكاندر ،
 بندكانده ایسه او مزایای مردانه بولونه ماز . بر هیئت مطلقه
 داخلنده نائل نعمت اولق ایچون انجنا لازمدر . بوقفا ایله
 بیومش کیمسه لرأ کیمکارینی همه حال برأ نتریقده دولابنده آرارلر .
 فقرده اخلاقك تردیسنه بیوك بر سائق اولمشدر .
 دیگر بر فصلده شرح ایتدیكمز اوزره طرز معیشت
 و معاشرتمزده بو سوائق جمله سندندر . كذلك قادیلر مزك
 گرفتار اولدقلری حقوقسزلقلرده بو نتیجه نك حصه ولنی
 تسریع ایتشدرد .

ینه تکرار ایدرز: یاره سزلق هر فنالنی استاج ایتدیكى
 کبی اخلاقسزانی ده ایلری به سوردیرر . یالان ، معالی به
 عدم مربوطیت هب بو آغاجك میوه لیدر . غایه املدن
 محرومیت ناموسه مانعدر .

اولدن دین ، جمعیت عثمانیه نك بر چوق احتیاجات
 مغنویه و اخلاقیه سنی تأمین ایدیوردی . صکره لری بو
 خصوصده مبالا سزلق باشلادی . علماده تردی ایتدی .

اورته دن قالدیریلان ویا رعایت ایدلمه یین احکام خلاقیه نقلیه نك یرینه بشقه بر شی اقامه ایدلمدی . صنف علما تشکیلات مخصوصیه نائل اوله مدی . عوامک تطمین وجدانی ایچون بوندن صکره هیج بر فعالیت کوستريله مدی ، دها طوغریسی بو خصوص قاله بيله آلمدی .

اولاد وطنی یتشدرن مکتبلرده اخلاق مسئله سی عقله کلدی . مکتبدن مقصدك یالکز تعلیم اولدینی ذهانی حاصل اولدی ، اك مهم شق اولان تربیه بتون بتون اونوتلدی .

روسیه ده او ملیونلرجه عوام آنجق مذهب سایه سنده اعتدال اخلاقیلرینی محافظه ایدیورلر . روسیه حکومتی ده تشکیلات مذهبییه فوق الغایه اهتمام ایدیور . روس اکابری ظن ایدرلر که بو کشف عوام کتله لری بشقه بر صورتده محافظه اولونه ماز . بزده ، مع التأسف بو اصول ابتدائییه نای تقلیدی بيله خاطر وخیاله کلدی !

بو تردیات اخلاقیه ، بویه جه ، سنه لرله امتداد ایتدی . تصفیة اخلاقك لزومی آکلاشیله مدی ، هر نه دن ایسه اها لینگ چالشمغه سوق صورتيله تهذیب اخلاقی اعظممرك بادی اندیشه سی اوله مدی . اخلاق سزاق ، حیدودلق ، قطاع طریقلاق شککنده بيله ، بزده دوام ایتدی . قالا بریا

احوالی بیلیم ، یارسده کی آپاشلرک احوالندن ده بحث ایتمک ایستهم . فقط بونلر استمنا ایدیلیرسه بزده اولدینی کی اشقیالق ظن ایدرم که مدنی عالمک هیج بر یرنده قلامشدر .

فقدان آسایش تردیات اخلاقیه نك اك مهم دلیل لرندن ، اك اساسلی اسبابنددر . اوزاق حوالیزك احوالی یانددر . هله ولایات بعیده ده کی بیکلرک ، آغالرک ، متغلبه نك اخلاق نقطه نظرندن تدقیق ماهیتلری انسانی فوق الحدعجاب واعضاب ایدر . متغلبه نك تابعیتلری آلتیده بولونانلر عادتاً شخصیت انسانیه لرندن تجرد ایتمشلرددر . رشوت دیارمزده عمومیددر . بونیم رسمی اشکالده ده متجلی اولیور . کوچك مأمورلرک ده ، بیوکارلرک ده رشوت طولایده سیله اخلاقاربينك نه قدر بوزولدیغی وارسته ایضا حدر . مکتب چو جوقلری بیله دیپلومالریغی آله آلدقلری وقت بر مأموریت تدارك ایده بیلیمک ایچون ، وقتیه ، داخلیه ناظرینی تطمین ایده جکلرینی دوشونیورلردی . رشوت ده عبدالحمید دورنده باب عالی یه ادوار سالفه دن میراث قالمشدر .

عثمانلی عالمی غایت دار و کچنمک ایسه حکومتدن نائل نفقه اولمغه منحصر کی اولدیغندن بوندن حسابسز

نتائج اخلاقیه چیه مشدر . تصفیة اخلاق اهلینک مشروع
بر صورتده پاره قزانمسی ایله اوله بیلیر . بناء علیه اخلاقچه
کسب اعتلامزی بر درجهیه قدر رونهجه کسب اعتلامزه
وابسته بیلملی یز . پاره سی اولانک ، ایشی دوزکون اولانک
مهما امکان اخلاق و مشواری ده وارسته مؤاخذمه اولور .
اخلاق خصوصیه نک کسب صلاحی ، اخلاق عمومیه نک ده
تهذیبنه بادیدر . حکومتده اغتنام و حاکمیت مطلقه فیکری
اولمالمیدر . دولت هرکسه حقوقی تأمین ایچون قورولمش
بر مؤسسه تلقی ایدلملیدر .

اجله ارکان دولتهدن برندن طویدم . بر وقتار بر
موضعده علمای کرامدن بری شویله سویله مش :
دائما مضایقه مالیه دن بحث ایدیورسکیز . بوکا پادشاه
اسلام نه یاپسون ؟ بودجه ده توازن نصل حاصل اوله بیلیر ؟
نه فتح مملک وار ، نه مال غنائم ...

ایشته بو عقل ایله گیدر ایسه نک عاقبت اضمحلاله
اوغرارز . حکومتک مقصدی بونلرک پک فوقنده اولملمیدر .
حکومت دیکرک مالنه کوز دیکه جک مرتبه ده اخلاقمنز
اولورسه افراددن نه حیادت اخلاقیه بیکلنیر ؟

اخلاق و استقبالی

دین کی اخلاق ده ، مملکتتمزده اصلا مناقشه سی
جائز اولیان مواددندر . اسکیلردن ویکیلردن بو باده
جاله قلم ایده نی طانییموزم . بونکله برابر کوزلرمزی
آچه بیلمک ایچون ، دینی شو و یقینلرده زمین محاضره
ایتدیکمز کی ، اخلاقی ده موضوع مباحثه ایتمه که آلیشملی یز .
ذهنلرمز بواطله صاپلانما لیدر . دماغلرمز آزاجق
فعالیته کللی ، مقایسه و محاکمه قابلیتمز کشایش بولمیدر .
اخلاقی ، چوقلری دینک ضروریاتندن ظن ایدرلر و
اخلاقک اک اساسلی ضامن اولوق اوزره ابدیت روحی ،
آخرتی ، مکافات و مجازات اخروییه نی کوسترلر . کذلک ،
بر چوقلری ، بیلدیکمزدن ، کوردیکمزدن بشقه بر
اخلاقک موجود اولمدیغنه ، اوله میه جفغه ، اولورسه آنک
اخلاقسزلقدن بشقه بر شیء تلقی ایدلمیه جکمنه اعتقاد ایدرلر .
بو اعتقاداتی ترک ایتمه ک آرتق زمانی کلمشدر .

اخلاق زمان ، مکان ، عرق ، حکومت ، مذهب
 و سائر مؤثرات ایله دیکشیر . بیلدیکمز عالمده ابوننی قتل
 جنایاتک اکبریدر . حالبوکه بعض قبائلده اختیارلمش بر
 بابایی تولدیرمک فضیلتدر . اوقیانوسیا آطه لرینک بعضیسنده
 بر اوغل باباسنک اتنی ییمزسه آلاچاقدیر . قدیم یونانستانده
 چوجنی اولمیان بر زوجک زوجه سنی اخوان و یاعصبه سنه
 اعاره سی مأمور به ایدی . حالبوکه الیوم ، بری بویه
 بر فضیله یی ارتکاب ایده جک اولورسه پزونکلیکک
 اعلی المراتبه نائل اولور . اسکی اسپارطده خرسزلق
 ممنوع دکادی . بوکون قتل عام اعظم جنایات عد ایدیلور .
 حالبوکه ، آله متداول اولان توراتک نص صریحی
 موجبنجه ، حضرت موسی ، قربان اولق اوزره نام نامی
 آله یه ، اوچ بیک همشهرینی کسیدیرمشدر . جناب کلیم الله
 بوندن آنجق بر صورتله متأسف اولمش : بلکه بو قربانلر ،
 نزد باریده آز کوریلور ! حضرت داؤد ربا شهرینک
 اهالیسنی قپولردن طیشاری چیقارتوب جمله سنی دسترله
 ایله کسیدیرمش ، اوزرلرندن تیمور تکرلکلی آرایه لر
 کچیرتدیرمش ، یحیاق ایله آنلری پارچه پارچه ایتدیرمش
 و کندیلرینی طوغله فورونلرنده پیشیرتمش . زواللی حضرت
 اسماعیلک قربان اولق اوزره باباسی طرفندن مذبحه یه

ایصال ایدلیدی ده هیچ خاطرمدن چیقمازا
اسکی فنیکه لیلر، غایت مندوب بر عادت اولمق اوزره،
چو جوقلرینی قیزش-دردقلری مولوخ نام معبودک تیمور
هیکلی ایچنده یاقارلردی . قرطجه لیلر ، ایرانیلرده بویله
یایارلر ویا چو جوقلرینی دیری دیری کومرلردی . بونلر
هپ فضائلدن مدود ایدی .

آنکیزیسون محکمه سی ملیونلرجه انسانی نام نامی
ربانی به وبر فضیلت اولمق اوزره محو و اعدام ایتشد .
ایلك خرسیتیانلری ، رومالیلر ، محضا اینی بر شی
یاپیورزدیه انواع اذا و جفایه کرفتار ایتشلر . قولیزه لرده ،
سیرقلرده حیوانات جانی به یدیرمشلر . صکره ، خرسیتیانلرده ،
أللرندن کلفی اقوام مغلوبه به روا کورمشلردر .

الحالة هذه اك بيوك حسيات وفضائل نامنه محاربات
ومقاتلات ارتکاب اولونیور . وقس علیه البواقی .

کوریلیمورکه اخلاق ضروری و منطقی برشی دکادر . متبدل
و متحولدر . عادات ایله بیك درلو سوائق و مؤثرات ایله
دکیشیر . بوکون پک بیوک رزالت و اخلاق سزلق صایله نیله جک
اولان بر طاقم شیلر بشقه یرلرده ، یاخود بشقه زمانلرده
اصلا رزالت و اخلاق سزلق دکادر . بلکه بونلر عقل
و منطق اعتباریلده بر فضیحه تشکیل ایتزلر .

بعض احوال وارد رکه بز بو فصلده ، پک نظری
و آفاق بر طرزده آناردن بحث ایسه ک قارئلرمن بزى ،
در حال ، ادب سز لکله اتهام ایدر لر . اعتیاد بو درجه ده
عروقرزه کچمشدر .

ادیان اخلاق هر زمان ضامن دکلدر ، چونکه ،
مغایر اخلاق ادیانده واردر . از آن جمله حال
حاضر یله نصرانیتک منافی اخلاق بر چوق جهت لری
موجوددر . نصرانیت نخستین ایسه دنیادن نفرتی
آمر اولدیغندن پک کولونجدر .

ذات باری به ، آخرته اعتقاد ایله ده اخلاق بیوک
بر مناسبتی یوقدر . چونکه وحدانیت الهیه بی طائیمان
بودا وقونفوچیوس (قونغ - فوتسه ئو) مذهب لری ایله
آخرتدن بحث اتمیان دیانت موسویه ده بر اخلاق وضع
وتدوین اتمشدر . کذلک بوکی اعتقاداتی اولمیان حکمای
اولینده پک جید بر اخلاق تدوینه موفق اولمشدر .

مستشرق مشهور ا . بورنوف E. Burnouf
تدقیقات عمیقهدن صکره اثبات ایدور که ، اولجه ، دینک
مقصودی ترویج فضائل دکلدی ، ساده جه نظریات
فوق الطبیعیه بی نشر وتعمیم ایدی . آنجق بوندن صکره
ارباب دین خلقی دائرة انقیادده طوتمق ایچون قواعد

اخلاقیه تدوین ابتدیلر .

أ. ب. تایلر E. B. Tylor نك فكر نجه اقوام
وحشیه دین ایله اخلاق علاقه سی یوقدر .
اخلاق بعضیلرینك ظن ابتدکی کی، فطرت انسانیه ده
مندمج و مرکوز ، هم زاد بر خصلت ده دکلدر . اکر
اوله اولسهیدی محافظه و ترویج و تعمیمی ایچون ادیان ده،
جمعیت بشریه ده، حکومتلرده بو قدر صیقتی چکمز لردی .
بعض ادیانك اخلاقه ضرری بیله طوقونیور . اخوت
انسانیه به مانع اولیور . بر طاقم احتراصات تولید ایدیور .
هله استفقار ایله جمله مساوی بی سیلوب سوپورمك
سهواتی اخلاقی افساد اتمکده در . صوك درجه ده دیندار ،
صوك درجه ده اخلاقسز کیمسه لر جو قدر . بادیه لرده
نمازه طوران بدویلر بر یولجی کورر کورمز ، در حال
عبادتق براقیرلر ، فعل قتل و فضاحه سرقتی ارتکاب
ایدوب طاعتلرینه دوام ایدرلر ...

اخلاق اصل بادی قوام و قیامی جمعیت حالنده
باشایان انسانلرک احتیاجیدر . بو احتیاجات اجتماعیه نك
تنوعی ایله اخلاق ده ده کیشیر . ولا علی التعمین بر جمعیتك
محافظه هستیسی و تدايد قوت و رفاهیتی ایچون نه کی
اخلاق لازم ایسه ایشته اك طوغری اخلاق اودر .

اخلاق ، ادیان موضوعه دن دها اسکیدر . دین ،
بر احتیاج وجدانی و ذاتی-در ، اخلاق بر ضروریه
اجتماعیه و ملیه در .

اخلاق ، کندیسنه لازم کان ضمان و تأمیناتی سجاایانک ،
مدنیتهک ، معارفک ، تربیه عمومیهک تعالیسنده آراسه
آنحوق او زمان آلدانماز ، یالکیز ادیانک تخویفنده تحری
ایدرسه چور وک تحتیه باصممش اولور . چوقلری مکافات
عقبایه دار دنیاده اوفق بر منفعتی ترجیح ایدرلر . حالبوکه
اخلاق تربیه عمومیهک حسن اداره سی وبالضروره خلق
وخصلتک اینجهلمسی نتیجه سی تقرر ایدرسه صاغلام اولور .
قرون وسطاده ، نصرانیت عالمنده ، دین قورقوسی پک
زیاده ایدی ، بونکله برابر ادوار مظلمه مذکوره تاریخ
عالمک اک بیوک اخلاق سزلق زمانلرینی تشکیل ایدر .

خواص ایچون اخلاقک دیناً تأییدی و یا عدم تأییدی
سیاندر : حالبوکه عوام ایچون دیندن استفاده ایدملیدر .
دین ، بو اعتبار ایلله ، اخلاقه ، یعنی جمعیت بشریه
بیوک خدمت ایده بیلیر . دینک - فکر محجه - الک برنجی
وظیفه سی هیئت بشریهک تأمین سعادتق اولدیغندن ،
آنک مدار قوامی اوله بیلجهک نصل اخلاق لازم ایسه
آنی ترویج ایتلیدر . ملیونلرجه نفوس - که بونلر برطرز

فلسفیده دوشونمکه ناقادر در لر - شیرازة جمعیتی محافظه
 ایچون اخلاقیاته مفتقر بولونیور لر. بر جمعیت یاشایه بیلمک
 ایچون حسن اخلاق ایله متحلی اولماید. ایشته دین اخلاقه
 نکهبانلق ایدرسه، الحق، اک بیوک رولنی اوینامش اولور.
 اخلاق تکامل ایدر، چونکه جمعیت بشریه دائمی
 بر تکاملده در. بناء علیه ادیان اخلاقیده قابل تبدل و ترقی
 اعتبار ایتمکده مضطردر. اخلاق صوک سوزینی سویلش
 تلقی اولونما ملیدر. هر قسم اخلاق نفس الامر موافق،
 حقیقته مطابق اوله ماز. بویله اولمقله برابر، اکر بو کبی
 اقسام اخلاقک محافظه قوام جمعیت ایچون محافظه سی لازمه،
 محافظه ایدم لیدر. کذلک بو کبی شیر، بین العوام، پک
 او قدر مناقشه ایدم لیدر. موسیو آمیل فاکه نک دیدیکی
 کبی بشره بعض سخیفه لک لزومی واردر. منطقاً یالان
 بر چوق شیر واردر که اجتماعاً طوغریدر.
 اخلاق سـجیهیه داخل اولمی، ارثاً انتقال ایتلی،
 عادتا بیلمیه رک موجبینجه عمل اولونماید. اکر اخلاق
 کتابله اوقوتیلیر و ساخته بر صورتده تلقین ایدیلیرسه
 هیچ بر فائده سی یوقدر. اخلاق رساله لرندن زائد برشی
 تصور ایدم. اخلاق آنجق بر حس مشترک Instect
 حالنی آلیرسه کسب اهمیت ایدر. انسان بیلمیه رک فضائل

صاحبی اولمیدر . کوسترش ایچون اخلاق صاحبی اولمق ،
اخلاقسز اولمق دیمکدر .

دوقتور کوستاولوبون دیورکه اخلاقی عقل صرفه
اسناد نهلهکلی بر خیالدر . دینی ، تصوفی ، حسی ،
استنادکاهی اولمیان اخلاق موقتدر و قوتدن عاریدر .
بو نظریه هم طوغریدر ، هم یاکلشددر . طوغریدر :
چونکه اکثریت قطعیة عوام منطق محاکمه نامستعد
اولدیغندن اخلاق بر قوه تأییدیہ تصور ایتک مجبوری
وارددر . یاکلشددر : چونکه خواص اصلا بر قورقونک
تحت تأثیرنده بولونمندن صاحب اخلاق اولبور . بنجه ،
کوستاولوبونک بو نظریهسی بر غایه تشکیل ایدممن . غایه
امل عوامی خواص سویهسنه اسعاد اولدیغندن قوه
تأییدیہسی منحصراً عقل و منطق اولمق اوزره بر اخلاق
تصور اولنه بیلیر .

ینه متفکر مشارالیه دیورکه بر ملت ، بر اخلاق
ایدنک ایچون عصرلره محتاجدر ، حالبوکه عینی ملت ،
بر قاج سنهده ، اخلاقی ضایع ایدم بیلیر . ایشته بونک
ایچونددر که بزیرقاریدهکی قاعدهیه بر اهمیت عملیه ویربورز ،
یوقسه بر اهمیت آفاقیه و نظریه دکل .
کوستاولوبون محق اولهرق ادعا ایدیورکه : بر ملتک

اخلاقى آنك درجه مزاياسنى كوستر. ضرورى و ابتدائى
اولان اخلاقك فوقنده (كه آنى قانون محافظه ايدر)
برده دها بيسوك بر اخلاق واردر كه منفعت شخصيه نك
منفعت عامه به ترجيح وفدا ايدلسنى او كره تير. بر جمعيت،
يو بر نجى صنف اخلاق ايله يانمايه بيلير ؛ فقط ايكنجى
نوع اخلاق اولمدين تعالى ايدم مز . - اداره امور ايدن
صنفلرك اخلاقى اداره ايديلن اصناف اهالينك سويه
اخلاقندن آشاغى دوشرسه بونى انحطاطك وخيم بر
مقدماسى تلقى ايتك لازم كلير . - جمله طرفندن قبول
اولونمش بر قانونك عدم وجودى سبيله بين الملل اخلاق
هيچ بر ترقى كوسترمه مشدر . اخلاق عموميه آنجق
بر قورد سوريى اخلاقيدر : قوتليره رعايت، ضعيفلري
يومتق ! [*] عيى حس، فائده اجتماعيسى نقطه نظرندن،
فضيلت ويا ذميت اطلاق اولميه بيلير . عائليه ، قبيليه ،
وطنه نظراً خودكاملق بر فضيلتدر . واهيلك (كه بر
ذميت شخصيه در) عموميه نظراً بر فضيلت تشكيل ايدر . -
فضائل شخصيه ، بعضاً ، ذمائم عامه اولور . ملايمت ،
تحقيرانى عفو ، عموم بر ملت جانبدن تطبيق اولنورسه
[*] (كندى نقطه نظرمدن حقوق دول) نام كتابمه وبونك
ايچنده جناب شهاب الدين بك برادر منك (اخلاق عنوانلى مقاله سنه
مراجعت .

آئك اوزرينه حقارت عموميه يي جلب ايدر. — مسامحه كارلق
 افراد بيننده ممكن ، جمعيتلر آره سنده محالدر. — مسامحه كار
 اولماق ملتلك حياتنده ، فعاليت ايجون الزم اولان بر
 فضيلتدر. — نتايجنه نظراً محاكه ايدملك لازم كليرسه
 انسانيت پرورلك Humanitarisme كوجلكله فضائل
 صره سنده تعداد اولنه بيلير. بو ، اخلاقك اك قورقونج
 دشمنيدر. انسانيت پرورلك بيودكجه اخلاق كرى چكيلير. —
 بر مملكتده جنايات انسانيت پرورلكك زياده لشمسى ايله
 چو غالير. انسانيت پرورلك دائماً مجازاتى تحديد ايتديكندن
 آفلك اهميتنى تنقيص و وظيفه مانع لرغى اشكال ايدر. —
 فنالغه قارشى مسامحه كارطانمق آنى تزديد ايتك ديمكدور. —
 ساحه اخلاقياتده ، يكي انسانلر ، انشادن زياده هدم
 ايدورلر. (انتهى)

پروفسور لودويغ بوخنره كوره قونفوجيوسك
 شو بندي اك مكمل اخلاق كتابيدر : « سكا ياپيلمسنى
 ايسته مديكك شيئي بشقه سنه يامه ! » [ايكنه يي اولاكنديكه ،
 صكره چوالديزى بشقه سنه باطير.] بوخنره بو منفى ضرب
 مثله برده مثبت قسم علاوه ايله آنى تضمين و اكمل
 ايدور : « كنديك ياپيلمسنى ايسته ديكك شيئي بشقه سنه ده
 ياپ ! » و بويله جه تام بر دستور اخلاقي تصور ايدور .

اخلاق جمعیت بشریه نك تنسيق وتنظيمى ايله تقويت بوليور . بو قضيه ناريخاً مثبتدر . تربيه عموميه نك تعاليسى جنائياتى تخفيف ايدور . حفظ الصحة عاميه اعتبار چوق امراضه ، بو حال ده ، بر چوق جنائياته مانع اوليور . بر طاقم اجتماعى حقسز لقلر قاييتا ليزمك سوء استعماللرى ، حكوماتك اويغونسز لقلرى زائل اولسه ، سى اجتماعى تنسيق وتنظيم ايدلسه ، البته ، آنلردن متولد بر چوق اخلاقسز لقلر ، جنائيتلر ، جناحه لر و قباحتلر اورته دن قالقار . خصوصيله اقتصادياتك موافق معدلت بر صورتده اداره سى فقر و ضرورتى مهما امكن تخفيف ايدرو ضرورتدن متولد جنائياته و اخلاقسز لقلره ممكن مرتبه نهايت ويريلير . عائله ، قادين ، معاشرت ، عشق و سودا مسئله لرى دهها منطقى بر صورت حليه مظهر اولور سه البته بونلردن متولد ردالتلرك ، جنائيتلرك ، ذمائمك اوكى آلينير . جمعيتك غايه سى جزا ويرمك دكل ، قباحته مانع اولمقدور . نداويدن ايسه خسته لغه هيچ ميدان ويرمامك دهها معقولدر . استقبالده طبك ياپامديغنى حفظ صحت ياپاقدور . انسانيت برده اخلاق حفظ محتنه محتاجدر .

راعيان بشر بو نقطه يه نصب نظر اهتمام ايله اجتماعاً ابي ايله قنايى تفريق اتملى و دينى اخلاقه معاون اولمق

اوزره ایلرینللملیدر . ائی و فنا، جمعیتلره کوره متبایندر .
خودکاملغك دیگر کاملغه ترجیح ایدلماسی یولنده بشریتك
تربیهسی آقصای آمالدر . مادام که جمعیت حالنده
باشیورز و جمعیت بزه بر طاقم منافع تأمین ایدیور ،
او حالده ، بزه سواثق خودکامینك بر طاقم تجلیاتندن
اوزاق بولونملی بز. خودکاملق جمعیتهمضر اولمیه حق مرتبهده
قالیرسه فضیلتدر . جمعیت ایچون بیه لزوملی در . حالبو که منافع
جمعیتهمضر اولورسه بر فضیلهدر . ایشته بو قاعده مقیاسیهیه
اتباعا هر شی تقویم اولنه بیلیر . طبع انسانیتده خودکاملق
یوق دکلددر . تربیه و اخلاق بو خصصتکهمضر اولمیه حق بر
صورته اداره سنه منحصر ومنصرف اولمیدر .

ایشته اخلاقك استقبالی بو نقطهدهدر . عوامك
سویه خواصه اصعادی ، ادبیات جیدهك انتشاری ، عالم
حقنده بر فکر سالم ففی ایدینللمسی هر حالده اخلاقی
دوزلته جکدر . معارفك تعممی ایله بشرک سباعیلکی ،
هممیقی زائل اولور . بر متفکر ، غالبا ، اخلاقسنراولماز .
خصوصیه جمعیت بشریه ، مهمما ممکن اجتماعی حقسنزلقلری
اورته دن قالیره حق اولورسه اخلاقسنزلغه ، خودکاملغه
ذاتا محل قالماز . بر انسان جمعیت بشریهك ، اخلاق
اجتماعیهك ، متقابل باشاق ضرورتك نه اولدیغنی
بیلیر ایسه آرتق یوکسك بر سویه اخلاقییه چیقمش
دیمك اولور . بوراده کلنلر ایچون دینك تخریری

و عدم تخذیری سیاندر . استقبالده وجدان دنیان کیمیت
 روحیه آنجق بو شکله مظهر تکامل اوله جقدر .
 منافع شخصیه ایله منافع اجتماعیه نك تألیفی ! ایشته
 اخلاقك ایلک و صوك سوزی بودر . استقبال قوتلری
 بشری بو یوله یقشدیرر ایسه ، الحق ، انسان جنسی ،
 لایق اولدینی اریکه تکمله چیقمش اولور .
 بوخنهرك ادعا ایتدیکی کبی اك بیوک کنهکارلر منافع
 شخصیه لرینی منافع عامه و قوانین عمومیه نك فوقنده کورنلردر .
 ایشته بو غایه امله وصول ایچون یکی بر پلان ،
 یکی بر اصول ، یکی بر طرز حکومت ، یکی فوانین
 اقتصادیه و اجتماعیه اتخاذ ایتمه من لازم کلیر . استقبال بو
 افکار و آرانك انکشافنه شاهد اوله جقدر . كذلك ، جمعیت
 بشریه نك مدار قوام و بقاسی اولان قواءد هر نوع
 تجاوزدن مصون اولمق شرطیله ، آتیده انسانلر پك
 سربست اوله جقلردر . کناه و یاساق آزاله جقدر .
 بیوک بر حریت بشرک ترتیب مستقبل مقدراتنه نظارت
 ایدم جقدر . او وقت ، شمعی فضاچه و حتی رذالت
 ایتدی کمز شیرل مباح اوله جقدر . نته کیم ماضیده پك کناه ،
 پك یاساق ، پك مکروه بیلنن بر چوق شیرل ، بوکون ،
 آرتق اویله کورولمبور . اباحه ایدیلیور .

مأمورین مسئلہ سی

ہر مملکتہ بر صنف ممتاز وارد : اسکی رومادہ
اک متحیز وطنداشلسر « پاتریچیان ، لرایدی . بو کون
فرانسدہ حاکم صنف پارہ صاحبلیدر . بر چوق مملکتہ
اصیل زادگان ، بعضیلرندہ « بورژوا ، دنیان اصناف
نفوذ تفوقی حائر در . بزم تشکلات تاریخیہ مر حال حاضر دہ کی
اوروبہ حکوماتک تشکلاتہ بکزمہ مدیکندن اصیلزادگان ،
رہبان ، حتی اصناف دینیلن خلق مملکتہ مزدہ یوقدر .
بناء علیہ مأمورین طاقی اک زیادہ کوزہ کورینن ،
مقدرات ملیہ بی الہ آلان طبقہ در . ادوار استیلامزدہ
قوانین اقتصادییہ قارشئ ایدیلن سوء قصدلرک پک او قدر
تأثیری اولمازدی . چونکہ ، بر طرفدن ، خزینہ دولت
غیر کسی وسائطہ طولار ، دیگر طرفدن شرق ایلہ غرب
پینندہ هنوز رقابت باشلامدیغندن کیمسہ بونک فرقہ

وارامازدی . وقتا که تاریخمزمك دور قهرمانانه سنه نهایت ویرلدی ، وأوروپانك تضییقی آلتنده قالدق ، ایشته او زمان خطای تاریخمزمی آکلادق . خصوصیه مشروطیتك اعلانندن صکره حسب الزوم و دفعانله اجرا اولونان تنسیقات ، روم ایلی و طرابلس غربك ضیاعندن صکره بر خیلی مأمورینك آچیقده قالمسی مسئلهنك اهمیتنی زیاده لشدیردی . بؤکون مأمورین مسئلهسی ، مملکت مزده بر قضیه اجتماعیه در . مسئله بی ایکی نقطه نظر دن تدقیق ایتلمی بز : ۱ - اداره حکومت اعتباریله ۲ - بالذات موظف اولان و آچیقده قالان مأمورلرک طوغریدن طوغری به معیشتلری اعتباریله . هیچ بر وقت ، هیچ بر مملکتنده مأمورین صنفی بویله بر بحران کچیرما مشدر . اسماعیل پاشادن صکره مصره برلشن قوندومینیوم = اداره مشترکه و بالآخره اسکندریه بومباردمانندن صکره تقرر ایدن انکلین مراقبهسی بر چوق مأمورینی آچیقده بر اقصاشدی . اعتراف ایدم که مصرده سرزده ظهور اولان مأمورین بحرانی بز مکندن بك خفیف ایدی .

مسئله حاضره نك بودجه اعتباریله اولان اهمیتیه آزدکلدر .

حکومت حاضره مز ، دیمك اولیور که ، بك اعوجاجلی

بر معما قارشیسندہ بولونیور . ایشک هر ایکی جهتق ،
سطحیجه تدقیق ایدہلم :

دولت مأموریندن ایش ایستر . ہمدہ اصولہ ، قانونہ ،
شیمہ وطن پروری بہ موافق ایش بیکار . ہلہ گرفتار
اولدیغمز شو صوک فلاکتلردن صکرہ ملت و حکومت
مأمورلردن هر زمانکندن فضلہ بر حیت ، دہا زیادہ بر
وطن پرورلک ، بیوک بر عزم و ارادت طلبنہ حقلیدر .
فقط ، مع التأسف ، دولت ایلہ مأمورینک وظائف
و حقوق متقابلہ لری هنوز تقرر ایتمامشدر . صنف
مأمورینک تابع اولہ جنی قانون دہا یاسیلماشدر . ممالک
غربیہ دہ پک مهم مأمورین قانونلری واردر . بو
Statut du personnel لر بعض ممالکتلردہ مجاہدہ واحده
درونندہ مندرجدر ، بعضارندہ ایسہ متفرق فقط انسجام
و وحدتی حائر متفرق قوانین و نظاماتدن عبارتدر . اک
مکمل قانون ایستالیادہدر .

بو قانونک بر نسخہ سی ، بر قاچ سنہ اول ، جلب
ایدیلوب ترکیبہ ترجمہ ایدیلہ رک وظیفہ دار اعظم مأمورینمزہ
ویرلمشدی . بر آرہلق دہ عدلیہ نظارتندہ بویلہ بر قانون
لایحہ سی تنظیم ایدلمکدہ ایدی . بالآخرہ محاربہ بوایشی دہ
آتی بہ تعلیق آبتدی .

مأمورین قانونی یا بیله دن کرک مأمورین ، کرک حکومت وظائف متقابل لرینی سهولتله ایفا ایده مز. واقعا انتخاب و عزل مأمورین خصوصنده مطلق بولونمق وهله اولاده ده ا قولای کایر. فقط سرایه بیکزه بن بوسهولتدن احتراز ایتملیدر : بلکه بو حریت مطلقه دن آنی استفاده ممکندر ، شو قدر وارکه هیئت و حکوماتک اصل اسباب موفقیتی اداره نک اساسکیر اولمسنده در . بناء علیه دائمی بر ایراده بر دفعه یه مخصوص کلیتی بر مبالغه مرجح اوله مبه جنی کی موضعی ، محلی ، موقت فوائد اداریه یه اساسل بر طرز اداره ترجیح ایتملیدر .

قادرلرمن حالا بک طولغوندر . نسبه مأموری چوق اولان فرانسه حکومتک خارجیه نظارتنده بیله بزم خارجیه مزدن ده آ از مأمور واردر . قیمتی دون ، اختصاص آ از ، اصول مساحیه غیر واقف بر چوق مأمور استخدام ایدیورز . بولردن ظن اولونمسون که حکومت استفاده ایدیور . شهرمن مؤسسات مالیه سنده قولانیلان مستخدمین ده زیاده چالیشیور ودها منتظم بر حالده یاشیور . دیون عمومیه وسائر مؤسساتک طرز اداره سی ایله دوائر دولتک اسلوب مساعیسی آره سنده کلی فرق واردر .

بزرده مأمورین وظیفه سنی قطعیتله بیلیمور، استقبالی
 بك چوق دوشونیور؛ ایشدن زیاده عائله سیله، نفسیله
 مشغولدر. بو وضعیت بر چوق امراض روحیه تولید
 ایدیور. عزم، ارادت، متانت قالمیور ویا آزالیور.
 ثبات و استقرار اولدیغندن فکر تعقیبده بولونمیور.
 مادی قابلیتسرلکی، آلیات (تہقنیک) اعتباریله اولان
 نقصانیده بونلره علاوه ایدمچك اولورسوق اداری
 موفقیتسرلککرمزك سوائق روحیه سنی آکلامش اولورز.
 مأمورینك حکومت عمارتخانه سی مواجهه سنده سائل
 وضعیتنده بولونمی اخلاق عامه (مورال پوبلیق) نقطه
 نظرندن هبوطمزك اسباب لدنیه سنی تشریح ایدر. اداره
 مرکزیه اساسلی بر ایشه منتظر اولدیغندن مأمورین
 امورینی دستورلره ربط ایتلیدر، حکومتمده، ملتده
 مأمورلرک موقع حقوقیلری ندر، بونلر نه کبی ضمانلرک
 تحت حمایه سنده بولونیورلر؟ بو مسئله لرک قریباً ومستعجلآ
 حل لازمدر.

اکثر ممالکده، علی الخصوص مختلف آلمانیا دولترلنده،
 مأمورینك بر دستور عمومیلری وارددر. هر هانکی
 دائره ویا ولایتیه مربوط اولورسه اولسون بر مأمور
 بو محیط و ذی شمول قانوننه تابعدر. آنندن صکره مختلف

نظارتار ویا ایالتلر او عمومی قانون دائره سنده نظامات
خصوصیه لرینی تدویر ایدرلر .

بوندن بر قاچ سنه اول فرانسه ده (مقایسه قوانین)
جمعیتی بر چوق اجنبی اداره قانونلرینی تحلیل وتنقید
ایدوب بعض اصوللر استخراج ایتمش ایدی . شایان نظر
اولقله برابر بو تدقیقات ناقصدر . حکومتمز النده بولنان
وسائط رسمیه ایله هر دولت قوانین ونظاماتی عریض
وعمیق تدقیق ایتدیره بیلیر . ظن ایدرم که نهایه الامر
بر مهم مأمورین قانونی یاپیلورسه بحران ویا کشمکش
کله لر یله یاد ایده بیله جکمز بو حال مرتفع اولور . و بر دور
قطعی باشلار . بویله بر دورک حلولنده حکومتک منفعت
عظمایی وارددر . حضور وراحته نائل ، ذی عزم و ارادت ،
صاحب معلومات مأمورینه استناد ایله فرداسندن متلاشی ،
بالطبع دالقا و قلعه میال ، روحاً مفلوج و بیلدیکنی ده
اونوتمش بر گروه مستخدمینه اتکا بیننده فرق عظیم
وارددر . بویله بر دستورک تدوینی بر چوق دیدی قودیلره ،
اطراد سزلقلره ، ارباب لیاقتدن اولمیان طول امل اصحابک
احتراسانه ودها بر چوق شیلره خاتمه چکر .

کله لم ایشک جهت اجتماعی و خصوصیه سنه : متوالی
تسبیقات مملکت مزده بی کارلرک عددینی آرتدیردی .

بوراده تنسيقاتی تنقيد ايده چك دكلز . يالكز مواجهه سنده
بولونديغمز حقيقتی نظر تأمله آليورز . بو قدر مأمور
نه اوله جق ؟ اوزون مدت خدمت دولته بولونمش بر
آلاي منفصلين بوندن صكره نه يابه جق ؟

تضمينات اصولی هيچ ايني بر نتیجه ويره مدی . امكدارلرك
آلدقنری ياره لر بر ايشه يراميه رق اسراف ايدلی .
عجبا بو حادثه اجتماعيه دن استفاده ايديله بيلير می ؟ ماده
فنون اقتصاديه اعتباريله ، گروه منفصلينك استخدای ،
آنلر واسطه سيله مملكتك حراقتی ، اقتصاداً بر عدم
مرکزيت تأسيسی ممكنميدر ؟ داخلی استعمار (قولونيزاسيون
نه تهر يثور) پك مساعد اولان بقیه ممالك عثمانیه ده بونلردن
نه درجه يه قدر خدمت بىكلنه بيلير ؟ ايشته سزه محتاج
حل بر چوق مسئله ... بونلرك اول باول ، مطبوعات
ومحافلده دوش-ونلشی پك طوغری اولور . بر مدت
مناقشه دن صكره مسائلك هر جهتی تنوير وتوضيح ايدر .
کيزلی قياقلى بر جهتی قالماز . بو دقیقه ده بلكه اك مفصل
مسائلمزدن بری اولان شو مأمورين ماده سنك هر نقطه
نظر دن زمين محاضره ايدلمی ممکندر . افق سياستدن
هنوز مندفع اوله میان قره بلوطلر صيرلدقدن صكره
کنیش ، ذی شمول بر اصلاحات پروغرامی تنظيم وتطبيق

ایتمک مجبوریّت متحتمه سنده بولنه جغز : در حال اعتیادات قدیمه بی ، اروپا دیلرینه داستان اولان اصول اداره معتاده مزى براقه جغز . ایشته شو قریب آتی به انتظار آ بو قدر مهم اولان بو حیات مسئله سنی یشیل اورتونک اوزرینه قویمه ده تردد ایتمه ملی بز .

شو حقیقتی کرار آ و مرار آ سویلدم و یازدم : بتون شرق مسئله سی بر اداره و یا اداره سزک مسئله سیدر . اداره ایسه مأمور سایه سنده تدویر ایدیلیر .

آسیاب حکومت منتظم و بیوک بر فکر دیگر کامی (آلتر وئیزم) ایله چالیشیر آدملره عرض افتقار ایدیور . بو آدملرک تفریق ، اقداری ، توظیفی ، یوق ایسه لر و یا عددلری کافی درجه ده دکلسه بر آدملری و یا زیاده لشد برلملری ایچون « مکتب ملکیه » نک یکی بر فکر و اصول ایله از سرنو اصلاحی بر ماهیت استعجال کارانه بی حائر در . بر ما کنه نه قدر صاعلام و صوک اصول فنییه تبعاً یابیلمش اولورسه اولسون ما کینستسز ایشله یه مز و یا فنا بر ما کینست ایله بوزولور . قانون اساسیمز و قوانین مختلفه مز نه قدر مکمل اولورسه اولسون آنلری تطبیق ایدم جک مستخدمینمز اولما زسه ثمره ویرمز .

مأمورینک اخلاقی

اخلاقك مولدی ، موثری ، سائق و محرکی ، خلاصه خالق نه در؟ اخلاق نه دن تخالف اقالیم ایله ده ده کیشیور؟ بز بوراده فلسفه فروشاق ایدوبده بو کبی مسائلی حکمت نقطه نظرندن تشریح قالدش میه جغز . یالکیز هر ملنه طرز اداره سی لایق اولدینی حقیقتنه قیاساً هر صنفك اخلاقی او صنفه لایق اوله بیله جکی حقننده کی نظریه یی خاطرلته جغز . بك اسکی زمانلرده ، هندلیلر ، یونانلیلر بیله بو دقیقه یی کوره بیلمشاردی . احادیث احمدیه ده بو نقطه نظری تأیید ایدر . مونته سکیئونك روح القوانیننده ده بو مبحث اوزون اوزادی یه شرح ایدلمشدر . نتیجه کلام ، طرز حیات و اداره شرائط اجتماعیه نك محصله سیدر . ظلم و مطلقیت ایله اداره اولونان برلرده اهالی اخلاق اعتباریله بك دوش و کدر . خفیه لك ، تبصیه ص ، انحناء ،

أنتریکه ، دیدی قودی ، فضله الفاظ تکریمیه ، لزومندن
بك فضله تشریفات ، دالقاؤقلق ، بیت الماله کوز دیکمک ،
الی آخره ، جمله ، ازمنه مطلقیه نک خطوط عمومیه
حیاتنده کوزه چاربان علل روحیه در .

حکومات حرده ایسه خفیه لکه ، تبصیه ، انخایه
بك او قدر حاجت یوقدر . هله حریت بر یرده عنعنه
حاله کلیر و بر ماهیت جبلیه تاریخیه اکتساب ایدرسه
اوراده کیت کیده ، حال مطلقیتک ضروریاتندن اولان
امراض روحیه آزالیر .

بناء علیه حکومت و شرائط اجتماعیه نه درجه ده معقول
و منطقی اصولار اوزرینه ایتنا ایدرسه اخلاق ده او قدر
صافیت و جیادت کسب ایدر .

شمدی کندی احوال و اخلاقزه ارجاع نظر ایدمه :
بز یمان بر ماضی استبدادک کریه بر میراث اخلاقه قوندق .
ماضی بزه بر چوق شیارله هلاکو اردوسی قدر دارمه
داغنیق بر طاقم اشخاص براقدی . بزم قطعیتله و سرعتله
تجددمزه مانع اولان بوکی شیاردر . کیمکله ویا کیمارله
ملکتمزی کنجاشدیره جکیزه ایشته اصل مسئله بودر .

صدده کیرشمه دن سزه بر حکایه نقل ایدمه : بوندن
تقریباً ایکی سنه اول آلمانیا به بر ترک قافله سیاحینی کیتمش

ایدی . بونلره ویا بونلرك بر قسمنه برلینده کی طلبه من
طرفندن ویریلان بر ضیافتده غزته چی رفقادن بر ذات
کوچك بر نطق ایراديله آشاغی یوقاری دیمش که :
« بز ، بر کمی داخلنده کی یولجیلرك موقعنده ایدك . نیمز
اوقیانوسك أنکینلرنده کیدییوردی . باقدق که ، یول
اورته-منده ، قپودان چیلدیردی ... ایشیمز فنا . بوکیدیش
ایله کمی باطه-حق ، بزده برلکده محو اوله جغز . آنک
ایچون قیام ایتدك . قپودانی طوتوب بر یره قاپادق .
و ، چارناچار ، کمیچیلک ، قپودانلق ایله علاقه من اولمیدینی
حاله قپودان موقعنه کچدك ، کمی بی اداره ایدیورز .
سنزلر ایسه واپوری اداره ایده بیلیمک ایچون لازم کان
معلوماتی اکتساب مقصدیله بوراده بولونیورسکیز . بتون
امید من سرزده در . ، بو نطقک روحیات اعتباریله ، بنجه ،
اهمیتی پک بیوکدر . طوغریسنی سویلیلم : بطن حاضر دن
خیر یوقدر . ماضی نك دور ایتدیکی ماثورین - مستثنالردن
بحث ایتیمورز - عمومیتی اعتباریله تفیضی ، ترقی بی ، بقای بی ،
استراحتی جمله ، مافوقک خوش کوره جکی « اخلاق بی
اختیارده بولیورلر . بونلرجه قانون ، مصلحت ، اصول
پک او قدر مهم دکادر . اصل اهمیتلی اولان شیء امر
افندی ، پک ویا پاشا حضر تلرینک مزاجنه خوش کله جک

اجرا آنده در . بو حالت روحیه بی عریض و عمیق تدقیق
ایتدم . شمدی ، مملکتتمزك رأس کارنده بولنانلره مهم ،
مقدس بر وظیفه ترتیب ایدیور .

بو کبی مزاج آشه نایانه ونبضکیرانه احواله قارشی
حدث ایتمک وشدت کوس-ترمک . فی الواقع بو بر آز
کوجدر . دوشونکیزکه بک جید اخلاق واصله مالک
بر بیوک مأمورک حضورنده ، هرکون ، معاوونی ویا
قلم ممیزی : افندم بو کون دوندن اعلاسیکز . هله شو
بیوردیغکیز شیده بر کرامت واردر . عجبا بو ایش قانونه
مغایر می ؟ دیورس-کیز ، حالبوکه بونده بن اصابت
کوربیورم ، کبی سوزلر ویا بو یولده اجرا آت ایله وقت
کچیرسون . ابتدا بو وضعیت قارشیسندمه آمر اولان ذات ،
یواش یواش ، بیلمیه رک تبدیل س-جیه ایدر ، او آدمه
طوقوناماز . ثانیاً ، او آدم ده- تعبیر مزی عفویوریکیز-
جیویق اولور ، ثالثاً ، ایش شیرازه سندن چیقار و...
بر اداری آمارشی میدانده کلیر .

صاغلام ، چلیکدن بر س-جیه لازمدرکه بو قرونیق ،
روح وخلق خسته لغنه نهایت ویرلسون . فکر سجه مأمورک
آمرینه قارشی اولان تبصبعی قانون نامه جزاده اک مهم
جنایتی تشکیل ایتملیدر . بو دردک دواسی - عمومیتی

اعتباريله سويليورز - هر دولتك زمامداراننى تشكيل
ايدن بر قاچ كشينك آلنده در . بونلرايجه بيلميدرلر كه
واقعا بو كې مأمورلر ايله اداره مصلحت قابل اولور .
نه نوعدن اولورسه اولسون بر طاقم اجراآت ياييله بيلير ،
فقط بو موقت و آئيدر . بو صورته اداره نك تمللرى
ييفيلور ، چاينك كيرشلىرى كوشهر .

مذكتمزده - كرار آ سويلدك - مأمورين ممتاز صنفى
تشكيل ايديور . دولتك كوره بيله جكى ايلك ده ، فنالوقده
آنلردن كله بيلير . چونكه مأمورين صنفى موجهه سنده
موازنه يي ادامه ايدمك بشقه بر صنف يوقدر . آنك
ايچون و ديكر بر صنف يتشنيجه به قدر مأمورلر
« اداره » سى بزده مسئله اساسيه در .

شو جهنى قطعيتله ادعا ايدرم : ماضينك لوثر ياسنى
بيلميان ، مأمور صنفنك اعتياداتنى آكلاميان پك
پا كنهاد پك زياده خلوص نيت صاحبي ذوات ، ايلك
دفعه اولمق اوزره ، بعض دوائر ك باشنه كچديلر . بونلر
بيوك بر عزم و قطعيتله چالشمق ايجون ميدانه كلشردى .
تعينلرينك فرداسى معاون بك ، اوراق عميرى افندى ،
كاتبچىكلر آنلره چاتمق فننده كى مهارتلىرىنى كوسترديلر .
مومى اليه و يا مشاراليه آمر تفرعات اموره ، اصول

قرطاس-بیه پک او قدر واقف اوله میه جغندن بونلرک ساخته معلوماتنه ، جعلی اختصاصاتنه قایلدی و ظن ابتدی که بو محلفات ماضی به مراجعت ایتمه دن دولاب اداره بی تدویر قابل اولیه جق . بناء علیه ، ماضی بوضوئله بعث بعدالموت سرینسه ، فقط قسماً ، مظهر اولیور . بو جریان او قدر یواش ، او قدر کورولتیسز کیدیور که کیمسه بونک فرقنه واره میور . بو دقیقه اصل کوستریله جک مهارت و حمیت بو جریانی کورمک و آکا قارشی کلیمکدر .

مأمورین قانونی و آکا تبعاً نظامات خصوصیه بی تیز آلدن یا بملی و اداره به بر قضاویت ویرملی یز . بوندن صکره مهما ممکن مأمورلری تحدید و تجدید مجبور بئنده یز . اردونک کنجیشدیرلمی بر امر ضروری ایدی . بشقه درلو بر شی یاپیله مازدی . عجیبا دولت و مملکت ایچون مأمور اردوسی عسکر اردوسندن دها آز مهم میدر ؟ اخلاق قدیمه امحابنک کرسی اقبالده طور رسمی ایله اسکی طاس اسکی حمام ماضی مملکت مزده حکم فرما اولور . ممالک عثمانیه و ادواد جدیده ، به داخل اولمازسه استقبالی امین دکادر . یکی بر طرز اداره ایچون یکی اللر لازمدر . بو استقباله کسب لیاقت ایچون ده شیعیمدن تدارکلی

بولونمقلغمز بر فريضه در . مع التأسف بو خصوصه
هیچ بر شی یامیورز . اك زیاده ملكیه ، قضاة ، حقوق
مكتبهاری نظر ابتصاره آلفه سزادر .

افادات سالفه دن بزی جذریلکده (رادیهالیزم)
افراطه کیدیور ظن اتمه ییکز . خیر ! درشت بر طر زده
اجرا آتک حلافکیری یز . مأمور اردوسی ایچنده او
قدر چوق ذوات واردر که آنلرک بر اداره سالمده
استخدامی پک ممکندر . خزینه خدمتمده یولسزلق
کوستروبد . دیون عمومیهده منتظماً چالیشان ویا شو
صوکنجی اداره دن دولت خدمتمه کجکدن صکره اخلاق
بوزانلر پک چوقدر . صیقی بر « دبسیپلین » ایچنده ،
خصوصیه کوچک مأمورلر ، ای ایش کوره بیلرلر .
بزم هدف مؤاخذه مز بر درجهیه قدر بیوک ویا بیوجک
مأمورلردر . آنلرک ده عددی پک چوق اولسه کر کدر .
خلاصه کلام بیشتر سیاستی ، کوپرلی محمد پاشا مغفورک
ألینه آلدینی کی آملی و بر آز جراحلق ایتمی . غانفره نی
ادامه ایدن مأمورین یالکز ماضی یادکارلری دکلدرد .
یکی یتیشنلرک ایچندهده اسکیره رحمت اوقوته حق چلبیلر
چوقدر ، رجا ایدرم بو جهتی اونوتمیهلم .

شوراسنی سویلیهیم که عدل واحسان پولتیقه سی یالکز

حق پاشا حضرت تلیتک تحت امتیازنده بولونما میسر .
(عدالت) نظریه سینه مستنداً معهود ، مأمورینک تصفیہ سی
لازم کلیورسه (احسان) اساسنه ابقناء ده آنلرک تأمین
معیشتری آشغی یوقاری بیت المالک بورجیدر .

معرض انتهاده بر آزده دیگر بر دردمزدن بحث
ایده لم : بزده آدم یتشمیور . آدم ایجادی حقنده هنوز
بر پولتیقه من یوقدر . عبدالحمید ثانی دورندن اول عظمای
وزرا بر درجهیه آدم یتشدیر مکه افتخار ایدرلردی .
ارباب استعداد آرانیر ، بولونور و بو صورتله هم آنلر ،
همده دولت مستفید اولوردی .

تمیز ایدن بر چوق ذواتی بیلیرم که مثلاً رشید پاشا
کبی بر طاقم اجله رجالک یتشدیر ملریدر . بز ایسه هم
آدمسزلقدن ، مأمورسزلقدن شکایت ایدیورز همده
مع التأسف اصحاب قابلیت بولوب میدانه چیقار میورز .
بیوک پترو روسیه بی پکیلشدیردیکی وقت اک زیاده انسان
یتشدیر مک مسئله سینه عطف اعتبار ایتشدی . هر مملکتک
امر تجدیدنده اعظم بو دقیقه به لزومی قدر اهمیت ویر مشاردر .
نقصان اخلاق ندیدر ، نه دندر ؟ بیلمم . مشروطیتک
اوان اعلاننده بو قدر خنده و استهزایی استعجاب ایدن
(مخدوم و داماد بککیر) اصولی بشقه بر شکله کیره رک

روحلمزده الآن حکمفرما اوليور. حسبۀ الله ، مملکتہ
 آدم يقشدير مک غرضيله هييج بر کيمسه مظهر محابت
 اوله ميور . من الواقع بويله غائله لي زمانلرده بر چوق
 اطراد سز قلر اولور . فقط سياست اول باول بنای استقبالی
 انشا ديمک اولديغندن بيوکلردن شونی رجا ايدر ز: بوندن
 صکره کی قرن حیاتمزه دولتی اداره ایدمک آدم لری
 شمدیدن بولوب تشویق و ترغیب ایتسولر . ترکلره ،
 مسلمانلره یا بيله جق اک بیوک ایستک ایشته بودر . بر آز
 دیگر کام (آلتر وئیست) اولم . مملکتتمز خود کاملغک
 غلبه سیله مضمحل اولدی . منحصر آ کیسه مز ، کندیمز
 ایچون دکل ، مملکتتمز ، دولتمز ، فلاخر ایچون ده
 چالیشم . استقبال (بوکون) الیمزده در . بز آکا شمدی
 ایستدیکمز شکلی ویره بیلیر . فقط (یارین) ایش دکیسه جکدر .
 چالیشم ، چابالیم و ترک عقیلی صکره دن کلیر ،
 کلام مشهورینی فعلیاتله تکذیب ایدم .

مدافعه و تربیه ملیه

بچنده ، پارس دارالفنونی ارکانندن بر ذاتك برکتبانی
اوقومشدم . بو معلم بك اینجه بر نقطه یه تماس ایله تركلره ،
عربلره ، مسلمانلره و علی العموم شرقیونه چاتیور .
پروفسورك حققی تسلیم ایدرز . بو متبع دیوركه شرقیون ،
بعضاً ، ولهذا بر غیرت و هیجان کوستر ، میدانه
عیرالعقول بر اثر سیاسی و یا عسکری کلیر . فقط بودوام
ایتمز . آز بر زمانده سوز . چونكه شرقیلرده شیعه
دوام یوقدر . فکر تعقیب بك آزدر . ایلك هیجان
کچدکن صكره ماكنه طورر . تاریخده کوردیکمز
استعلاى عرب ، وسطی آسیادن کان جهانگیرلك اجرا آتی
هپ بو قییلنددر .

معلم شو سوزلری استطراداً ، بر بشقه مطلب ضمننده
سویلبوردی . فقط بز بو حقیقتی هر شیئه تطبیق ایده بیلیرز .
بزم امراض مدهشه مزدن بری ده یالکمز تیلر ایمش نهلکه بی

کورمك ، آكا قارشى تدابير سريعه اتخاذ ايتمكدور .
ظن ايتم كه (اداره مصلحت) تعبيرلرينك شرق لسانلرندن
بشقعلرنده مقابلى اولسون . بر تهاكه كورور كورمن
غلبانه كليورز ، بك چوق شيلر ياپيورز . جوشان
وخروشان روحمن قلبمزه صيفه ميور ، فقط ايرتسى كون
سرخوشلقدن صكره عارض اولان خماره مشابه بر حاله
كرفتار اوليورز . رسم افتتاح وكشاددن صكره كي جلسهلر
اهميتلرينى غائب ايديورلر .

بو ذهنيت ايله بز خيلى شيلر ياپدق . طوغريسنى
سويليلهلم : فلاكتلر باش كوستردكدن صكره مدافعه مليه من
ايچون خيلى اوغراشدق . شو هنكامه مضايقه ده ياپيلان
ويا ياپيله بيلن شيللرله افتخار ايدم بيليرز . فقط مدافعه
مليه منحصراً طوب وتفنگله اولماز . زور بازو بوكا كافي
دكلدر . اكر فكرينى يوقارويه ثقل ايتديكم پروفسورك
ديديكى كبي بر سجييه مالك اولمسو ايدك ، ملي مدافعه من
ايچون ياپديغمزى ياقمقله برابر بر آز دها درين دوشونور ،
استقباله بر آز فضله جه نكه انداز اولوردق . نمره سنى
بوكون دكل ، يارين ، بلهكه اوبركون كوره جكمز ، بزم
دكل اخفادمنك ادراك ايدم جكي ايشلره توسل ايدردك .
تاريخمزي تكرار او قومق كلفتنه قاتلانكيز ؟ كوره جك .
سكزكه هر تهاكه نك ، هر مصيبتك فرداسنده تنسيقات

عسکریه کرمی و یرمشر . مغلوب اولان یالکیز عسکر در .
 ذهابنده بولونمش . حالبوکه ملت یقشد یرمک ، آکا بر
 قان افاضه ایتک پک او قدر خیاله کلمه مش .
 مدافعه ملیه جمعیتی ، دونما جمعیتی پک اعلا ، صوک
 درجه ده شایان ترغیب مؤسسات مبروکه در . فقط مدافعه
 ملیه ایچون غیر کافیدر . زوالی ملت ، زوالی وطن
 هنوز دستور قطعی حیاتی بوله مدی ، ترک و مسلمان
 تربیه سی تقرر ایده مدی . مقصد من آکلاشیلوریایا تربیه
 عمومی من مسئله سی قورجالمق ایستقورز . مملکت مزده
 اک بیوک پروغرام سزلق ، اک اسفناک اطراد سزلق تربیه
 عمومی ده حکم فرما اولیور . بلکه بر چوق شیلر حقننده
 (نه بولوز) حالنده بر پروغرامز وار . فقط اک قرار سز
 شیشمز تربیه عمومی مندر . آحاددن ، ابتدائی معلمانندن
 دکل رجالدن ، ارکاندن بر چوق ذواته صوردم . هر بری
 بر شی سویلیور . دها غلطویسی هیچ بری مسئله یی
 لایقی ایله دوشونه مه مش . مکتبلر من اللهاق . بو حال
 مؤسسات اجنبیه نکه اکمکنه باغ سوریور . اجنبی مکتبلر
 آشاغی یوقاری رلی اطفالک پاره سیله اداره اولنیور و حتی ..
 زنکین اولیور . مسلمان و ترک چو چوقلرینک فرنک
 مکتبلرینه و یردکاری اجرتلر ایله پک مکمل مؤسسات
 تدریسیه وجوده کلیردی . بز بو جریحه ملیه منی هنوز

دوشونمه مشتر. مسئله بی اطرافیه تدقیق هنوز عقله کلمه مش. ارباب علاقه نك شدتله نظر ابتصارینی جلب ایدرم . شو صوك مسئله بی تعمیق اینسونلر ...

بز هم پاره مزى ویری-ورز ، هم ده بوكا مقابل حسیات ملیه و وطنیه مزدن اساسلیجه فدا کارلق ایدیورزه . بیلیرز میس-یونر مکتبلرندن چیقانلر روما قاتولیکى ویا آنغلیقان اولمیورلر . اولمیورلر فقط بزم ایسته دیکمز کی جوشان و خروشان بر ملیته ده صاحب اوله میورلر . بوراده بر استطراد یابه لم : مؤسسات اجنبیه دن چیقانلر ایچنده پك حیتلی ذوات وار . بونلر اوراده کی لاقیدی بی کوره رك وجریان ایدن شیلری فرط ذکالریله تفحص ایدرك بلکه بر چوقلرندن زیاده وطن پرورلر کلرینی آرتدی مشلردر . فقط ، عجبا ، بونلرک عددی قاچدر ؟

آوروپا مکتبلرندن چیقان (لاقید) مضر اولسه بیله وطن ایچون زانددر . انکلیز ویا آلمان (کوانتور) لرینك حیرانی اولان بو کیمسه لرده بر ذرحیه قدر محیطلرندن استکراه حسی حاصل اولیور . فلسفی (أنترناسیونالیزم) دکل ، فقط سرسری (قوزموپولیتیزم) ی اولانجه شدتیه کندیلرینه استیلا ایدیور :

هرکسک معلومی اولدینی اوزره معارف و مکتبدن مقصد یالکیز دماغ و حافظه بی تربیه دکلدرد . حسک تربیه سیده بر امر اهمدر . دماغ ، بدن ، حس بردن

و متوازیاً تربیه کورورسه او زمان بر نتیجه حاصل
 اولور . شو دستوری ایجه محافظه ایدلم . دیمک اولیورکه
 اجنبی مؤسسائی - بو نقطه نظر دن - بزم اولادمزه تام
 بر تربیه ویره میور . بلکه دماغ و بدن بو مکتبلرده
 تربیه ایدیلیور . فقط حس اصلا مظهر تربیه اولیور .
 دها ایلری کیده رک دیلم که حس اورالرده تربیه ایدلمک
 شویله طورسون ابطال و اضلال بیله ایدیلیور . حال بوکه
 وطنمزه اک زیاده لازم اولان شی ، خصوصیه شو
 زمانلرده ، تربیه حسیاندر . بو نقطه نظر اختلافدن
 فوق العاده ضرر کوردک . دیه بیلیرم که شرق مسئله سی
 دنیان اعجوبه سیاسیه طوغدینی کوندن بری بز بودرد ایله
 مضطربز . اکر سلطان سلیم زمانندن بری بزده تربیه
 ملیه و وطنیه اساسلری - عسکرک تجدیدی اساسی ایله برابر -
 قبول ایدلسه ایدی هر حالده بوکون دها قانلی ، دها جانلی
 اولوردق بو اهمال نتیجه شیدرکه محیطمزده برچوقلمز نه
 اولدیغمزی بیلیمورز . غایه لرمز تربیه ملیه خصوصاً
 کوستربان لاقیدی اثری اوله رق ، عادتاً اورتولی بولونیور .
 بشقه مملکتلرده اصل تحمل ایدیله میه جک شیلره بزوراده
 انقیاد ایدیورز .

برجوق محافظه یکی برغایه خیالیه اختراع ایدلمسی موضوع
 بحث اولیور . بوفکره جد آتأسف و تعجب ایدرم . غایه دنیان

شی احداث ایدلنز، ثم التدارك ألدہ ایدیلہ جک مواددن دکلدر.
 بواعصار و دهورک محصلہ سیدر. بزم دہ غایہ مز و اردر.
 هم دہ دیہ بیلیرم کہ بوغایہ برشکل دینیدہ تمثیل ایتدیکندن
 بلکه بتون غایہ لردن دہا شدیددر. شوقدر و ارکہ تربیہ ملیہ
 و وطنیہ قارشى اولان اہمالکار لغمز بزم بدرجہ یہ قدر
 غایہ مزى، مقصد مزى اونوتدیر یور. بناء علیہ یاسیلہ جق
 شى غایہ یراتمق دکل، غایہ مزى انکشاف و تقویہ ایتدیرہ جک
 تربیہ اساساتى قبولدہ وقت کچیر مہ مکدہ در. اگر حال حاضر
 دوام ایدرسہ مدافعہ ملیہ و دونانما جمعیتلرینک خدمات
 وطن پرورانہ سندن، غیرت ملیہ سندن پاک بیوک نتائج
 حاصل اولماز. وطنمزى، ملتمزى دہا زیادہ کورمکہ،
 بیلیمکہ، سومکہ محتاجز، کذلک وطن دہ، ملت دہ دہا زیادہ
 کورولمکہ، بیلیمکہ، سویلکہ محتاجدر. وضعیت سیاسیہ مز
 بزم برتربیہ سربعہ وطنیہ اتخاذینى آمردر. مبارزہ و محاربہ
 حیاندہ آنجق (وطن) دینیلان تپہ لردہ، اولدن، عسکر
 اخذ موقع ایدرسہ غالب کلیر. یوقسہ تعبیدہ بو یرلر
 پشیندن الدہ ایدلنرسہ موفقیّت و مظفریت دکل، محافظہ
 موقع بیلہ محال اولور.

ملتلك فوقنده

فكرلر مودايه تابعدر . خصوصيله حقائق اشيايه ،
مواد مجرده يه تعلق ايدن مواد ، قطعي حلالره اقتران
ايدميه جـكـنـدن بر آزالق مودا اولور ، صـكـره
قانون ابتدالك تحت حكمرانيسـنـده مودادن دوشـر .
فلسفه تاريخنه عطف نظر ابتصاره ايديليرسه كوريلور كه
روحون و ماديون نظريه لري موقوت و مقنن بر صورتده
بر برينه خلف اوله رق ذهن عطشان بشري اشغال ايتمشدر .
مسالك اجتماعيه و سياسيده بويله در .

بو كونلرده (انترناسيوناليزم) و (قوزموپوليتيزم)
ياد اولنان بيك ييلاق ملتئم نوع بشردر ، وطنم روي زمين !
نظريه سي يكي بر تفسير و تعريفه مظهر اوله رق مشـتـري

پیدا ایدبور۔ ہو مقالہ مزی ہو یکی نظریہ یہ حصر ایدہ جکزر۔
مقصد من علمی واجتماعی دکل ، بر درجہ یہ قدر سیاسیدر۔
چونکہ کوریورز کہ مملکت مزده تربیہ مدنیہ نقصانی
و بر طاقم حسابات عالیہ نک بعض کیمسہ لرجہ اونو تلمی
عجیب و مضر پرو پاغاندارہ میدان ویریور ۔

ہو کونلردہ آمریقاندن آوروپاہ طوغری هجوم ایدن
بر فکردہ بر درجہ یہ قدر حضور مزی سلب ایدہ بیلہ جکندن
احتیاطی طاوور انملی یز ۔

نو ۔ یورقدہ واقع مشہور « قولومبیا » دارالفنونی
شیخی (رہ قتا ، شیخ یعنی رئیس المعلمین) مسٹر باطلا
Mr. Butler لری کہنہ بین المللک مکتبنی احیا ایدبور ۔
ہو معلمک خلوص نیتنہ ، کندی محیطنده اصابت رأینہ
اعتراض ایدہ جک دکلز ۔ چونکہ شمالی آمریقا حکومات
متحدہ سندہ ملیت فکرینک پک فوقندہ بر ہیئت اجتماعیه
تشکل ایدہ بیلمشدر ۔ آمریقادہ ترکلار و عربلر ، روملر
ولہیلر کمال سربستی ایلہ محافظہ ملیت ایدرک یاشیور
و چالیشیورلر ۔ لہستانک الکیوک شہر لرندن برینک آوروپادہ
دکل ، آمریقانک (ایلایونیس) حکومتندہ کی مشہور چبقاغو
قصبہ سی اولدینقی سویلر سہم تعجب ایدر میسکزر ؟

آمریقا اسکی دنیانک کچیر مکدہ اولدینقی ملیت بھرائتی
جو قدن کچیر مش ۔ اورادہ حریت اساسی اوزرینہ

(پلن آمريکانيزم) چيقمشدر .

فقط بزم ايجون مليتي ترك مسلكي ممكن ومتصور
بالجمله مصائبك جلب و دعوتى ديمكدر .

أوروبا هنوز مليت نظريه سنك شدت فرما بولوندينى بر
دورده ياشبور، بالقان حكوماتى آنجق و آنجق مليت فكريتك
ظهورى ايله تشكىل استدى . صوك دڭراش محاربه مزده
ينه بو فكرك اثيردر . بناء عليه بزده عبنى سلاح ايله تجهز
ايتزايسهك ايشيمز ابي اولماز. نظرى بر صورتده دوشونهك
اولور ايسهك فى الواقع ، مليتلك فوقنده بر غايه معلا
كوره بيليرز . بو اعتبار ايله پروسور باطلانك تفسير
نوينه مظهر اولان (أنترناسيوناليزم) بيوك ، اك نجيب
مقاصد بشريه دن برينى تشكىل ايدم بيلير . فقط ، عجبا ،
نوع بهيمى بشر هنوز بو پايه يه لايقميدر ؟ ترك تسليحات
كبي (أنترناسيوناليزم) ده آنجق بتون انسانلك موافقتى ايله
اولم بيلير. بوقسه موافقت عموميه يه باقمه دن بو فكرى قبول
ايدن بر ملت انتخار ايتمش ديمكدر . بونك كبي بتون دنيا
دردنوط مسابقه سنه كمال غلياز و هيچان ايله دوام ايدر كن
دولت لردن برى چيقوبده بن افكار علويه طرفدارم ،
بناء عليه سزه بر نمونه بشر پرورى كوسترملك ايجون
ايشته بو دقيقه دن اعتبار آ دوتقاي الغا ، اردومى احيا

ایدیورم دیرسه - امین اولیکیز - ایرتسی کون یدی قرال
آنک علیهنه دونه رک ملککی استیلا ایدرلر . حالا فقره
خاطرده در : بر وقت جزای اعدام الفا ایدیه جکدی .
رومانجی آلفونس قارک بر سوزی بتون پروژم رک یوز
اوستی قلمسینه سبب اولدی . ادیب مشهور دیمش که فی الواقع
اعدام جزاسی کی صغوق بر عقوبتی ازاله پک طوغریدر :
فقط پروکا ابتدا حکومت دکل قاتل افندیار باشلاما ایدرلر .
مع التأسف مملکت مزه یکی فکری دیه مزخرقات آرا
کیری - ور و بونلرک اشیرینه بر چوق کیزلی قاپاقلی
اورغانیزاسیونلر غیرت ایدیور مؤسسات تدریسیه اجنبیه
واقعا بر جاهلی اوقور بازار ایتمکده در . اورادن چیقان
چو جق قیرپیق بیقلی ، تینیس ویا قروکت اوینار . آمریقا
شیوه سنده ناطقه پرداز اولور ، یکی دنیا اهلی کی ویسکی
ایچر اما ، وطنه خائن اولسه بیله آکا قارشی دهشتلی بر
لا قیدی ایله معامله ایدر . بو تربیه نک غوامضی بالآخره
تفصیل ایده جکیز . ایشته انترناسیونالیزمدن ده بویله جه
قورقوروز . بو نظریه نک مملکت مزده رواج بولسند بتون
(عالم کون و فساد) ک منفعتی واردر . قوای عظیمه
روحیه نک دوچار انحلال اولدینی بو هنکامده بزی برده
شیمه وطن و ملت پرویدن محروم کورورلرسه - آچیق

سویلیه لم - ایشیمز پک فنا اولور .

مملکتک اهم سواثق فلاکتی بر چوقلر مزك قیدسزلغیدر .
 عروق ملتیه بر آز قان ، جان ، عرفان ویرملی بز . بر
 طاقلر مز فلاکتلر مزده منحصر آکندی قباحتلر مز
 کوریشور . حقیقت حالده خطیئتمز بر دکلدرد . فقط بو
 خطیئاتی ترویج ایدنلرده چوقدر . بر چوق مضر نصایح ،
 هر کون ، شالدن غربدن بز اسیمور . مسئله بی چاتالشدیر -
 میه لم : بزم قصور مز درکاردر . فقط آنلرک جنایتلری ده
 آشکاردر . شو زمین اوزرینه کچن کون بر ذات ایله
 کوریشوردم .

مشارالیه بکا بر حکایه فخر ایتدیردی : - بر زوالینک
 حیوانتی چالمشدر . بیچاره حیوانمی چالان نره ده ؟ دیه
 میدانلرده طولاشیورمش . هر راست کلن بدلالق ایتدک ،
 قباححت سنده ، به حریف نهیه مرکبی ایی محافظه ایدمه مدک ؟
 کبی سوزلرله کنندی معاتبه قویولمشدر . زوالی حیوان
 صاحبی حدته کلهرک دیمش که : پک اعلا ! بن کنندی
 قباحتمی ، قصور می آکلادم . فقط شو خرسیزکده هیچ
 قباحتی یوقی ؟

بیوک بر حقیقتی احتوا ایدن شو قصه موضوع بحث
 ایتدیکمز زمینده تطبیق اولنه بیلر . منحصر آکندی

قباحتهمزی کوروب اعدانك أنتریقہ لرینی ، غصب لرینی
 کورمیه جک درجہ دہ علیہمزدہ طرفکیر اولیہ لم . وطن
 وملت پرور نہ قدر قابلیتمز وارسہ جملہ سنی تمرکز
 ابتدہ برم . اگر ہو قابلیتمز آذایسہ آنلری تزیدایدہ لم .
 چونکہ مجادلہ حیاندہ بشقہ چارہ ہو قدر .
 پروفیسور باطلا حرفیاً دیورکہ :

« نوع بشرک اذغانی هنوز بر ملتک سجایاسنی تشکیل
 ایدن (اتنیق) « فن ملل شناسی » خطوط عمومیه یی
 آکلا یہ حق و تعریف ایدہ جک بر حالہ کلامشدر . شو قدرکہ
 محقق اولان بر شی واردر : دنیا دہ کندی نقطہ نظر لرندن
 تکامل ایدہ بیلیمک و مختلف فعالیتلردہ بولونمق ایچون
 ملتلمہ بر چوقدر . بو کون اک اساسلی مسئلہ حیاتیہ
 شودر : بو ملتلمہ و بو عرقلر بر برینک اوزرینہ صالیدرہ .
 جقلرینہ کونی (اونیوہر سہل) و جهانی (موندیال)
 مدنیتمک تعالی و ارتقاسی ایچون بر لکدہ چالیشہ مازلرمی ؟
 پک طوغریدر . اگر ہر ملت پروفیسور باطلانک حقائق
 نظریہ سی موجبہ ترک جدالہ راغب اولورسہ بز ترکلر
 ہر کسدن و ہر ملتدن زیادہ ہو بابدہ خواہش کوستررز .
 بآن شرطکہ (ملیت) نظریہ سنک قربانی اولدیغمز کی
 (نفی ملیت) نظریہ سنک دہ فریفتہ چنکال اغفالی اولیہ لم .

پك بسبب كې كورينن بو قاعده مليت ناپرووري ايله پك
اساسلى جريحه لر آچيله بيلير .

مقدمه ده سويلديكمزى خاتمه مزده تكرر ايدم :
انترناسيوناليزم دنيا قدر اسكيدر . پروفور باطلا آنجق
بوکا بر يکيلک ، بر تازه لك ويرمشر . بوقسه بونی علم
وفنك صوك سوزى اولق اوزره قبول ايتما می یز . نته کیم
کچن کون (آقاده می فرانسه ز) اعضالغنه انتخاب اولنان
موسیو هاری بهرغسونده ایلک انسانلرله برابر طوغان
مسلك روحیونی یکی تعریفاته نائل ایتمکله تمجید پلاوی
کې اورتهیه قوبمدر .

تجددده افراطه اوغرامیهلم . چونکه تیز رفتار اولانک
پاینه دامن طولاشیر .

صوك

فهرست کتاب

صفحه	
۳	مقدمه
۱۲	تاریخچه و اخلاق
۲۱	نقصان محبت
۳۱	عائله حیانتك فقدانى
۴۰	قادرین و اخلاق معاشرت
۴۹	وطنمیز و ملتیز آز سویلیور
۵۹	ترك اخلاق ملیه سی
۶۸	شیمه بدبینی
۷۸	اوافق تفك اخلاق سر دقلر من
۹۶	درد و دوا
۱۰۶	خاتمه و قاطیه
۱۱۵	علاوات



خاتم الانبیا

جلال نوری بک افندیك اخیراً ساحه آرای استفاده اولان
بالاده کی عنوانی اثر نفیرنك مندرجاتی بوجه آیدر :

مقدمه . — ایکنجی مقدمه . — مسئله نبوت . — محیط
مادی . — محیط عرقی . — محیط دینی ، فکری و حی . —
محیط حائلوی . — محیط سیاسی . — محیط اجتماعی . — تاریخ
عمومیده موقع احمدی . — تاریخده ادیانک رولی . — حضرت
پیغمبرک دهاسی . — مزاج و سجایای پیغمبری . — اک بیوک فکر
نبوی . — موجد ایمان اولقی اوزره حضرت محمد . — حضرت
محمدک ذاتیت عامه سی . — افکار محمدیه . — نظریه تکامل و مبنای
محمدی . — مقایسات تاریخیه و دینییه . — سا کیا مونی ، بوددا . —
خونخ فوتسو . — زارا طوسترا . — ایسوس خریستوس . —
پاولوس . — سہنت اوکوستن . — مارطین لوطر . — بعض
اعاظم . — معارضلرہ جولام .

فیاتی ۱۰ مجلدی ۱۲ بچق غروشدرد .

بو اثر جلیک مندرجات و ماهیتی حقنہ بر فکر ایدنک
ایسته بنلره — مراجعت وقوعنہ — کتبخانہ من اثر مذکورک برنجی
و ایکنجی فورملرینی مجاناً تقدیم ایدر .

بروز

جلال نوری بکک بو عنوانی بر شعر نامنطومی یقینلرہ انتشار
ایتدی . بو بابده هیچ بر سوز سوزلک ایسته مه یز . یالکیز ارباب
مراقه شونی توصیه ایدرز : « بروز » ایله کوتہک « فاؤست » بی
اوقوبوب مقایسه ایتسونلر . فیاتی ۱۰۰ پارمدر .